

সেদিন বর্ষাকালের কৃষ্ণপক্ষের একটি ঘনমেঘাচ্ছন্ন রাত্রি। সারাদিন প্রায় বর্ষণ হয়ে গেছে। সন্ধ্যায় পর বর্ষণ থেমেছে কিন্তু দুর্ধোগ কাটে নাই। আকাশে দিগন্ত থেকে দিগন্ত বিস্তৃত মেঘ রয়েছে। এলোমেলো বর্ষার বাতাস বইছে। বইছে প্রবল বেগেই। কৃষ্ণপক্ষের অন্ধকার আকাশের মেঘের ঘন আবরণের ছায়ায় চামড়ার মতো পুরু হয়ে উঠেছে। পৃথিবী যেন মে-অন্ধকারে হারিয়ে গেছে। দেখা যাচ্ছে শুধু অসংখ্য, লক্ষ লক্ষ জোনাকির জলা আর নেভা। জলছে আর নিভছে।

মধ্যে মধ্যে কোন দূর দিগন্তে মেঘ চমকাচ্ছে। তার ক্ষীণ আলোর পারিপার্শ্বিকের একটা অস্পষ্ট আভাস পাওয়া যাচ্ছে। ঘন অরণ্যভূমির মধ্যে একটি পথ।

মৃদু গম্ভীর মেঘগর্জন উঠছে পর পর। কিন্তু অবিরাম উঠছে গাছের সঙ্গে বাতাসের মাতনের শব্দ। ঝর-ঝর, ঝর-ঝর, ঝর-ঝর। তার সঙ্গে ব্যাঙের উল্লাস-কলরব যুক্ত হয়ে একটি যেন ঐক্যতানের শব্দ। ঠিক তালে তালে বেজে চলেছে। হঠাৎ একবার প্রবল বিদ্যুৎ চমকে উঠল—অরণ্যভূমির মাথার উপর। আলোর আলো হয়ে গেল বনভূমি; সঙ্গে সঙ্গে স্পষ্ট হয়ে দেখা গেল চারিদিক।

দুপাশে ঘন শালবনের মধ্য দিয়ে চলে গেছে একটি স্বগঠিত পথ। সেই পথ ধরে দূরে চলেছে একটি মানুষ। চলেছে নয়—দীর্ঘ ডাকহরকরা ডাক নিয়ে ছুটছে। তারই সঙ্গে সঙ্গে বাজছে লাঠির ডগায় ঘণ্টা-ঘুড়ুরেব রুন-রুন শব্দ। আরও দেখা গেল, বাতাসে শালবন ছলছে।

আলো নিভে গেল। ঘনত্তর হয়ে উঠল অন্ধকার। উচ্চ মেঘগর্জন উঠল।

অন্ধকারের মধ্যে আবার জলতে লাগল জোনাকি। ব্যাঙের ডাকের সঙ্গে বাতাসের মাতামাতি প্রকট হয়ে উঠল। বেজে চলল রুন-রুন শব্দ।

এইবার বাঁকের মাথায়—যে মুখে দীর্ঘ চলেছে তার আগে—বিপরীত দিক থেকে বাঁকের গাছের ফাঁকে ফাঁকে মাথায় মাথায় ধূমকেতুর গুচ্ছের মতো দীর্ঘ আলোর ছটা জেগে উঠল। ওপার থেকে কোনো মোটরকার আসছে। তার হেড-লাইট স্পট-লাইটের আলোর শিখা বিস্তার করে এগিয়ে আসছে। মোটর দেখা যাচ্ছে না।

মিনিটখানেক পরেই মোটরখানা বাঁকে মোড় নিয়ে সোজা এগিয়ে এল। দেখা গেল আলো। রাজপথ, দুপাশের জলসিক্ত অরণ্যভূমি চারিপাশের অন্ধকার বেটনীর মধ্যে আলোকোজ্জ্বল হয়ে উঠল। দীর্ঘ ডাকহরকরাও স্পষ্ট হয়ে উঠল। সে ছুটছে। পিছন দিক হতে অদ্ভুত লাগছে তাকে।

মোটরে আসছেন ডাক্তারবাবু।

হুডওয়লা টুরারবন্ডি মোটরটা এগিয়ে দীর্ঘর কাছাকাছি এসে বাঁকেরেব জগ্ন মন্থর হল। এই দুর্ধোগের মধ্যে এমন করে কে যায় ?

দীর্ঘকে স্পষ্ট দেখা গেল।

পেশী-সবল কালো মানুষটি। মাথায় একটা ছোট টোকা। উর্ধ্বাঙ্গ নয়। পরনে

মালকৌচা সঁটে কাপড় পরা। হাঁটু থেকে পা পর্যন্ত খালি। কাঁধে একটা লাঠির সঙ্গে ডাকের ব্যাগ বাঁধা রয়েছে, লাঠির ডগায় বাঁধা দুটি ঘণ্টা, লাঠিতে লাগানো একটি বস্ত্রের ফলা। হাতে রয়েছে একটি লঠন।

মোটরের আলো চোখে পড়তেই সে রাস্তার পাশে সরে গিয়ে চলতে শুরু করল দীর্ঘ মন্থর গতিতে।

ডাক্তার প্রশ্ন করলেন—কে ?

দীর্ঘ চলতে চলতেই উত্তর দিল—ডাক্তারকরা, সরকার বাহাদুরের ডাক।

—কে, দীর্ঘ ?

দীর্ঘ গাড়ির পিছন দিক থেকে উত্তর দিল—আজ্ঞে হ্যাঁ। কে ? ডাক্তারবাবু ?

বলতে বলতেই সে অন্ধকারের মধ্যে যেন মিশে গেল।

ডাক্তারবাবু আবার গাড়িখানার গতিবেগ বাড়িয়ে দিলেন। গাড়ি চলতে লাগল—দুপাশের শালগাছের ভিজে পাতায় হেড-লাইটের তীব্র আলো পড়ে ঝকঝক করে উঠল। গাছের ফাঁকে ফাঁকে পড়ল গিয়ে আলো। উর্ধ্বাকাশে খানিকটা দূর পর্যন্ত শূন্যলোকে আলো যেন ভাসতে ভাসতে চলল। তার ওপারে নিঃসীম অন্ধকার। অন্ধকার চিরে দু-একবার মেঘে দূরাস্তরের বিদ্যুচ্ছটা ভেসে গেল। কিছু দূর গিয়েই আর-একটা বাঁক। সেখানে ডাক্তারের গাড়ি মোড় নিচ্ছে, এমন সময় একটা চিংকার শোনা গেল।

—অ্যা—ও, খবরদার !

ডাক্তার গাড়ির ব্রেক টিপে ধরলেন।

আবার চিংকার ধ্বনিত হয়ে উঠল—খবরদার ! ডাক। সরকার বাহাদুরের ডাক।

ডাক্তার গাড়ি থেকে মুখ বের করে পিছন দিকে তাকালেন।

ওপাশ থেকে দরজা খুলে নেমে পড়ল ড্রাইভার। সে দেখলে পিছনের দিকে তাকিয়ে।

অন্ধকার। কিছুই দেখা যায় না।

মুহূ বিদ্যুৎ চমকাল। সেই মুহূ বিদ্যুতালোকে ড্রাইভার এবং ডাক্তার দেখলেন—দূরে দুটি সুখ্যমান ব্যক্তি। কাউকে চেনা গেল না। একটি লোক—সে নিশ্চিতরূপে দীর্ঘ। উপুড় হয়ে পড়ে আছে সে। একজন তার কাছ থেকে ব্যাগটা ছিনিয়ে নিতে চেষ্টা করছে। এ-ছবি একটা চকিতের ছবি। ওই বিদ্যুৎ-চমকের মধ্যে দেখা গেল মাত্র। বিদ্যুৎ-চমক মিলিয়ে যাবার সঙ্গে সঙ্গেই নিরঙ্কু, অন্ধকারে ঢেকে গেল। অন্ধকারের মধ্যে চিংকার উঠল। না—না—না ! না !

ডাক্তার ড্রাইভারকে বললেন—উঠে এসো গাড়িতে। জলদি।

ড্রাইভার উঠে বসল—গাড়ি ঘুরল। হেড-লাইট পড়ল দূরে সুখ্যমান লোক দুটির উপর। শুধন-আক্রমণকারী লাঠি উত্তত করেছে। সে পিছন ফিরে আছে আলোর দিকে। দীর্ঘ চিংকার করে উঠল। ডাকাত ! ডাকাত ! এর পরই লাঠি পড়ল। দীর্ঘর চিংকার শোনা গেল—আঃ— !

গাড়ি অগ্রসর হল। লোকটি একবার চেঁচা করল ব্যাগটা টানতে। কিন্তু গাড়ির আলো এগিয়ে আসতেই ছেড়ে দিয়ে বনের মধ্যে অন্তর্হিত হয়ে গেল।

গাড়িটা এসে দাঁড়াল।

দীহু উপুড় হয়ে ডাকের ব্যাগ আঁকড়ে পড়ে আছে। তার মাথার পিছন দিকটা ফেটে গেছে। লঠনটা গড়াচ্ছে।

ডাক্তার টর্চ ফেলে চারিদিক দেখলেন। ড্রাইভার গাড়ির হ্যাণ্ডেলটা নিয়ে নামল। ডাক্তারও নামলেন। দীহুকে দেখলেন। হাত দেখলেন। বুকে হাত দিলেন। আঘাতটা দেখলেন। বললেন—এঃ, ঘা-টা বড় জোর লেগেছে।

ড্রাইভার বললে—কিন্তু ডাকের ব্যাগটা ছাড়ে নি।

—ওকে ফাস্ট এড দেওয়া দরকার। চারিদিকের বন ও অন্ধকারের দিকে চেয়ে দেখে বললেন—কিন্তু এখানে আর নয়। দলে নিশ্চয় একজন ছিল না। বনের মধ্যে গরে নিশ্চয় লুকিয়ে আছে। আমাদের হুজুন দেখে আবার আসতে পারে। তুমি ওদিকে ধরো। আমি এদিকে।

ধরলেন হুজুন। দীহুকে তুললেন—দীহুর বুকে আঁকড়ে ধরা ডাকের ব্যাগটাও উঠতে চাইল। ডাক্তার টেনে ছাড়িয়ে নিলেন। তারপর গাড়িতে তুললেন।

গাড়ি এসে উঠল সদর হাসপাতালে।

ডাক্তার নেমে ভিতরে গিয়ে সর্বাগ্রে টেবিলে বসে খসখস করে চিঠি লিখে ফেললেন।

ড্রাইভারকে ডাকলেন—শজু!

শজু এসে দাঁড়াল। সঙ্গে সঙ্গে একজন এসে ব্যাগটা রেখে গেল।

এই চিঠি নিয়ে তুমি এখুনি খানাতে যাও। চিঠি দিয়ে এসো। বোলো—আমি দীহুর চিকিৎসার ব্যবস্থা করছি। আঘাতটা জোর বলেই মনে হচ্ছে। ওঁদের এসে ব্যাগটা দেখে নিতে বোলো। পোস্টাফিসে খবর ঠরাই দেবেন।

শজু চিঠি নিয়ে বেরিয়ে গেল।

ডাক্তার বের হলেন—বিপরীত দিকের বারান্দায়। তার আগে খুলে ফেললেন কোটটা। আস্তিন গুটিয়ে নিতে নিতে বেরিয়ে গেলেন। বেরিয়ে যাবার সময় দরজা বন্ধ করলেন চাবি দিয়ে

বারান্দায় বেরিয়ে ডাকলেন—রামলাল!

রামলাল এসে দাঁড়াল। ডাক্তার বললেন—তুমি এই দরজায় পাহারা থাকো। খুব সাবধান!

ওদিকে স্ট্রেচারে দীহুকে বয়ে নিয়ে গেল হাসপাতালের লোকেরা। ডাক্তার তাদের অহুমসরণ করলেন।

ওপাশ থেকে মোটরের শব্দ হল। দেখা গেল শজু মোটর নিয়ে বেরিয়ে গেল।

এদিকে দেখা গেল টেবিলের উপর দীহুকে শোয়ানো হয়েছে।

ডাক্তার হাত ধুয়ে হাত মুছলেন।

তখন ইলেকট্রিক হয় নি মফখলে। জোরে টর্চের আলো ফেলা হল কতস্থানে। কতটা বেশ গভীর। চারিপাশের চুল তখন কাটা হয়ে গেছে। ডাক্তার দেখলেন ভালো করে। তারপর হাতে নিলেন সার্জারির যন্ত্র।

সেই মুহূর্তে—বাইরে একটা বজ্রপাতের মতো মেঘগর্জন ধ্বনিত হয়ে উঠল।

বাইরে তখন প্রবল বর্ষণ শুরু হয়েছে। ঘন ঘন বিদ্যুচ্চমকের মধ্যে বর্ষণ দেখা যাচ্ছে। গাছপালার বাতাসের মাতনের শব্দ উঠছে। তারই মধ্যে পড়ে আছে নিথর বারান্দাটা। ডাক্তার দীহুর প্রাথমিক চিকিৎসা শেষ করে এসে দাঁড়ালেন বারান্দায়। বর্ষণমুখর মেঘ ও অন্ধকারের দিকে তাকিয়ে রইলেন। চোখের উপর বারেকের জন্তু ভেসে উঠল—দীহুর সংগ্রামরত মূর্তি। বিদ্যুতালোকে দেখেছিলেন—একটা লোক লাঠি মারতে উত্তত হয়েছে দীহুর মাথায়। দীহু উপুড় হয়ে পড়ে আছে।

একজন নার্স এল।

বললে—ওর জ্ঞান হচ্ছে ডাক্তারবাবু—

—জ্ঞান হচ্ছে? ডাক্তার ঘুরলেন। দ্রুত এসে ঘরে ঢুকলেন।

দীহু তখন চিৎকার করছে—না—না—না!

ডাক্তার এসে পাশে দাঁড়ালেন, বললেন—দীহু, দীহু—তয় নেই। দীহু!

—এঁ্যা—

—ভয় নেই, তারা পালিয়েছে। তুই হাসপাতালে রয়েছিস। দীহু!

—এঁ্যা, ডাক্তারবাবু?

—হ্যাঁ, আমি তোমার চিৎকার শুনে পেয়েছিলাম—

—আপনি বাঁচালেন আমাকে?

—হ্যাঁ। আমি গাড়ি না ঘোরালে তোকে ওরা মেরে ফেলতো।

—আমার ব্যাগ? সরকারী ডাক?

—আছে। সে নিতে পারে নি। ওঃ, যে জোরে আঁকড়ে ধরে ছিল—!

দীহু আশ্বাসের সঙ্গে বললে—জ্ঞাঃ!

—তুই এখন ঘুমো। ঘুমের গুধু দেবে। এখন আর নয়।

—ডাক্তারবাবু!

—কী?

—তাকে ধরেছেন?

—কাকে?

—সেই—

—এ—সেই ডাকাতকে? না। ধরব কী করে? সে পালিয়ে গেল। গাড়ির

আলো ঘুরতেই তোকে ছেড়ে বনের মধ্যে ছুটে চলে গেল। ওদের কি শুধু-হাতে ধরা যায়? ভালো করে দেখতেই পেলাম না। ছায়াবাজীর মতো, ভোজবাজীর মতো মনে হল।

দৌছু স্থির দৃষ্টিতে দেয়ালের দিকে চেয়ে রইল। আঘাত তার মাথার পিছনে। সে কাত ফিরে শুয়ে ছিল।

ডাক্তার একজন নাগকে বললেন—ওকে বেড়ে নিয়ে যাও। ওষুধটা খাইয়ে দাও।

দৌছু ডাকলে—ডাক্তারবাবু!

—কী?

—আমার কী হবে ডাক্তারবাবু? পুলিশ—(কণ্ঠ তার রুদ্ধ হয়ে গেল—দরদর ধারায় তার চোখ থেকে জল নেমে এল।)

ডাক্তার হেসে বললেন—কী হবে? তুই যে কাজ করেছিল তাতে সরকার তোকে পুরস্কার দেবেন যে। আমি সাক্ষী। ওঃ, তুই বীরের মতো লড়াই করেছিল। বুক দিয়ে মেলব্যাগ যেভাবে তুই ঢেকে ছিলি—এক মানুষ নিজের ছেলেকে ওইভাবে রক্ষা করতে পারে বুক দিকে ঢেকে।

দৌছু হা-হা করে কেঁদে উঠল।

বাইরে মোটরের শব্দ হল।

ডাক্তার বেরিয়ে গেলেন।

এর পর দেখা গেল—আপিস-ঘরে দাঁড়িয়ে আছেন এস. পি., পোস্টাল সুপার, সাবইনস্পেক্টর পুলিশ, পোস্টাপিসের লোক। ডাক্তারও রয়েছেন।

এস. পি. মেল-ব্যাগের শীল পরীক্ষা করে দেখছেন।

পোস্টাল সুপার পাশ থেকে দেখে বললেন—শীল ভাঙে নি। ঠিক আছে।

ডাক্তার বললেন—ডাক্তারদের তো ব্যাগ ছুঁতে দেয় নি দৌছু। বুক দিয়ে ঢেকে পড়ে ছিল। মাথায় লাঠি পড়ল, তাতেও না। তখনও চিৎকার করছে—সরকার বাহাদুরের ডাক! খবরদার—! আমি গাড়িটা ফেরালাম। হেড-লাইটের আলো পড়তেই—

এস.পি. পরীক্ষা শেষ করে ব্যাগটা নামিয়ে দিয়ে ডাক্তারের কথার মাঝখানেই বললেন—আপনার স্টেটমেন্ট পরে নেব ডাক্তারবাবু। এরপর পোস্টাল সুপারকে বললেন—ব্যাগটা কেটে দেখুন, ঠিক আছে কিনা! ব্যাগের মধ্যে ক্যাশ স্টেটমেন্ট নিশ্চয় আছে। কাটুন।

এস. পি. বেরিয়ে এলেন।

বায়ান্দায় দাঁড়িয়ে ছিল আর-একজন সাবইনস্পেক্টর ও কজন কনস্টেবল। কম্পাউণ্ডে ডাক্তারের এবং এস. পি.-র মোটর। এস. পি. সিগারেট ধরালেন। বললেন সাবইনস্পেক্টরকে—তুমি ডাক্তারের ড্রাইভারকে নিয়ে চলে যাও। যেখানে ঘটনাটা ঘটেছে—সেখানে মোতায়েন থাকো। কোনো কিছু নাড়াচাড়া না হয়।

সাবইনস্পেক্টর স্যালুট করে বললে—ইয়েস স্যার।

—ভাস্করের ড্রাইভারকে নিয়ে যাও ।

তখন সকাল হয়ে এসেছে । বর্ষণ ক্ষান্ত হয়েছে । টিপিটিপি মুহু হুঁচার ফোঁটা বৃষ্টি পড়ছে । ভারী মধ্যে—হাসপাতালের আউট-হাউস থেকে জমাদার-জমাদারনীরা বেরিয়ে আসছে । কারও হাতে ঝাঁটা । কারও হাতে বেডপ্যান ।

দুটো উলঙ্গ ছেলে—একটা গর্তের মধ্যে জমা জলে লাফিয়ে লাফিয়ে কাদা-জলে সর্বাঙ্গ চিহ্নিত করছে ।

গাছের ডালে কাক বসেছে । ডাকছে । গাছের পাতা থেকে জল পড়ছে নিচে টপটপ করে ।

গেটের ধারে একদল লোক জমেছে । বিস্মিত হয়ে দেখছে আর ভাবছে—হাসপাতালে পুলিশ কেন ?

পুলিস-স্বপার সিগারেট টানছেন—মধ্যে মধ্যে হাতের ছোট লাঠিটা দিয়ে জুতোর ডগার কাদা ছাড়াচ্ছেন ।

পোস্টাল-স্বপার চামড়ার ক্যাশব্যাগ ও একথানা ইনসিওর্ড খাম হাতে নিয়ে বেরিয়ে এলেন । বললেন—বোধ হয় এইটের লোভে মিস্টার চৌধুরী, দি অ্যাটেম্প্ট ওয়াজ মেড । হাজার টাকার ইনসিওর । ব্যাগে টাকা সামান্যই ছিল—আড়াই শো । এভরিথিং ইজ ইনট্যাক্ট ।

—ইয়েস । দেখলেন এস. পি. ।

ইতিমধ্যে গাড়িতে স্টার্ট দেওয়া হল । এস. পি. হাত তুলে রওনা হতে বারণ করলেন ।

পোস্টাল-স্বপার বললেন—হি হাজ্, সেভ্‌ড্, ইট । ইয়েস, হি হাজ্, সেভ্‌ড্, ইট—ওকে আমি—

চলে যেতে উত্তত হলেন । এস. পি. বাধা দিলেন ।—নট্ নাউ ; ওকে একটু স্থস্থ হতে দিন । আগে চলুন Place of occurrence-টা দেখে আসি ।

ভীরা গাড়িতে উঠলেন । গাড়ি রওনা হয়ে গেল ।

হাসপাতালের বারান্দা দিয়ে স্ট্রিচারে দীহুকে বয়ে নিয়ে হাসপাতালের বেডে এনে শুইয়ে দেওয়া হল । ঘুমের ওষুধ খাওয়ানো হল ।

দীহুর চোখের সামনে অঙ্ককার রাজির বর্ষণসিক্ত অরণ্য ভেসে উঠল ।

ঘুমের ওষুধের নেশায় সে-ছবি একেবৈকে তালগোল পাকিয়ে গেল যেন । চোখ বন্ধ হয়ে এল ।

নার্স একজন হাওয়া করছিল ।

ওদিকে ঘটনাস্থলে গাড়িখানাকে দেখা গেল ।

শব্দ দেখালে ঘটনাস্থলটি।—ঠিক এইখানটায় স্মার । ইয়া এইখানটায় । অনেকটা রক্ত পড়েছিল । বোধ হয় জলে ধুয়ে গেছে । তারা এই দিক দিয়ে বনে ঢুকে গেল আমাদের লাইট দেখে ।

বঁাঙ্কা বেয়ে তখনও জল চলে যাচ্ছে ।

এস. পি. ভাঁকইরকঁতে দেখলেন । পড়ে আছে শুধু লণ্ঠনটা । এবং মাথার ভাঙা টোকাটা ।
বনের মধ্যে ঢুকলেন । সব চিহ্ন জলে ধুয়ে গেছে ।

আবার ঘুরে এলেন ঘটনাস্থলে । লাঠির ডগা দিয়ে একটা জায়গায় জমে-থাকা জলের
বেরিয়ে ঘাবার পথ করে দিলেন । বেরিয়ে পড়ল—ছুটি হাঁটুর ছাপ, ছুটি-হাতের ছাপ ।

দাঁহু যে উপুড় হয়ে ডাকের ব্যাগ আঁকড়ে পড়ে ছিল—এই তো ! যে লোকটা লাঠি
মেরেছিল, সে ছিল এই দিকে—বনের ধার দিয়ে—

ঝুঁকে পড়লেন এস. পি. । সঙ্গে সঙ্গে এস, আই., পোস্টাল-সুপারও ঝুঁকে পড়ে দেখলেন ।

এস. পি. বললেন—হঁ । বুক দিয়েই জড়িয়ে ধরে রক্ষা করতে চেয়েছিল বটে । লোকটা
প্রাণ দিয়ে লড়েছে । Yes, he is a brave man—

বিকেল বেলা—মেঘ তখন কেটে এসেছে । আকাশে কাটা মেঘ এবং সূর্যালোকের
সমারোহে আলোছায়ার খেলা । এই খেলার ছায়া এসে পড়েছে তখন বিছানায় শায়িত
দাঁহুর মুখের উপর । একদিকে Postal Super । মাথার ধারে টেবিলের উপর ফল
সাজিয়ে রেখে Postal Super বললেন—চিনতে পারছ আমাকে ?

দাঁহু সন্তয়ে বললে—হঁজুর ! হাত তুলে সেলাম করতে চেষ্টা করলে ।

—থাক । তুমি ভালো হয়ে ওঠো । শিগ্গির ভালো হয়ে উঠবে—কোনো ভয় নেই ।

—হঁা হঁজুর ।

—খুব বাহাদুর তুমি । খুব সাহসের পরিচয় দিয়েছ । সরকার তোমার উপর খুব খুশী
হয়েছেন । এর জন্তে তুমি রিওয়ার্ড পাবে । আমি লিখব ।

দাঁহুর ঠোঁট ছুটি ধরধর করে কাঁপতে লাগল । উত্তর দিতে পারলে না সে । অথবা
দিলে না ।

সাহেব Postal Super প্রশ্ন করলেন—কত জন ছিল তারা ?

—আজ্ঞে ?

—ভাকাতদের কথা জিজ্ঞাসা করছি ।

সন্তয়ে অস্পষ্ট ভাবে বললে, ডা-কা-ত-রা ?

হঁা, কতজন ছিল তারা ? কাউকে চিনতে পেরেছিলে ? অন্ধকারের মধ্যে হলেও খুব
কাছে এসেছিল তো তারা !

বিস্ময়ের মতো দাঁহু কাঁদতে লাগল ।

—কাঁদছ কেন ? কেঁদো না ।

—আমাকে মেরে ফেলাইতো হঁজুর—মরে যেতাম আমি—

—না—না—না । তুমি শিগ্গির ভালো হয়ে যাবে । আচ্ছা তুমি ভালো, ভেবে
দেখো,—যদি কারুর মতো মনে হয়—মনে করো । আমি আবার আসব । ফলগুলি তুমি
খেয়ো । আবার আসব আমি ।

সাহেব উঠলেন।

দীহু স্থির দৃষ্টিতে জানালা দিয়ে পশ্চিমাকাশের দিকে তাকিয়ে রইল।

হঠাৎ শাস্তভাবেই বলে উঠল—হজুর!

সাহেব ফিরলেন।—কিছু বলবে?

—হ্যাঁ, হজুর। শাস্তভাবেই সে জানালার দিকে চেয়ে কথাগুলি বললে।

—বলো, কি বলবে বলো?

এবার চোখ দিয়ে জল গড়াতে লাগল। অতিকষ্টে বললে—হজুর!

Postal Super প্রতীক্ষা করলেন কয়েক মুহূর্ত—তারপর বললেন—বলো, কি ইচ্ছে হচ্ছে বলো?

আত্মসংবরণ করে দীহু বললে—হজুর, আমার ছেলে—

চোখ দিয়ে জল গড়াল। সূর্যালোক প্রথর দীপ্তিতে মুখের উপর পড়ল। দীহু মুখ ফেরালে।

সুপার সঙ্গে সঙ্গে এগিয়ে গিয়ে জানালার ঘষা কাচের দরজা বন্ধ করে দিতে দিতে বললেন—তোমার ছেলেকে দেখতে চাও?

অঙ্ককার ছায়ার মধ্যে দীহু বলল—হ্যাঁ হজুর। একটা গভীর দীর্ঘনিশ্বাস ফেললে সে।

—বেশ, তার জন্তে কী? আজই তোমার পোস্টাপিসের মাস্টারবাবুর কাছে তার পাঠিয়ে দিচ্ছি।

দীহুর চোখ দিয়ে জল গড়াতে লাগল।

সাহেব কাছে এলেন। হেসে বললেন—কাঁদছ কেন?

দীহু বললে—হজুর!

সাহেব হাতের ফাইলখানা দেখিয়ে বললেন—এতে পড়ছিলাম;—এটা তোমার ফাইল, তোমার চাকরির গোড়া থেকে এ পর্যন্ত সব কথা লেখা আছে। পড়ছিলাম—তুমি ভয়ানক সাহসী লোক। মস্ত লাঠিয়াল। ভূত প্রেত ডাকাত কাউকে ভয় কর না। নবগ্রামে পোস্টাপিস হবার পর যখন পথে সূঁদীপুরের বটতলায় ভূতের ভয়ে ঠ্যাঙাড়ের ভয়ে রানার পাওয়া যায় নি—তখন গুথানকার জমিদারবাবুরা তোমাকে দিয়েছিলেন। আজ পনেরো বছর তুমি ডাকহরকরার কাজ করছ, জলে ঝড়ে—কোন কিছুতে একদিন তোমার পাঁচমিনিট দেয়ি হয় নি। আজ তুমি ডাকাতে হাত থেকে সরকারী ডাক বাঁচিয়েছ—আঘাত পেয়েছ কিন্তু সে তো খুব বেশী নয়। ক-দিনের মধ্যেই সেরে যাবে। তুমি কাঁদছ কেন?

দীহু স্থির নিম্পলক দৃষ্টিতে চেয়ে রইল—

মনশ্চক্ষে ভেসে উঠল তার অতীত দিনের কথা:

পনেরো বছর আগে—

নবগ্রামের খড়োচাল মাটির ব্রাঞ্চ পোস্টাপিস। কাঠের খুঁটি দেওয়া মেটে বারান্দা। সেই বারান্দায় বসে আছেন গ্রামের চার-পাঁচজন ভদ্রলোক, পোস্টাল ইন্সপেক্টর, দাঁড়িয়ে আছেন পোস্টমাস্টার, ওভারসিয়ার, পিওন এবং বারান্দার নিচে খোলা আয়রন দাঁড়িয়ে

আছে পনেরো বছর কম বয়সের দীহু। দেওয়ালে একটা নোটিশবোর্ড, একটা নোটিশের মাথায় লেখা—1928—March।

প্রবীণ দাশরথিবাবু—সম্ভ্রান্ত সৌম্য চেহারা—তিনি বললেন—এ কাজ তোকে নিতে হবে দীহু। গ্রামের মান রাখতে হবে। হুঁদৌপুরের বটতলার ভয়ে রাত্রে ডাক যায় না—তার অন্তে ডাক যেতে একদিন দেরি হয়, পেতে একদিন দেরি হয়—এতে গ্রামের অস্থবিধে, সঙ্গে সঙ্গে ছুঁরাম। আমি জানি তুই পারবি।

দীহুর মনশ্চক্কে সামনে বারেকের জগু অঙ্ককার রাত্রির হুঁদৌপুরের বটতলা এবং অরণ্যখন পথখানি ভেসে উঠল। বটগাছের ডাল ছলতে থাকে।

এই দৃষ্টির মধ্যেই দাশরথিবাবুর কথা শোনা গেল। তিনি বলেই চলেছিলেন—ও পারবে ইনস্পেক্টর বাবু। এই তো সেদিন আমার বড়ছেলেকে তার করবার জগু রাত্রি আটটার সময় পাঠালাম বোলপুরে এখান থেকে, রাত্রি তিনটে না বাজতে ফিরে এল—তার করে তার রসিদ নিয়ে। ও আমার কৃষ্ণাণের ছেলে। লাঠিয়াল হয়েছে, কিন্তু সংলোক—দাঙ্গা করতে পারে না। ধর্মকে ভয় করে—চোর ডাকাতদের ছায়া মাড়ায় না। যমকেও ভয় করে না। পাউড়েও খুব।

পথের দৃশ্য মিলিয়ে গেল—দীহু বাস্তবে ফিরে এল।

ইনস্পেক্টর প্রশ্ন করলেন—পাউড়েও খুব? তার মানে?

—ও। পাউড়ে মানে—পা ষার উড়ে চলে ইনস্পেক্টর বাবু। মানে খুব জোরে হাঁটতে পারে। আমার ছেলে একবার মহলে ছিল—এখান থেকে পাঁচ কোশ রাস্তা—জরুরী খবর নিয়ে যেতে হবে—আবার ফিরতে হবে সঙ্গে সঙ্গে; মানে এক নাগাড় দশকোশ—বিশ মাইল—তা দীহু চার ঘণ্টায় গিয়ে ফিরে এসেছিল।

—মানে ঘণ্টায় পাঁচ মাইল! বাঃ! দীহু মাথা নিচু করে বসে মাটির উপর খোলাম-কুচি দিয়ে দাগ কেটে যাচ্ছিল। ঠিক এই সময় পোস্টমাস্টারের মেয়ে আট দশ বছর বয়স—সে ঘরের ভিতর থেকে উঁকি মেয়ে বলল—বাবা! চা তৈরী হয়েছে। আনব?

মাস্টার ঘুরে তাকিয়ে বললেন—আনো।

মেয়েটি চলে গেল।

মাস্টার পিওনকে বললেন—ফেলবে হয়তো। তুমি গিয়ে নিয়ে এসো।

পিওন ভিতরে চা আনতে গেল।

দাশরথিবাবু ইনস্পেক্টরের কথার উত্তরে বললেন—ওকেই এ্যাপয়েন্ট করুন; ওর অন্তে দায়ী থাকতে হলে আমি থাকতে রাজী আছি। ডাকাত ঠ্যাঙাড়ে সকালে ছিল একালে নাই। ভয়টাই আছে। কিরে দীনে, ডাকাতের ভয় আছে নাকি? মানে, পথে রাহাজানির—?

দীহু নত মুখেই একটু হেসে বললে—আজ্ঞে না। সি-সব আর কোথা পাবেন? সে কালও নাই সে মাহুঘও নাই। তবে ওই দু-চার জনা আছে একলা-দোকলা ছব্যল ভালো-মাহুঘ পেলে—চড়-চাপড়টা মেয়ে ভয় দেখিয়ে পুঁটলি-মুটলী কেড়ে-কুড়ে নিয়ে পালায়। তাও

দিনে-দুপুরে। রেতে-বিরেতে নয়। সি-সব দানা দত্যির মতো মাছুষগুলান ফোঁত হয়ে গিয়েছে। একেবারে নিব্বংশ। পাপ করে কি কেউ বাঁচে? বাঁচে না।

—তা হলে তুমি পারবে বলছ? ইনস্পেক্টর বললেন।

এরই মধ্যে পিণ্ডন কামার খালার উপর বসিয়ে চায়ের কাপ নিয়ে এল। পোস্টমাস্টার সেগুলি এগিয়ে দিলেন।

দীক্ষ উত্তর দিলে—হজুরদের হুকুম হলে পারব না ক্যান? পারব।

—ভূত প্রেতের ভয়?

ফিক কবে হেসে দীক্ষ বললে—ভূত কোথা হজুর? উ-সব নষ্ট-তুষ্ট মেয়ে পুরুষের কাণ্ড।

—ভূত বিশ্বাস কর না তুমি?

—রাম রাম বলতে বলতে চলে যাব হজুর।

—বুকে ছাখো। সন্ধ্যার সময় এখান থেকে রওনা হয়ে বোলপুর পৌঁছতে হবে এগারোটার মধ্যে। আবার সেখান থেকে বেরতে হবে তিনটের পর, এখান পৌঁছতে হবে ছটার মধ্যে। পারবে? ইতিমধ্যে চা খেয়ে শেষ করে কাপ নামিয়ে দিলেন। এবং সিগারেট কেস বের করে দাশরথিবাবুর সামনে ধরলেন।—নিন।

দীক্ষ বললে—তা পারব বইকি। এই তো বোলপুর! হামেশাই খেছি আর আসছি।

সিগারেট ধরিয়ে ইনস্পেক্টর বললেন—সরকার বাহাদুরের ডাক। টাকা পয়সা ইনসিগুর, রেজিস্ট্রি। কত লোকের কত চিঠি। জল হোক ঝড় হোক—তোমাকে ডাক নিয়ে পৌঁছতে হবে।

—তা ঠিক পছন্দে দোব হজুর। ঠিক দোব।

—হ্যাঁ। পৌঁছে দিতে হবে। পথে কোথাও একমিনিট দাঁড়াবে না, বসবে না, কারুর সঙ্গে কথা বলতে থাকবে না। তুমি নিয়ে যাবে সরকার বাহাদুরের ডাক।

এবার একটু আতঙ্কিত হল দীক্ষ কথাগুলির প্রভাবে। বললে—আজ্ঞে হ্যাঁ।

দাশরথিবাবু বললেন—চোর আশুক ডাকাত আশুক—জান দিয়ে রাখবি, হ্যাঁ!

—আজ্ঞে হ্যাঁ।

ইনস্পেক্টর বললেন—বিপদের সময় মনে থাকবে তো এ-কথা? তখন ভয়ে ভুলে যাবে না তো? ডাক ফেলে পালাবে না তো?

দীক্ষ হাত জোড় করে বললে—সব বেচে সবাই খায় হজুর, ধরম বেচে কেউ খায় না, খেতে নাই হজুর—আমি তা খাব না।

ইনস্পেক্টর ওভারসিয়ার এবং পোস্টমাস্টারকে বললেন—তা হলে ওকেই এ্যাপয়েন্টমেন্ট দাও। আর রুট বদলে—এই পথ দিয়ে ডাক যাক, এবং সন্ধ্যার পর ডাক যাবে আবার রাত্রেই রওনা হয়ে ডাক এনে ভোরে পৌঁছবে। (দীক্ষর প্রতি) তুমি মাইনে পাবে মাসে পনেরো টাকা। ওভারসিয়ার বাবুর কাছে ফরমে তোমার টিপ ছাপ দাও। পেটা নাও কোট নাও—কেমন? মনে থাকে যেন সরকার বাহাদুরের ডাক বইবার তার নিলে তুমি!

দীহু সরকারী কোর্তা পরে কোমরে পেটা পাথর ও পাগড়ি বেঁধে বাঁধে ঘুঙুর-ঘণ্টা এবং বহুম পুরানো বাঁশের লাঠিটি নিয়ে অহঙ্কৃত ভাবেই নবগ্রামের অল্প কয়েকখানা ছোট দোকানগুলো বাজারের পথ দিয়ে বাড়ি ফিরল।

পথে একটা দোকানের সামনে বাউল হরিদাস আলখাল্লা পরে একতারা বাজিয়ে গান করছিল—দীহু গান শুনে খুশী হল। বাবাজী একতারা হাতে সমবেত জনতার কাছে পয়সা চেয়ে ফিরতে ফিরতে দীহুর কাছে এসে দাঁড়াল। পাগড়ি-কোর্তা পরা দীহুকে সে দীহু বলে চিনতেও পারে নি। চিনতে পেয়ে সবিস্ময়ে বলল—জ্যা! দীহু?

দীহু একটা পয়সা বাবাজীর ভিক্ষাপাত্রে ফেলে দিয়ে বললে—হ্যা গো বাবাজী। চিনতে পারছ না নাকি? মুখের দিকে চেয়ে থেকে বাবাজী বললে—তা লারছি দীহু। এই পোশাক, পেটা কোর্তা পাগড়ি, এঁয়া? তার উপর নগদ একটা পয়সা দিলি—ওরে বানাস রে!

চারিপাশের জনতার মধ্যে থেকে কেউ বললে—ও বাবা রে! তাই তো বটে! দীনেই তো বটে! আমি বলি কে সরকারী চাপরাসী-টাপরাসী।

একজন বললে—বন থেকে বেকল টিয়ে লাগামছা মাথায় দিয়ে!

দীহু ওদের কথা গ্রাহ্য না করেই বললে—চাকরি পেলাম যে বাবাজী।

—চাকরি!

—হ্যা গো; ডেকে দিলে—

—ডেকে দিলে?

—খাস সরকারী চাকরি! পোস্টাপিসের ডাকহরকরা। মাসে পনেরো টাকা মাইনে। তার ওপর এই কোর্তা পেটা পাগড়ি।

বাবাজী বললে—বলিহারি বলিহারি! পনেরো টাকা মাইনে। তার উপর কোর্তা পেটা পাগড়ি!

বলেই গান ধরে দিল—

আহা, লাল পাগড়ি বেঁধে মাথে

রাজা হলে মথুরাতে—

বাঁশী ছেড়ে দণ্ড হাতে বঁধু হলে দণ্ডদাতা

কলঙ্কিনী রাধায় দণ্ড দিলে মান থাকে কোথা?

লাল পাগড়ি বেঁধে মাথে—

এখন আমি নালিশ করি—

মাখন চুরি বসন চুরি—

শেষে মন অপহরি—ফেরারী চোর গেল কোথা?

বেঁধে এনে বিচার কর—শুনব নাকো ছুতোনাতা।

বঁধু ভূমি রাজা হয়ে কেন হলে হায় বিধাতা—

গান শেষ করে হরিদাস তার চিবুকে হাত দিয়ে বললে—তাই জন্তে পয়সা দিলি

আমাকে! হরিবোল হরিবোল। ভালো হবে রে তোমর ভালো হবে।

একজন বললে—তা হলে এতদিনে নোটন চৌকিদারের কাছে হেঁট মাথাটা তোমর উঠল।

দীলু বললে—উঠল মানে? ওর চেয়ে উঁচু হল গো! ও তো চৌকিদার; মাস্টারবাবু বললে—ওর তো ছোট গবরমেণ্টারের চাকরি! আমার চাকরি বড় গবরমেণ্টারের; ভারত গবরমেণ্টারের গো! হাঁ! তবে হ্যাঁ;—চাকরি ওর স্মথের বটে। ঘরে শুয়ে শুয়ে জানলা খুলে এ—হৈ—এ—হৈ—বলে হাঁক মেয়েই চাকরি করা চলবে না। আমার চাকরি বুয়েছেন—সরকার বাহাদুরের ডাক—জল হোক—ঝড় হোক—বাজ পড়ুক—ঠিক সময়ে ডাক পৌছে দিতে হবে। আচ্ছা—চলি বাবাজী; আবার উদিকে টিকিস কেটে দেবে। মদের দোকানে গো।

ওদিকে দীলুর বাড়িতে—দীলুর স্ত্রী সহ অর্থাৎ সৌদামিনী দাওয়ায় বসে ভাত রাঁধছে। সেখানে একটা কেরোসিনের ডিবে জ্বলছে। মাটির হাঁড়ি মাটির কলসী মাটির ভাঁড় খুর নিয়ে সংসার। কেবল একটা ঘটি চকমক করছে। চাঁদের আলোয় সেদিন ঝলমলে জ্যোৎস্না। উঠানটার একপাশে একখানা ছোট শাকের ক্ষেত। চারিপাশে বেড়া দেওয়া। একপাশে দুটি বলদ এবং দুটি গাই বাধা। এরা বসে রোমন্থন করছে।

একটু দূরে কোথাও থেকে শব্দ আসছে ঠক্ ঠক্ ঠক্ ঠক্ ঠক্ ঠক্। একটু দূরেই একটা খোলা জায়গায় আট ন বছরের ছেলে নিতাই এবং ক-জন পাড়ার ছেলে বাখারির লাঠি নিয়ে লাঠি খেলছে, তারই শব্দ শুণ্ডলি।

দীলুর স্ত্রী রান্না ছেড়ে দাওয়ায় প্রান্তে এসে দাঁড়াল।

চালের বাতা ধরে একটু ঝুঁকে ডাকলে—চিৎকার করেই ডাকলে—নেতা-ই! নেতা-ই রে! আবে অ নে—তা—ই!

উত্তরে এল শুধু ঠক্-ঠক্ শব্দ।

দীলুর স্ত্রী নামল উঠানে। আবার ডাকলে—নে—তা—ই!

উত্তর এল। ওই অবিশ্রান্ত ঠক্ ঠক্ শব্দের মধ্যেই উত্তর এল—কী?

—বলি করছিস কী? শুনে যা!

—লারব এখন। সময় নাই।

—সময় নাই লয়, শুনে যা!

—আমি যাব না—! অ্যাই ও! (ধমকটা দিল তার খেলোয়াড়কে)—

—তবে রে হারামজাদা—বজ্জাত—

বলতে বলতে সে এগিয়ে এল—এবার লাঠি-খেলোয়াড়দের দেখা গেল। নগ্নকায় খাটো কাপড় মালকোছা মারা ছেলে কয়েকজন বেশ দক্ষতার সঙ্গে লাঠি খেলছে।

অ্যাই—ও। অ্যাই—ও।

হাই। হাই। হাই!

সঙ্গে সঙ্গে ঠক ঠক ঠকা ঠক ঠকাঠক—লাঠিতে লাঠিতে সংঘর্ষ চলছে।
সহু-বউ এসে দাঁড়াল এবং ডাকলে—নেতাই! খেলা রাখ।
নেতাই উত্তর না দিয়ে খেলেই গেল—এবং প্রতিপক্ষের লাঠিতে ঘা মারার সঙ্গে হাঁক
মেরে গেল—

হাই লে। হাই লে। হাই হাই হাই। হাই ও। হাই—

প্রতিপক্ষ পিছন হটছিল।

সহু কঠোর কণ্ঠে ডাকলে—নেতাই! ওরে হারামজাদা—

—ক্যানে রে হারামজাদী! হাই ও। বলে—ঘুরে এসে নিজের কোটে দাঁড়াল।

—লাঠি রাখ, শোন।

—না। না। না। ভাত এখন খাব না। যা!

—মেরে তোর হাড় একঠাই মাস একঠাই করব বলছি। তোর বাবা এখনও আসে
নাই—সেই ষেয়েছে। বাবুদের লোক ডেকে নিয়ে ষেয়েছে। দেখে আয় একবার।

—ষেয়েছে আসবে। আমি এখন যাব না, যা।

—ওরে মুখপোড়া, চাপরাসী বলে গেল সরকারী হাকিম ডেকেছে। সরকারী হাকিম
ডেকেছে, এতক্ষণ হয়ে গেল—দেখে আয়—

—পারব না আমি, সি মরুক গো!

—কি বললি? মরুক গো? তু মর।

—তু মর! তু মর! তু মর!

এব প্রতিক্রিয়ায় অস্ত্র ছেলেগুলি খেমে গেল। একজন বললে—য্যা ক্যানে নেতাই।
মা ডাকছে। কাল খেলব আবার।

নেতাই ক্রুদ্ধ ভাবে একমুহূর্ত মায়ের দিকে তাকিয়ে দেখে উন্টোমুখে হাঁটতে লাগল।
সহু মনে করলে সে তার বাপের খোঁজে চলেছে। সে বললে—বাবুদের বাড়ি দেখবি।
সেখানে না-পাস তো একবার মাতালশালে যাস—

নেতাই মুখ ভেঙিয়ে দিল—অ্যাই—অ্যাই—অ্যাই—

ঠিক এই মুহূর্তটিতেই ওদের বাড়ির দিক থেকে কারুর ভারী কণ্ঠস্বর ভেসে এল—এ সদু
বহু! দীনবন্ধুকে পরিবার! এ—

সহু চমকে উঠল। নিতাই থমকে দাঁড়াল।

আবার হাঁক এল—এ—নেটাইচরণ—দীনাকে লড়কা—

সহু ছেলের দিকে তাকিয়ে শঙ্কিত কণ্ঠে বললে—কে রে? ও নেতাই, পশ্চিমার লোকের
মতো কে ডাকছে রে? পুলিশ-মুলিস না ক্যা রে?

নিতাই এবার ফিরল। এবং হাঁকলে—কে বটে হায়?

আসলে ডাকছিল দীহু। তার একটু মদের নেশা লেগেছে। বাড়ির উঠানের ধারে
দাঁড়িয়ে ওই পাগড়ি পেটা কোর্তার স্বযোগ নিয়ে হাতের বলম ও ঘণ্টাওয়ালী লাঠিটা ঠুকে

কর্ষণর বিকৃত করে স্ত্রী পুত্রকে সানন্দ কোঁতুক দেখাচ্ছে। —

—এ সন্ধু বহ! এ দীমুকে লড়কা! এ হারামজাদে!

ওপাশে উঠানের প্রান্তে দাঁড়াল এসে মা ও ছেলে।

নেতাই প্রশ্ন করলে—তুমি কে ছায়?

দীমু উত্তর দিলে—সরকারী লোক ছায়। গবরমেণ্টারকে লোক। চলো। তুমি লোক কো ষানে হোগা।

সহ চুপিচুপি ছেলেকে বললে—বল, বাবা বাড়িতে থাকতা নেই। বাবা আসে গা তখন আও।

নেতাই সে কথা বলবার আগেই দীমু বললে—নেহি, নেহি। সরকারী হুকুম ছায়, তুমি লোক—মা বেটাকে ডাকঘরকে থলিয়াকে ভিতর বন্ধো করকে চালান করে গা।

—চালান করে গা? কাহে, ক্যানে?

—তোমার স্বামীকে চাকরি ছয়া—ইয়া—ডাকহয়করাকে চাকরি—। এর পর সে হা-হা করে হেসে ফেললে।

এবার ছেলেটা ছুটে এসে বাপের পাগড়ির লেজটা ধরে টেনে খুলে ফেললে এবং চিৎকার করে উঠল—ওটে মা-টে—বাবা-বাবা। বাবা পাগড়ি বেঁধে চলে এয়েচে!

দীমুর হাসি বেড়ে গেল। ছেলেকে সে কোলে তুলে নিলে। হাসতেই লাগল—হা-হা-হা—হা—হা—হা!

এবার সহ এগিয়ে এল—গালে হাত দিয়ে সবিস্ময়ে বললে—অ মা-গো! ই সব কী গো? এঁয়া?

—এই সব? কোর্তা?

—ইয়া। তা পরেতে ইটো কী? কোমরে?

—পেটা। পেতলের ইটো দেখেছ? খোদাই করা দেখেছ? এই দেখ।

এবার স্ত্রীর হাত ধরে দাওয়ার প্রায় টেনে এনে কেরোসিনের ডিবেটা পেটীর সামনে ধরলে।

—দেখেছ? নেকা রয়েছে খোদাই করে?

—ইয়া গো! কী নেকা রয়েছে গো?

—ডা-ক-হ-ব-ক-য়া। গবরমেণ্টারের লোক।

—ই তুমি পেলে কোথা?

—হ—হ—হ! ষথাসাধ্য হরিদাস বাউলের গান নকল করে গাইলে—

আহা! লাল পাগড়ি বেঁধে মাথে—আজা হলাম মথুরাভে—

বাঁশী ছেড়ে দণ্ড হাতে—

হা-ছাই, তুলে গেলাম। এঁয়াই এঁয়াই—ই ছোড়ার কাজ দেখ দি-ই নি। পাগড়িটা নিয়ে কি করে দেখ! ধুলো লাগছে। ধুলো লাগছে।

নিতাই বাশের পাগড়িটা নিয়ে মাথায় বাঁধছিল। একটা পাশ লুটাচ্ছিল ধূলায়। সেই দেখে ছুটে গেল দীহু এবং পাগড়িটা কেড়ে নিল।

—ওরে বাবা! এ গবরমেণ্টারের জিনিস। সৰ্বনাশ সৰ্বনাশ। এখুনি জরিমানা হবে, আমায় আর তোকে ধরে নিয়ে যাবে। সৰ্বনাশ!

—না। ওখুনি পাগড়ি আমি লোব। না!

—কিনে দোব। ছোট মতন কিনে দোব। এ ছুঁতে নাই।

—এখুনি। এখুনি লোব আমি। না!

—এই দেখ। ক্যাপা ছেলের ক্যাপামি দেখ। আজ কোথা পাব। মাইনে পাই কিনে দোব। শোন শোন, সরকার বাহাজুরের ডাকঘরের নেপেক্টের সাহেব নিজে ডেকে আমাকে ডাকহরকরার চাকরি দিলে। মাসে পনের টাকা মাইনে। শুধু বেত্রে ডাক নিয়ে যাব বোলপুর। আর বেত্রেতেই ডাক নিয়ে ফিরে চলে আসব। বুঝলি! দিনে একবেলা খাটব একবেলা ঘুমোব। বুঝলি! এই পেথম মাসের মাইনে পেলেই তোকে একটা কামিজ কিনে দোব—আর লাল শালুর একটা পাগড়ি কিনে দোব। আর সবুকে—

—না। আজই দে কিনে। আজই লোব আমি—। লইলে ওইটো দে। দে-দে!

পাগড়ি ধরে টানতে লাগল।

—নেতাই!

—না-না-না।

—না লয় শোন। পাগড়ি বাঁধলে ডাক বইতে হবে। এই দেখ এমনি করে। নিজে পাগড়িটা বাঁধলে—বল্লমটা ঘাড়ে করলে এবং উঠানে ডাকহরকরার পথ চলার অভিনয় করে ছুটতে লাগল—ঘণ্টা বাজতে লাগল। দীহু বলে গেল—সরকার বাহাজুরের ডাক। পাঁচ মিনিট দেরি করলে ডাকগাড়ি ছেড়ে দেবে। জল হোক ঝড় হোক বাজ পড়ুক খামবার উপায় নাই—হ্যাঁ। অঙ্কার বনের মধ্যে দিয়ে সূঁদীপুরের বটতলার নিচে দিয়ে—

অঙ্কার স্বাক্ষ্রে বনপথের ভিতর দিয়ে বুন বুন—বুন বুন ঘণ্টা বেজে চলেছে। দীহু ছুটছে ডাক নিয়ে। তাকে অঙ্কারের মধ্যে অঙ্কার দিয়ে গড়া মানুষের মতো মনে হচ্ছে। সামনে সূঁদীপুরের বটতলা—

বটগাছের অঙ্কার তলায় মধ্যে মধ্যে ফিস্ফিস শব্দ উঠছে। ভাল জ্বলছে। কেউ ঘেন দোলাচ্ছে।

দীহু বটগাছের তলায় আসতেই ঝরঝর শব্দে বালি কঁাকর ঝরে পড়ল। দীহু চলতে চলতেই হেসে উঠল।

খোনা স্বরে এবার প্রশ্ন হল—কে—য়েঁ—?

দীহু হেঁকে বললে—সরকার বাহাজুরের ডাক। আমি ডাকহরকরা নবগেবামের দীহু হে রসের নাগর।

—এঁ পথ দিয়ে হাঁটল না। মঁরবি। সাঁবধান করে দিঁলাম।

—আজকে যেতেই আবার ফিরব। দিব্যি রইল গাছ থেকে নেমে পথে দাঁড়িয়ে থাকিস।
পারলে ষাড়টা মুচুড়ে দিস।

চলতে লাগল দীহু। স্ দীপুর পিছনে পড়ে রইল।

অনেকটা এগিয়ে বন শেষ হল। খোলা মাঠের মধ্য দিয়ে সড়ক গেছে। পাশে গ্রাম।
কুকুর চিংকার করে উঠল।

দীহু গ্রাহ্য করলে না—চলল।

এরপর চলেছে একসারি গাড়ি, মাল নিয়ে চলেছে। গাড়ির চাকার ক্যাঁ ক্যাঁ শব্দ উঠছে।
তার পাশ দিয়ে তাদের অতিক্রম করে সে চলল।

আরও খানিকটা এসে—শেয়াল ডেকে উঠল।

দীহু চলল।

খানিকটা পরেই বোলপুরের আলো দেখা গেল। একটা ট্রেনের বাঁশি শোনা গেল।

দীহু আরো জোরে ছুটল।

শহরের মুখে ঢুকল দীহু।

এর পর সে এসে পোস্টাপিসের দাওয়ান উঠল।

বললে—হজুর! মাস্টারবাবু!

ঘরের ভিতরে আলো জ্বলছে।

পিওনেরা চিঠিতে ঝপা-ঝপ ছাপ মেরে চলেছে। শব্দ উঠছে। টেলিগ্রামের যন্ত্রে টকটক
শব্দ উঠছে।

দীহুর কথার উত্তরে ভিতর থেকে শব্দ এল—কে?

—নবগেরামের ডাকহরকরা হজুর!

—নবগ্রামের ডাক?

ঘরের মধ্যে পোস্টমাস্টার ঘাড়ের দিকে তাকালেন। আপন মনেই বললেন, নটা বাজে নি
এখনও? কটায় ডাক ছেড়েছিল? প্রশ্ন যেন নিজেকেই করলেন।

পিওন একজন দরজার গায়ে লাগানো ছোট দরজাটা খুলে—মুখ বাড়িয়ে বললে—আন,
ভিতরে আন।

দীন ডাকব্যাগ ভিতরে এনে নামিয়ে সতয়ে বললে—ডাকগাড়ি চলে যেয়েছে হজুর?

পিওন বললে—ডাকগাড়ি চলে যেয়েছে? এখনও তিন ঘণ্টা দেরি। বারোটায় ডাকগাড়ি।

—ওঃ। রেলগাড়ির বাঁশির ফুঁকুনি শুনে যে ভয় আমার লেগেছিল! ওঃ। একটু জল
পাব হজুর?

মাস্টার সবিস্ময়ে দীহুকে দেখছিলেন। ওদিকে একজন পিওন ছাপ মেরেই চলেছে।

মাস্টার টেলিগ্রামকে হাত দিয়ে কল চালাতে চালাতে বললেন—ঘেমে যে তুই নেয়ে
উঠেছিল! সারা পথ বুকি উর্ধ্বাসে ছুটে আসছিল? বা, ওই দিকে দেখ কুয়ো আছে, বাগতি

আছে। তুলে নিয়ে খেগে যা। কিন্তু একটু খেমে খাস বাবা। আর এত দৌড়ে আসিস নে।
দৌছু চলে গেল।

পিওন বললে—নতুন লোক। পুরনো হোক দাঁড়ান, তখন ঘুমতে ঘুমতে আসবে।
নবগ্রাম থেকে রওনা হয়েই ঘুম শুরু হবে—এখানে এসে ঘুম ভাঙবে।

মাস্টার টেলিগ্রাফ শেষ করে কলে একটা সমাপ্তির টোকা মেরে বিড়ি ধরালেন।

বললেন—তা মিছে বল নি। ওই গোবিন্দ, মহেশ্বরী এদের সঙ্গে মিশবে তো, তিন দিনে
চলতে চলতে ঘুমনো তালিম করে দেবে!

আবার কলটা টক টক করে উঠল।

মাস্টার চটে গিয়ে বললেন—দুরো ছাই! আবার টকর টকর—! টকর টকরের নিকুচি
করেছে। জ্বালালে যে বাবা! বলতে বলতেই একটা বই কলটার উপর চাপা দিলেন।

বাইরে আবার ডাকহরকরার ঘণ্টার শব্দ হল।

একজন ডাকহরকরা ডাক নামালে বাইরে।

দৌছু তখন দাওয়ায় বসে বিড়ি টানছে।

পিওন বেরিয়ে এসে বললে—কে রে? কে এলি?

নতুন হরকরা বললে—আমি গোঃ।

—মহেশ্বরী?

—হ্যাঁ গো।

—বতনপুর থেকে তোর আসতে এত দেরি? ওই দেখ নবগ্রাম থেকে তোর আগে
এসেছে—তোর চেয়ে দুকোশ রাস্তা বেশী! বলছি আমি ওভারসিয়ারকে দাঁড়া।

—মাহুষ না ঘোড়া গো আমরা? ভারি বললেন যা হোক। আসছিই তো। পায়ের
হাঁটনেই তো হেঁটে আসছি, না কী!

পিওন বললে—ও বুঝি পায়ের হাঁটনে হাঁটে না? বদমাশ কোথাকার। পথে ক-বার
বসেছিলি? ক-বার তামাক খেয়েছিলি? ক-জনার সঙ্গে গল্প করেছিলি?

মহেশ্বরী ডাকব্যাগ ঘরে নিয়ে যেতে যেতে বললে—ওই কথা তোমাদের। লাও লাও
ডাক লাও। ভিতরে ঢুকল সে।

পিওন দৌছুকে বললে—তুমি ওইখানে শুয়ে পড় হে। ঘুমিয়ে নাও। এখন সেই তিনটে
পর্যন্ত ছুটি।

এদিকে সূর্যোদয় হচ্ছে। দূরে কোথাও শুধু করতাল বাজিয়ে টহলদার গেয়ে যাচ্ছে—
'রাই জাগো রাই জাগো বলে শুকসারী ডাকে। রাই জাগো'—মিলিয়ে গেল ওই এক কলির
গান। তখন সন্ধ্য-বউ ছিটে বেড়ার দেওয়াল খড়ের চাল গোয়াল ঘর থেকে গোক বের
করে বাইরে বাঁধছে। মার্চ মাস—ফাল্গুন শেষ হয়ে চৈত্র পড়ছে। পাশে একটা পলাশ
গাছে অজস্র ফুল ফুটেছে। নিম্ন গাছে কচি পাতা দেখা দিয়েছে। দাওয়ার উপর বসে

সহ যুমভাঙা নেতাই বাপের হাঁকায় ভামাক খাচ্ছে।

সহ গোয়াল ঘর থেকে বের হতে গিয়ে মাথায় ঠোকর লাগিয়ে উছ-ছ বলে বসে পড়ল। নেতাই তাকিয়ে দেখে বললে—এতটুকু ছয়োরে এই মাথা করে বেরুচ্ছে হারামজাদী। আচ্ছা হয়েছে। অক্লপাত হয়েছে।

সহ ছেলের দিকে জ্রুদ্র দৃষ্টিতে তাকিয়ে বলল—মারব গিয়ে মুখে খাবড়া! তারপর উঠে দরজার দিকে তাকিয়ে বললে—এই ঘর ভেঙে আগে গোয়াল করব তবে আমার নাম সহ।

—মুড়ি দেটে। মুড়ি দে!

সহ উঠান অতিক্রম করে যেতে যেতে থমকে দাঁড়াল। তারপর ঘরে ঢুকল মুড়ি আনতে। নেতাই বার্থ অমুকেরণে গাইতে চেষ্টা করলে—আই জাগো, আই জাগো—ভুক সারী ডা-কে।

সহ মুড়ি এনে নেতাইয়ের পাতা গামছাখানায় ঢেলে দিয়ে বললে, আই—মুড়ি খেতে খেতে একবার যা। দেখে আয়।

—কী?

—তোর বাবাকে। ডাকঘরে যা।

নেতাই মুড়িসুদ্ধ গামছাখানা নিয়ে উঠে চলতে চলতে বললে—তোর পরান উথুলছে তো তু যা। আমি চললাম মোফুল কুড়ুতে। বেলা হলে একটো পাব না।

—নেতাই।

নেতাই গান ধরলে—ও সায়েব আন্তা বানালে—

ছ-মানের পথ কলের গাড়ি দণ্ডে চালালে—

ও সায়েব—

ওদিকে তখন নবগ্রামের পোস্টমাস্টার ডাক কাটা হয়েছে।

দীহু বসে ভামাক সাজছে একদিকে। পিওন চিঠি পড়ে ভাগ করে রাখছে।

পোস্টমাস্টার ক্যাশব্যাগ এবং রেজিস্ট্রি ব্যাগ মিল করছেন।—ঠিক আছে। সব ঠিক আছে।

বাইরে দাঁড়িয়ে আছেন গ্রামের পত্র-প্রত্যাশীরা।

দীহু বেরিয়ে এসে বারান্দার এক কোণে দাঁড়িয়ে কলকে ধরে ভামাক টানতে লাগল।

বিলিভী মাস্টার বাইরে থেকে বললে—দেখি দেখি ও প্যাকেটটা! ওটা আমার না হে রামলাল?

অল্প একজন বললে—কী হে, ওটা কী হে বিলিভী মাস্টার?

—হরকোপ, মানে কুষ্টি। জার্মানি থেকে বিজ্ঞাপন দিয়েছিল—জয়ের সন-তারিখ পাঠালে কুষ্টি করে পাঠাবে। তাই করে পাঠিয়েছে।

পিওনের কাছ থেকে কোণ্টি নিলে বিলিভী মাস্টার। এবং খুললে। কয়েকজন ঝুঁকে

দেখতে গেল। মাস্টার বললে—না। কুষ্টি দেখবে কী? না। গুটিয়ে নিয়ে চলে গেল সে।

একজন বললে—বিলিভী মাস্টার! আচ্ছা নাম হয়েছে সরকারের। বিলিভী তালেই আছে।

পিওন দরজা থেকে মুখ বের করে বললে—থানা, থানার ডাক।

একজন কনেস্টবল ভিড়ের পিছন থেকে বললে—হটিয়ে সব, হটিয়ে।

ভিড় সরিয়ে এসে সে ডাক নিলে। এবং চলে গেল।

পিওন এবার ডাকলে—ইউনিয়ন বোর্ড। কে এসেছিস? নোটনা রে!

নোটন চৌকিদার এগিয়ে এল—এই যে আসছে।

—এই ইউনিয়ন বোর্ড, আর এগুলো তো সিডেন সাহেব দাশরথিবাবুর নিজের। ইস্কুলের কে রয়েছে?

দুটি ছেলে এগিয়ে এল।—দিন।

ছেলে দুটি ডাক নিয়ে চলে গেল।

একজন বললে—আমার কিছু আছে রামলাল?

—কে? গোপেশ্বরদাদা?

—হ্যাঁ ভাই। আমার চিঠি আজও আসে নাই?

—কই দাদা! দেখছি না তো!

—তা হলে? নারায়ণ নারায়ণ! আজও চিঠি পেলাম না ছেলেটার! চোখে খুব পুরু চশমা, গায়ে ফতুয়া, হাতে লাঠি ঠুকঠুক করে চলে গেলেন।

আর একজন হাঁকলে—ও রামলাল! সুনছ!

—হ্যাঁ—।

—আমি হে।

—বসুন সুরেশবাবু। বসুন। দিচ্ছি। তার আগে রমেন্স মুখুঞ্জ।—রমেনবাবু!

পিওন মুখ বের করে একখানি রঙিন চিঠি বাড়িয়ে ধরলে। রমেন এগিয়ে এল। পিওন এবং সে দুজনেই একটু হাসলে।

সুরেশ বললে—রঙিন খাম ষে! অ্যা! চোখের ভুরু দুটি নেচে উঠল।

পিওন হেসে বললে—খোসবাই আছে, ভুরভুর করছে!

—বকশিশ আদায় কর রমেনের কাছে। সুরেশ বললে—প্রথম বউয়ের চিঠি! হ্যাঁ-হ্যাঁ!

রমেন ফিক করে হেসে দ্রুত চলে গেল।

আবার সুরেশ বললে—দাও না রামলাল কাগজখানা; একবার দেখে নি।

পিওন রামলাল একখানা খবরের কাগজ বের করে সুরেশের হাতে দিয়ে বললে—ষড় করে খুলবেন মশায়; দেখবেন যেন লাট না খায়। পরের কাগজ—ভারি চটে যায়। রিপোর্ট করলে আমাদের বিপদ হবে।

এক তরুণ বাইসিক্লে চেপে এসে দাওয়ান পা রেখে বাইসিক্লে চেপে থেকেই বললে,

রামলাল আমার ভারতবর্ষ প্রবাসী—

—আজ তো আসে নি বাবু।

—সে কি ? আজ বাংলা মাসের ২রা হয়ে গেল যে। চিঠি ?

—চিঠিও আজ নাই আপনার।

—ধুৎ তেরি। সে বাইসিক্ল হাঁকিয়ে চলে গেল।

ইতিমধ্যে সুরেশ কাগজ খুলে দেখেই বললে—ওরে বাপ রে ! কংগ্রেসের পূর্ণ স্বাধীনতার শপথ গ্রহণের সিদ্ধান্ত। ব্রিটিশ সরকারকে চরমপত্র দিবার জহু গরমপত্ৰীদের সংকল্প। ১৯০০ সালের পূর্বে মীমাংসা না হইলে আন্দোলন আরম্ভের ব্যবস্থা।

পাশের লোকজন ঝুঁকে পড়ল কাগজের উপর।—দেখি—দেখি।

মাস্টার ভিতর থেকে বললেন—গোলমাল করছেন কেন এত ! আস্তে আস্তে পড়ুন না। রামলাল ! দীহু কই ? দীহু !

দীহু তামাক খেতে খেতে অস্তরালে চলে গিয়েছিল।

ঘরের ভিতর থেকে রামলাল হাঁকলে—দীহু ! এই দীহু ! কোথা গেলি রে ?

মাস্টার বললেন—দেখ আবার চলে গেল কিনা। নতুন লোক। ওকে বলেছিলে—কাগজে টিপ দিতে হবে ?

—সে তো কালই বলে দিয়েছি। ও দীহু !

অল্প দরজা দিয়ে দীহু ঘরে ঢুকল।—আস্তে হজুর, এই আছি আমি।

মাস্টার বললেন—আছিস ! আচ্ছা বলেই কাজে মন দিলেন।

—দে—দে এই কাগজে টিপ দিয়ে দে !

মাস্টার কাজ করতে করতেই বললেন—হ্যাঁ। ডাক এনে দিয়ে বসে থাকবি। সব মিল হয়ে গেলে কাগজে টিপ দিয়ে তবে ছুটি।

বাইরে জানালার ওপার থেকে কে বললে—তুখানা পোস্টকার্ড আর একখানা খাম দেবেন বাবু !

মাস্টার হাত বাড়ালেন—পয়সা ! ওদিক থেকে একখানা হাত ঢুকল।

মাস্টার পয়সা দেখে বাক্সে ফেলতে ফেলতে পিছন ফিরেই বললেন—দীহুকে ঘাসের কথা বলেছ রামলাল ? আমার গোকরু জন্তে এক বোঝা করে ঘাস আনবি দীহু। বুঝলি ?

দীহু টিপ দিয়ে মাথায় আঙুলের কালি মুছছিল। সে প্রশ্ন করলে—আজ্ঞে ?

—এক বোঝা করে ঘাস আনতে হবে রোজ।

—ঘাস ?

রামলাল বললে—হ্যাঁ রে বাবা ঘাস। গোকরুতে থাকে। যে হরকরা থাকে সে-ই আনে।

মাস্টার বললেন—আমি মাসে তোকে কিছু করে দেব। বুঝলি ? তোরা না দিলে আমার চলবে কি করে ? ওবেলা—সেই সন্ধ্যার সময় যখন ডাক নিয়ে বাবার জন্তে আসবি—তখন, তখন আনলেই চলবে।

রামলাল বললে—যা-তা ঘাস আনিস না। ভালো ঘাস। সন্ধ্যাতে ঠিক সময়ে আসবি।
কী, দাঁড়ালি কেন ?

—ইগুলান নিয়ে যাব ?

দীহু পকেট থেকে খান দুয়েক রঙচঙে খাম ও মোড়ক বের করলে।

রামলাল সবিন্ময়ে বললে—দেখি—দেখি। পেলি কোথা ?

—পোস্টাণিসের সামনে পড়ে ছিল। বাবুরা ফেলে দিয়েছে—কুড়িয়ে নিলাম।

—হঁ। রমেন্দর বউয়ের চিঠির রঙীন খাম। খোসবু উঠছে। এটা তো বিলিতী মাস্টারের
জার্মানির কুষ্টির মোড়ক।

—লোব ?

—তা নিয়ে যা। কিন্তু করবি কী ?

—ছেলেটাকে দোব।

মাস্টার কাজ করছিলেন—হঠাৎ ঘুরে দীহুর দিকে তাকালেন—তারপর হাত বাড়িয়ে
দেওয়াল থেকে একখানা শেষ-হয়ে-যাওয়া ক্যালেন্ডার খুলে তার দিকে বাড়িয়ে দিয়ে
বললেন—ছেলে বুঝি ছবি ভালোবাসে ? এই নে !

দীহু উজ্জল আনন্দে দীপ্ত হয়ে এবং সঙ্গে সঙ্গে কৃতার্থ হয়ে হাত বাড়িয়ে ছবিখানা নিলে।

দীহু বেরিয়ে গেল।

স্বপ্নেশ বাঁদুজ্জে কাগজখানা মোড়কে পুরে হাতে করে ঘরে ঢুকল।

—এই নাও হে রামলাল। একেবারে ভাঁজে ভাঁজে মুড়ে ঠিক করে দিয়েছি।

খপ করে ফেলে দিল। তারপর বললে—ও মাস্টার।

—হঁ। বলো।

—বলব ? বলে বলে তো মুখ শুকিয়ে গেল হে ! রোজ রোজ আর কত বলব ?

—পাঁজি !

—তা ছাড়া কি কারুর একখানা ইনসিওর আমাকে দাও বললে দেবে তুমি ? পাঁজি
একখানা—ওই বিজ্ঞাপনের একখানা পাঁজি আর একটা ক্যালেন্ডার।

—দোব। এই গাদা দরুনে যেদিন আসবে—সেদিন দোব।

—এই তো মেলাই এসেছে বাবু, দাও না একটা পাঁজি।—আজ যদি না দাও তো আর
চাইব না। আর দাবা খেলতেও আসব না। হ্যাঁ। এই নিলাম আমি একখানা।

বলেই সে তুলে নিল।

—আরে আরে দেখে নাও, কার নামের নিচ্ছ। রামলাল দেখে দাও হে !

—এ কোথাকার কে—হরিলাল ঘোষ—সাকিন কুড়ুমশা—

বাইরে থেকে ওভারসিয়ার ভাক দিল—মাস্টারমশাই !

বাঁদুজ্জে তাড়াতাড়ি কামিজ তুলে পেটের কাপড়ের তলায় গুঁজতে লাগল। এবং
মাস্টারের বাড়ির ভিতর দিয়ে অগ্রসর হল।

মাস্টার কিন্তু চমকালেন না; তিনি হেসে উত্তর দিলেন—হরি হে রাজা কর! জয় ওভারসিয়ার বাবু! আস্থন আস্থন।

বাঁদুজ্জেকে বললেন—ভয় নাই। আমাদের মধুবাবু—ওভারসিয়ার। কিন্তু তার আগেই বাঁদুজ্জের সেরে পড়েছে।

ওভারসিয়ার ঢুকলেন—বয়েস হয়েছে, শক্ত শরীর; এক হাতে লাঠি, কাঁধে ঝোলানো পোস্টা পিসের একটা হলুদ ব্যাগ। বলতে বলতে ঢুকলেন—হরি হে রাজা কর। কিন্তু হরি কানে কালা। শুনতে পান না। জীবনটা মাঠে মাঠে হেঁটেই কাটল। সিংহাসন বলতে দূরের কথা, কাঠের চেয়ারেও একদিন বসে আরাম করতে পেলাম না। টুলটা দাঁও হে রামলাল, বসি। একটু চা খাওয়ান মাস্টারমশাই।

বাইরে কথাগুলি বলে প্রায় শেষের দিকে ঘরে ঢুকল ওভারসিয়ার। কাঁধের ব্যাগটা নামিয়ে রাখলে।

রামলাল বাড়ির ভিতরের দিকের দরজায় মুখ বাড়িয়ে বললে—মিহু মা, দু কাপ চা চাই মা। ওভারসিয়ারবাবু এসেছেন, খাবেন এখানে।

ওভারসিয়ার বললেন—উহ! উহ! তবে আর বললাম কী এতক্ষণ? এখুনি চা খেয়েই যাব—টিকুরী। ব্যাগ থেকে শালপাতায় মুখ মোড়া একটা ভাঁড় বের করলেন কথা বলতে বলতে। রামলালের হাতে দিয়ে বললেন—মিহুকে দিয়ে এস রামলাল। সিউর্ডার মোরঝা। রামলাল নিয়ে চলে গেল। তারপর ওভারসিয়ার আগের কথার জের টেনে বললেন—ঝামেলার কথা আর বলবেন না। টিকুরী থেকে আবার ফিরতে হবে আজই।

—আজই?

—হ্যাঁ। আপনাদের নতুন লাইন হয়ে রাত্রেই বোলপুর!

—দেখবেন। সূঁদীপুরের বটতলায় বলে ভূত আছে।

—ইংরেজ রাজত্ব মশায়। গভর্নেন্ট সারভেন্টকে ভূতেও ভয় করে। আর ভূতের ভয় করলে কি এই চাকরি করা চলে! নতুন লাইনের রিপোর্টের জন্তে ভাগাদা এসে গিয়েছে।

—চোখ বুজে রিপোর্ট দিয়ে দিন। মাস্টার বললেন।—লোকটা সাজা!

—সাজা সে আচ্ছা মশায়! এক ঘণ্টা পরতাল্লিশ মিনিটে বোলপুর পৌঁছয়। বেটা ষোড়ার মতো দৌড়ায়।

ঠিক এই সময়েই দূরে—শাখ এবং উলুর ধনি উঠল। এবং এই সময়েই রামলাল ও মিহু দুটি কাচের প্লেটে দুটি করে মোরঝা এবং দু কাপ চা নিয়ে ঘরে ঢুকে ওভারসিয়ারের হাতে দিল ও মাস্টারের টেবিলে নামিয়ে দিল।

মিহু বললে—জল লাগবে বাবা?

—লাগবে বইকি। হাত ধুতে হবে তো!

রামলাল ও মিহু চলে গেল। এঁরা মোরঝা মুখে তুলে চিবুতে লাগলেন।

মাস্টার চিবুতে চিবুতে বললেন—আগের সে মোরঝা আর নেই।

এর মধ্যে শাঁখ এবং উলু বেজেই চলেছিল। ওভারসিয়ার বললেন—সবই ভেজাল যে। যুগটাই যে ভেজালের। বলে প্লেটটা নামিয়ে রেখে বললেন—এত শাঁখ উলু? বিয়ে না কি? তারপরই বললেন—চৈত্র মাসে বিয়ে?

মাস্টার হেসে বললেন—রেজেক্ট্রির যুগ। চৈত্র মাসে বিয়েতেই বা বাধা কী?

—যা বলেছেন। চায়ে চুমুক দিলেন। তারপর বললেন—বোলপুর থেকে এখানে ফেরে কতক্ষণে বলুন তো?

মাস্টার বললেন—দীঘুর কথা বলছেন? আমরা উঠবার আগেই ও এসে বাইরের বারান্দায় বসে থাকে। পাঁচটা কি পাঁচটার ছ-চার মিনিট আগেই হবে। ওই দু ঘণ্টা—

ওদিক থেকে রামলাল জল নিয়ে ঢুকছিল।

এদিক থেকে 'রামলাল, রামলাল' বলে চৈচাতে চৈচাতে ছড়মুড় করে দরজা ঠেলে ঘরে ঢুকলেন স্বরেশ বাঁদুজ্জে। পরস্পর প্রায় ধাক্কা লেগে গেল। রামলালের হাতের জল পড়ে গেল।

ওভারসিয়ার পোস্টমাস্টার বলে উঠলেন, আরে আরে চিঠি ভিজল—চিঠি ভিজল।

পোস্টমাস্টার বললেন, কী যে তোমার কাণ্ড বাঁদুজ্জে! তারপর হঠাৎ চটে উঠে বললেন—কী? কী? রামলালকে নিয়ে কী দরকার? জল-টল ফেলে—

স্বরেশ বসে পড়ে জল ওপাশ দিয়ে হাতে করে ছিটিয়ে দিতে দিতে বললে—ভিজবে না ভিজবে না। ঠিক করে দিচ্ছি। এই নাও এই নাও।—জল ছিটিয়ে ওদিকে ফেলে দিল। এই নাও। বাবা:—। কিন্তু রামলাল—তুই যা—যা এখুনি যা, বকশিশটা আদায় করে নিয়ে আস। যা—।

—কিসের বকশিশ? স্বরেশ তুমি একটা আস্ত—কী বলব! এমন কর—

—যা বলবে বল—আস্ত উল্লুক—ভল্লুক যা বলবে। এমন করি সাথে! মস্ত বড় কাণ্ড। শাঁখ বাজছে শুনছ না—উলু পড়ছে শুনছ না? শিবু রায়বাবুর নাতি, বেটা-ছেলে হয়েছে। শিববাবুর বাবা-বুড়োকে নিয়ে চার পুরুষ। হৈ-হৈ কাণ্ড। গাঁয়ে মিষ্টি বিলুবে। নোট চৌকিদার চিঠি নিয়ে গিয়েছিল—সে বেটা দু টাকা বকশিশ পেয়েছে। পিওনকে বকশিশের হুকুম হয়ে গিয়েছে। মাস্টারের বাড়িতে খালা-ভর্তি সন্দেশ আসছে। রামলাল তুই শিগগির যা। টাটকা টাটকা গেলে—বেশী পাবি। গরম গরম—বুঝলি না।

বাইরে থেকে জানালা দিয়ে একখানি হাত ঢুকল—ওপাশ থেকে বললে—একখানা পোস্টকার্ড মাস্টারবাবু।

একটি সভ্য কণ্ঠের কথা শোনা গেল সঙ্গে সঙ্গে—একখানা মনিঅর্ডার ফর্ম দেবেন আমাকে।

বরাবরই শাঁখ উলু বেজে যাচ্ছে—ক্রমশ কমে আসছিল অবশ্য। এবার থামল।

ওদিকে তখন দীঘুর বাড়িতে উঠানে হাঁকো ককে হাতে দীঘু দাঁড়িয়ে আছে। উঠানের

একপাশে দড়ি টাঙিয়ে একখানি ঘরের ছক পাতা হয়েছে, দড়ির পাশে পাশে দাগ টানাও হয়ে গেছে কোদালের কোপ দিয়ে। এক জায়গায় খানিকটা মাটি খোঁড়া রয়েছে। হুকো হাতে দীর্ঘ ঘাড় বেকিয়ে ঘরখানির ছক যেন পর্যবেক্ষণের দৃষ্টিতে পরখ করে দেখছে।

উঠানের একপাশে ছ বোঝা ঘাস পড়ে রয়েছে।

স্ত্রী সহ কঁপে করে এক কলসী জল নিয়ে এসে দাঁড়াল।

বললে—এখনও সেই দাঁড়িয়ে রইচ? না বাপু! আচ্ছা মাহুষ যা হোক।

দীর্ঘ বললে—আধহাত করে চারপাশে বাড়িয়ে দোব কিনা ভাবছি।

—বাড়িয়ে দেবা? ক্যানে? গোকুলার লেগে ছপ্পর খাট পেতে মশারি টাঙাবা নাকি? বাড়িয়ে দেবে! সব তাতেই আদিখ্যেতা।

—ক্যানে? আদিখ্যেতা কী হল?

—হল না? বললাম গোয়ালের ছোট ছয়োরে মাথাটো ঠোকর লেগে কেটে যেয়েছে। আমি দিব্যি করেছি বর্ষার আগে নতুন গোয়াল করাব।

—তাই তো করছি।

—তাই তো করছি? তাই বলে আজই? বলে ওঠ ছুঁড়ী তোর বিয়ে। শোনবামাত্র দড়ি টাঙিয়ে বলে আজ বনেদের পরন করব। সারা রাত বলে ডাক বয়েছ, জেগেছ—

—দূর! সারা রাত ডাক বইতে হয় নাকি? রাত নটার সময় ডাক ফেলে দেলাম—বাস, তারপর নাক ডাকিয়ে ঘুম। সেই তিনটে পর্যন্ত। শাষ রাত। তুলকো তারা ওঠা পর্যন্ত। তারপরে ডাক নিয়ে ফের রওনা। ভোর-ভোর লবগেরাম। চাকরি খুব সুখের সহ। তবে দুখও আছে।

সহ কলসী নিয়ে দাওয়ার দিকে অগ্রসর হল।

বললে—দুখ আবার কী? সেটো কী বটে?

—ঘুম হয় না।

—ক্যানে? কলসীটা সে নামালে।

—ভাবি—ঘরে একী শুয়ে তু গুনগুন করছিস—

চৈত মাসে শিবহুগ্যা গাজনে নাচে জোড়ে।

এ হেন সুখের দিনে আমার বঁধু নাইকো ঘরে।

—মরণ। দায় পড়েছে আমার। অ্যাই—অ্যাই—ই ছোঁড়ার কাণ্ড দেখ।

—অ্যাই—অ্যাই, ওরে নেতাই অ্যাই—! ঘরের ভিতরের দিক লক্ষ্য করে কথা বলছিল সহ বউ। সে ছুটে ঘরের ভিতর ঢুকল।—ভাঙবে রে, ভাঙবে।

ঘরের ভিতরে নিতাই শুয়ে ঘুমুচ্ছিল। প্রচুর পরিমাণে মহুয়া ফুল খেয়ে বেশ ঘন নেশায় মেতে গিয়েছিল। খুম ভেঙ্গে এখন সে তুফায় কাতর হয়ে হু-হাতে একটা জলহুক ছোট কলসী তুলে খাচ্ছিল—জলে তার বুক মুখ ডাসছিল। মা ঘরে ঢুকবার সঙ্গে সঙ্গেই কলসীটা হাত থেকে খসে পড়ে ভেঙ্গে গেল।

সহ বললে—ভাঙলি তো ?

ধূলামাথা গায়ে জল পড়ে চিত্তবিচিত্র নিতাই হি-হি করে হাসতে লাগল।

—হাসছে দেখ ক্যাপার মতো। অমুনি করে মোঁফুল থায় ? ছেলে একেবারে মদখেগো মাভালের মতো লাটাচ্ছে।

ছেলেটা ভবু হাসতে লাগল।

দৌছু ঘরে ঢুকে বললে—বকিস না এখন। আমানি খেতে দে ওকে। ঠাণ্ডা হবে। আর ঘুমুক ; ঘুমুতে দে।

দেওয়ালের গায়ে ইতিমধ্যেই ক্যালেন্ডারটি টাঙানো হয়েছিল, সেখানা খানিকটা বাঁকা হয়ে গিয়েছিল। সেখানা সোজা করতে এগিয়ে গেল দৌছু। বললে—এই দেখ, এটা আবার বেকালে কে ?

সেখানা সোজা করে একটা ভাঁড় থেকে হাত চুবিয়ে খানিকটা তেল নিয়ে মাথায় ঘষতে ঘষতে বললে—আমি চান করে আসি। ভাত খেয়ে খানিকটা শোব। বুঝলি ?

সহ বলে উঠল—ওই—ওই—এই দেখ—ই হারামজাদার আবার কাণ্ড দেখ।

নিতাই জল-পড়া জায়গাটায় কাদার উপর শুয়ে পড়ছিল।

এবার দৌছু তার হাতে ধরে বাঁকি দিয়ে টেনে বললে—নাঃ, তোকে আর হু-চার চড় না দিলে চলছে না। বড় বেয়াড়া হয়ে গেলি। গুঠ। চল—চল আমার সঙ্গে চান করবি চল। নেতাই !

—যা, আমি যাব না।

—নেতাই ! এবার একটা বাঁকি দিলে দৌছু।

নেতাই থু থু করে থুথু দিয়ে দিলে।

—নেতাই ! ক্রুদ্ধস্বরে চিৎকার করে উঠল দৌছু।

নেতাই আবার থুথু দিলে।

দৌছু ভয়ঙ্কর হয়ে উঠল। সে নিষ্ঠুর ক্রোধে হাত তুললে—মারবে সে ছেলেকে।

সহ ছুটে গিয়ে জড়িয়ে ধরে আটকালে।—না—না—না।

—না—না—ছাড়। তুই ওর মাথা খেলি।

—আমার তিনটে মরে ওই একটা। তোমার পায়ে পড়ি।

—সে তিনটে বুঝি আমার ছিল না ? আমার বুঝি আরও তিনটে আছে ? ছেড়ে দে, সহ ছেড়ে দে।

সহকে ঠেলে ফেলে নিতাইকে বাঁকি দিতে দিতে সে নিয়ে চলে গেল।

সহ বেরিয়ে এল দাওয়ান। নামতেও গেল। কিন্তু কী ভেবে দাওয়ান খুঁটি ধরে দাঁড়িয়ে রইল। তার চোখ দিয়ে জল পড়ল না।

উঠানের পলাশ গাছটা থেকে একটি একটি করে ফুল ঝরে পড়তে লাগল।

হঠাৎ সহ এক সময় যেন সচেতন হয়ে উঠে ঘরের ভিতর ঢুকল এবং সঙ্গে সঙ্গেই কাপড়ে

টেকে কিছু নিয়ে বেরিয়ে প্রতিবেশীর বাড়িতে গিয়ে উঠল।

তাদের ঘরের মতোই ঘরদোর।

ডাকলে—বিলাসী! অ বিলাসী!

বিলাসী ঘরের ভেতর থেকে উত্তর দিলে—কে?

—আমি লো। সহ। শোন একবার।

—কী? বেরিয়ে এল বিলাসী।

—এই এঁচোড়টো তু লে ভাই।

—ক্যানে? আমার তো রয়েছে। আমার রাখু যে তোর নেতাইয়ের সঙ্গে ছিল। বাবুদের বাগানে ছুজনাতে একসঙ্গে চুকেছিল যে। রাখু দুটো এনেছে।

—জানি। কিন্তু নেতাইয়ের বাবা আজ খুব এগেছে। এর ওপরে যদি জানতে পারে যে পরের বাগান থেকে চুবি করে এনেছে তা হলে আর অক্ষে থাকবে না! তু আথ ভাই। বরং ব্যায়ন এঁখে একটুকুন দিয়ে আসিস। বুঝলি। যাই ভাই আমি।

এঁচোড়টা ফেলে দিয়ে সে ক্ষতপদে ফিরে এল বাড়ি। সেখান থেকেই দেখতে পেলে খানিকটা দূরে দীনবন্ধু স্নান সেরে ছেলেকে স্নান করিয়ে কোলে করে নিয়ে ফিরছে। বাপ ছেলেতে ভাব হয় নি, ছেলে কাঁদছে, বাপের আর তোষামোদের বাকি নেই। ছেলেকে শালুক তুলে গলায় মাথায় জড়িয়ে জড়িয়ে দিয়েছে। মধ্যে মধ্যে চিবুকে কাতুকুতু দিয়ে হাসাতে চেষ্টা করছে।

সহ তাড়াতাড়ি ঘরে গিয়ে ভাত বাড়তে বসল।

ভাত বাড়তে বাড়তেই শুনলে—দীহু বলছে—বুঝালি কি না, তারপরেতে গোয়াল ঘরটা এবার তৈরি করেই আসছে বার একথানা কোঠাঘর করব। সোল্লর কোঠাঘর। চাকুরি তো ধর আস্তিরে। তাও নটা থেকে তিনটে পর্যন্ত ঘুমতে পাব। বাস, সকালে এসে দিবেলোকে ঘর ছাউনির কাজ করতে পারব। দেয়াল বাড়ুইয়ের কাজ করতে পারব। চাকুরির মাইনে পনেরো টাকা—ইদিকে সে ধর দিন এক টাকা। তিরিশ টাকা। ভাবনা কী! তোকে পাঠশালাতে ভক্তি করে দোব। নাইট ইস্কুলে। বুঝলি। ই্যা, দিনে কাজ করবি। তোকে আমি আজ মিস্তিরীর কাজ শেখাব, বুঝলি। তা-পরেতে তোর বিয়ে দোব। ই্যা—। ওই পাশে তখন আর একথানা কোঠাঘর করব।—

সহ স্থির হয়ে শুনছিল। আনন্দে তার হাত অসাড় হয়ে গিয়েছিল। মুখে সহ হাসি ফুটে উঠেছিল। সঙ্গে সঙ্গে দুটি চোখ দিয়েও গড়িয়ে এসেছিল জলের ধারা।

হঠাৎ চাল থেকে ধপ করে একটা টিকটিকি মেঝের উপর খসে পড়ে তার এই ভয়ভয়তার আবেশ ভেঙে দিল।

ভয় পেয়ে ঘেন চমকে উঠল সহ, সহ স্বরে বললে—মা গো। তারপরই বললে, মর মর।
মা:—মা:।

টিকটিকিটা পালিয়ে গেল।

সহুর হাত দ্রুত চলতে লাগল।

দু খালা ভাত দু হাতে নিয়ে সে বেরিয়ে এল।

তখন দীহু ভিজ্ঞে কাপড় মেলে দিচ্ছে। নিতাই শাস্ত হয়েছে—শালুক ফুলের ডাঁটিটা পাক দিয়ে মাথায় বাঁধছে, আর বলছে, আমাকে একটা দু চাকার গাড়ি কিনে দিস বাবা।

—দোব। বড় হ। দোব কিনে। আমি বুড়ো হলে পেনসিল্ লোব—তোকে ডাক-হরকরার চাকরি করে দোব। তু দু চাকার গাড়িতে চেপে সোঁ—সোঁ করে ডাক নিয়ে চলে যাবি।

সহু হেসে বললে—তাই দেবে। এখন ভাত খাও।

দীহু এসে ভাতের খালার সামনে বসে বলতে লাগল—আমার মতো জ্যোস্তা নাই, আধার নাই, খরা নাই, বর্ষা নাই, জল নাই, বড় নাই, শীত নাই, ওই সূঁদীপুরের ভুতের ভয়ে ধুকুর-ধুকুর করে—

জ্যোৎস্নালোকিত বটতলা ও অরণ্যভূমির মধ্য দিয়ে দীহু ডাক নিয়ে চলে যায়।

অন্ধকার রাত্রিতে চলে যায়।

চলে গেলেই বটগাছে খরখর শব্দ ওঠে, ঝরঝর করে কিছু ঝরে পড়ে।

ঝড় ও বিদ্যুতের মধ্যে পায় হয়ে যায় দীহু।

কোনো দিন দূরে শেয়াল ডাকে। কোনো দিন কুকুর ডাকে।

আধো-জ্যোৎস্না আধো-মেঘলার মধ্যে যেদিন যায়, সেদিন ময়ূর ডাকে।

শেষ চলে শীতের রাজ্যে।

সেদিন প্রথমেই মাঠে কাটা ধান দেখা যায়। আকাশে জ্যোৎস্না। মধ্যে মধ্যে গাড়ির আঁট দেখা যায়। গোকুর গাড়ি খুলে দিয়ে পথে গাড়োয়ানেরা বিশ্রাম করে। মাঝখানে আঙুন জলে। তারপর অরণ্যভূমি আরম্ভ হয়। সূঁদীপুরের বটতলা আসে। সেদিন ঝরঝর করে তার মাথাতেই ঝরে পড়ল কিছু। গাছে খরখর শব্দ উঠল। দীহু থমকে দাঁড়াল। ভীক দৃষ্টিতে দেখে ডাকটা নামিয়ে লাঠিটা খুলে নিয়ে আন্তে আন্তে এগিয়ে গিয়ে একটা ঝুলে-পড়া ডালে সজোরে মারলে লাঠি।

ধপ করে কিছু পড়ল। দীহু ঝুঁকে দেখে সেটার লেজ ধরে টেনে তুললে। সেটা বেঁজি জাতীয় জানোয়ার। নাম খটাস। গাছেই ওদের বাসা। সারা রাত্রি গাছের ফল খায়—মাছুষ গেলেই ডালে ডালে ছুটোছুটি করে। সেটাকে নিয়ে—ডাক কাঁধে তুলে আবার ছুটল দীহু।

এসে উঠল বোলপুর পোস্টাপিসে। ভিতরে সেই টেলিগ্রাফের টক-টক শব্দ। চিঠিতে মোহর মারার শব্দ উঠছে। বাইরে একটা আলো ঝুলছে। দীহু ডাক নামিয়েই সোৎসায়ে বললে—মাস্টারবাবু।

—দীহু ?

—হঁ দীপুরের বটগাছের ভূত মেয়ে এনেছি দেখেন।

—ভূত মেয়ে এনেছিস ?

—এই ছাথেন না কেনে ?

মাস্টার পিণ্ডন সব ভিড় করে এল।

—এটা কি রে ?—এঁয়া !

—খটাস জানোয়ার মশায় ! বুয়েছেন না, বেটারা গাছে একেবারে গেরান শহর বানিয়ে বাসা বেঁধেছে। এতে বেটারদের মাতন লাগে। ফল খেয়ে বেড়ায়, ঝাঁপাঝাঁপি করে, নিচে দিয়ে মাহুঘের সাড়া পেলেই হুড়মুড় করে ছুটে পালায় গাছের কোটরে। খরখর শব্দ গুঠে গাছময় ; আর পাকা ফল ঝরে ঝরঝর করে। কারুর মাথায় জলত্যাগ করে দেয়। আজ এক বছর মশায়—রাম রাম রাম রাম বলতে বলতে পায় হয়েছে। বুক চিপচিপ করেছে। সে কী বলব বাবু ! আজ বুয়েছেন না, জ্যোস্তা ছিল, আর চোখে হঠাৎ পড়ে গেল। দেখি একটা ঝুলে-পড়া ডালে ছোট মতো কালো পাগা কী নড়ছে—চোখ দুটো জুগ-জুগ করছে। আমি মশায় ডাক নামিয়ে—লাঠিখানা নিয়ে—জয়কালী বলে দিলাম ঝেড়ে। আর ধপাস করে পড়ল বেটা—।

হা-হা করে হাসতে লাগল সে।

মাস্টার বললেন—চামড়াটা আমাকে দিস, বুঝলি ? মুন দিয়ে বায়েনদের দিয়ে—পাঁঠার চামড়া যেমন করে দেয়—তেমনি করে দিস। কেমন ?

—দোব আজে। নিশ্চয় দোব।

মাস্টার বললেন—তোর তো একবছর হয়ে গেল কাজ ?

—আজে তা হল।

—আর একটা কাজ করবি ? এখান থেকে ইস্টিশানে ডাক নিয়ে যাবি, আবার নিয়ে আসবি। এখানে ঘুমোস, ইস্টিশানে ঘুম্বি। তবে হ্যা—একঘণ্টা দু ঘণ্টা বেশী জাগতে হবে। পারবি ? মাইনে আরও দশটাকা পাবি।

ইতিমধ্যেই আরও চার-পাঁচজন হরকরা ডাক নিয়ে হাজির হল।

মাস্টার পিণ্ডন এরা ঘরে ঢুকল। মাস্টার দ্রুত গিয়ে টেলিগ্রাফে হাত দিল। পিণ্ডনের কাঁজে বসল। মোহর করা চলতে লাগল। দীহুর ডাক কাটা হতে লাগল। দীহু বসল।

বাইরে অল্প ডাকহরকরারা খটাসটাকে ঝুলিয়ে দেখতে লাগল।

একজন বললে—দীহু বাহাদুর বটে বাপু !

—হঁ হঁ—ওধু দীহু নয়, দীনবন্ধু !

—খটাস মেয়ে লতুন চাকরি হয়ে গেল। চামড়া দিয়ে কাজ হাঁসিল।

—আমি একটো কাঠবিড়ালি মেয়ে আনব, দাঁড়া।

ভিত্তর থেকে পিণ্ডন ডাকলে—ডাক আন, সব কী গজর-গজর করছিস ? ডাক আন। স্টেশনে যেতে হবে। ডাকগাড়ির সময় পান্টেছে। পয়তাল্লিশ মিনিট এগিয়ে এসেছে। ডাক আন।

দৌহু স্টেশনে সেদিন ডাক নিয়ে গিয়ে—ডাকগাড়ি দেখে অবাক হয়। এত আলো! এত লোক!

পরের দিন সকালে ডাক পৌঁছে দিয়েই বাড়ি ফিরে মজুকে বললে।—মহু তখন ঘর নিকুচ্ছিল। পাশে একটি মাচাতে লাউয়ের লতা উঠেছে। লাউ ঝুলছে। চারিদিকে একটি স্বল্প সমৃদ্ধি ও শ্রী যেন ফুটি-ফুটি করছে।

গোয়াল ঘরটা তখন সম্পূর্ণ; চালের উপর নতুন খড় ঝলমল করছে।

দৌহু ঘরের দিকে তাকিয়েই বললে—মহু!

—হঁ। মহু নিকিয়েই চলল।

—হঁ লয়, হঁ লয়। শুধু হঁ বললে হবে না।

—তবে কী বলব? কী হল?

—হঁ-হঁ—হঁ-হঁ বলতে হবে। এবারে কোঠা ঘর। ঘর হয়ে গেল। ফের নতুন চাকরি। বোলপুরেই পোস্টাপিস থেকে ইন্টিশানটুকু ডাক নিয়ে যেতে হবে আসতে হবে। এই পো-থানেক পথ। বাস দশটাকা মাইনে। আর সে ডাকগাড়ির সে কী শোভা মহু! ডাকগাড়ির কী শোভা! কী আলো! কত লোক! ঝলমল করছে। কলকল করছে। ওঃ লয়ন সাংখ্যক হয়ে গেল।

ঘর থেকে লাফ দিয়ে বেরিয়ে এল নিতাই।

—আমাকে একটো পেণ্টুল—হাফ পেণ্টুল কিনে দিতে হবে বাবা। সে গলা ধরে ঝুলে পড়ল।

দৌহু কোলে তুলে নিলে।

মহু বললে—আগে বড় ঘরের চাল বেড়ে ছাওয়া হোক, দাঁড়া।

দৌহু বললে—হবে। হবে। সব হবে। আজই খড় বায়না করব। ধারে লোব। জুমাশে শোধ দোব। কুছ পরোয়া নাই। পেণ্টুলও আমি কাল এনে দোব বোলপুর থেকে।

নিতাই বললে—লোটন কাকা কী বলে জান? কুছ পরোটা নেহি। বলে হি-হি করে হাসতে লাগল।

দৌহু এগিয়ে গেল মাচায় দিকে। একটি লাউ তুললে।

মহু বউ তখন নিকোনর কাজ শেষ করে উঠেছে। বললে—আহা-আহা কচি কচি—এখনও অনেক বড় হবে।

—পায়স করতে কচিই ভালো। মাস্টারমশায়কে দিতে হবে, পায়স করে খাবে। বুঝলি? লতুন চাকরিটা পেলাম! আর সনজ্জবেলা একটা নিয়ে যাব বোলপুরের মাস্টারের জন্তে। আমি দিয়ে আসি দাঁড়া।

নবগ্রাম পোস্টাপিসের সামনে ইট চুন স্থরকি পড়ে আছে।

মাস্টার ঘরের মধ্যে কাজ করছেন। স্থরেশ বীড়ুজ্জ বায়ান্দায় বসে কাগজ পড়ছে।

রামলাল চিঠির থাক গোছাচ্ছে ঘরের মধ্যে। দীক্ষ বারান্দা অতিক্রম করে ঘরে গিয়ে ঢুকল।

—মাস্টারমশায়!

—কী?

দীক্ষ লাউটি নামালে।

রামলাল বললে—লাউ? এ যে নেহাত কচি রে।

—আজ্ঞে আমার গাছে। মাস্টারমশায় পায়ের কাছে খাবেন।

মাস্টার ঘুরে তাকালেন।—কিন্তু তোর পাঠা কী হল রে? লাউ দিয়ে সারছিস?

—আজ্ঞে না। এবারেই ধরম-পূজোতে, এই বোশেখ মাসে। সে-পাঠা আমি যতন করে খাইয়ে-দাইয়ে বেশ পুরুষ্ট করে রেখেছি।

স্বরেশ এসে ঘরের দোরে দাঁড়িয়ে বললে—তার আগেই যে মাস্টার চলে যাচ্ছে।

—চলে যেছেন?

—আমার বদলির হুকুম হয়ে গেছে দীক্ষ। মাস্টার বিষন্ন হাসি হাসলেন।

রামলাল বললে—এই সপ্তাহেই চলে যাবেন।

স্বরেশ বললে—দে দে, তার আগেই লাগিয়ে দে বাবা! ধরমের নামের পাঠা দে গাজনেই শিবের কাছে—খাম্বিজং জিং জিং করে দে। বলো শিবো ধরমজ্ঞো—যে ধরম সেই শিব।

দীক্ষ বললে—আপুনি চলে যেছেন বাবু। হতাশার স্বরে অকৃত্রিম বেদনার সঙ্গে কথা কচি বললে সে।

মাস্টার বললেন—চাকরির এই নিয়ম দীক্ষ। তোদের পোস্টাপিস বড় হল—সাব-পোস্টাপিস হল;—দেখছিস তো—ইট চুন স্বরকি এসেছে, পাকা খামের বারান্দা হবে। পাকা মেঝে হবে। আমি ত্র্যাক পোস্টাপিসের মাস্টার, এখান থেকে চলে যেতে হবে। আবার যে আসছে—সেও দু বছর চার বছর থেকে চলে যাবে। আবার নতুন মাস্টার আসবে। এই নিয়ম।

সেই নিয়মামুসারে—নতুন পোস্টমাস্টারকে দেখা যায় নবগ্রাম পোস্টাপিসে।

মাস্টার খিটখিটে ডিসপেনপটিক লোক। বয়স হয়েছে। দেখা যায় অপরাহ্নে পাকা বারান্দায় পিছন ফিরে দাঁড়িয়ে আছেন। দেওয়ালে কতকগুলি মোটা হরফে লেখা নোটশ টাডানো হয়েছে—সেগুলি পড়ে দেখছেন।

“ভাক বিলির সময় কেহ ভিতরে ঢুকিবেন না। বাহিরে গোলমাল করিবেন না।”

“খাম পোস্টকার্ড টিকিট বিক্রয়ের নির্ধারিত সময়ের বাহিরে পোস্টেজ বিক্রয় হইবে না।”

“মনিঅর্ডার রেজিস্ট্রির জন্তে নির্ধারিত সময়—১টা হইতে ১২টা। ১টা হইতে ২টা।”

“যে কোনো কাজই থাকুক, মাস্টারমশায় বলিয়া ডাকিয়া বিরক্ত করিবেন না।”

“বিনা প্রয়োজনে পোস্টাপিসের কাউন্টারে কেহ ঢুকিয়া ঘোরা-ফেরা করিবেন না। কাজে আসিয়াও ভর্ক ভকরার বা চিংকার করিবেন না।”—

ঠিক এই সময়ে এক বোঝা ঘাস মাখায় করে দীহু প্রবেশ করল এবং বায়ান্দার অপর দিকে ছুঁম করে ফেলে দিল।

মাস্টার চমকে প্রায় লাফিয়ে উঠলেন। তারপরই সামলে নিয়ে চিৎকার করে প্রশ্ন করলেন—Who are you ? What's that ? কোন ছায় তুমি ? কেয়া ছায় উ ?

দীহু বিহ্বল হয়ে বললে—হজুর !

—কে তুমি ? কে ? এ সব কী ?

—আজ্ঞে হজুর, আমি দীহু ডাকহরকরা।

—দীহু ডাকহরকরা ? যানার ? কিন্তু এসব কী ? ঘাস কেন পোস্টাণিসে ?

—আজ্ঞে আপনকার জন্তে—

—What ? আপনার জন্তে—? ঘাস নিয়ে কী করব আমি ? আমি ঘাস খাই ? আমার জন্তে—ঘাস ?

—আজ্ঞে, হজুরের গোরুর জন্তে।

—নো। নো। হজুরের গোরু নাই। শোনো আমার গোরুটোক নাই। ঘাস আমার দরকার নাই। ঘাস কোনো দিন চাই না আমার। এসব কোনো দিন আনবে না।

—আজ্ঞে, আর আনব না হজুর।

—হজুর ? হজুর কী ? What do you mean by হজুর ? আমি হাকিম নই। জমিদার নই। স্তার, স্তার বলবে।

বিহ্বল হয়ে গেল দীহু। সে সভয়ে বললে—আজ্ঞে হ্যাঁ, স্তার !

অপেক্ষাকৃত শান্ত কর্তে এবার মাস্টার বললেন—এখন, উঠাও। উঠাও !

দীহু মুখের দিকে চেয়ে রইল।

মাস্টার বললেন—ঘাস। ওই ঘাসের বোঝা। উঠাও। বাইরে ফেলে দিয়ে এস। যাও !

দীহু ঘাসের বোঝা তুলে ফেলতে গেল।

মাস্টার রাস্তার দিকে স্তম্ভ ফিরলেন।

ফিরেই দেখলেন—কম্পাউণ্ডের সীমানায় দাঁড়িয়ে স্তরেশ বাঁড়ুজ্জে।

বললেন—কী চাই ? এখন পোস্টাণিস বন্ধ। কাল সকালে—To-morrow morning please, এখন ঘান। তারপর দীহুকে বললেন—আরও বাইরে দীহু—আরও বাইরে ফেলো ; Outside the compound—

বলেই ঘরে ঢুকে দোর বন্ধ করে দেন।

স্তরেশ বাঁড়ুজ্জে দীহুকে বললে—লোকটার কিছু হজম হয় না দীহু।

দীহু বললে—ওরে বাপরে, সাক্ষাৎ ছকাসা মুনি গো।

আবার পোস্টামাস্টার বদল হয়। নতুন পোস্টামাস্টার বন্ধ দরজা খুলে বেরিয়ে আসেন।

পোস্টাণিসেরও পরিবর্তন দেখা যায়। পোস্টাণিসের আর খড়ের চাল নাই। এ্যাজবেস্টস

বা টিন হয়েছে। দেওয়ালের নতুন পলেস্তারা হয়েছে ; লেটার বক্সের মুখটি এখন পিভলের, ঝকঝক করছে। নোটিশ বোর্ডটিও নতুন। যে জানালায় পোস্টেজ বিক্রি হত মনিঅর্ডার হত, সে জানালাটি এখন Expanded metal দিয়ে ঘেরা হয়েছে ; কাউন্টারের চেহারাটা স্পষ্ট হয়ে উঠেছে।

দেওয়ালের গায়ে পুরানো মাস্টারের টাঙানো নোটিশবোর্ডগুলির আর একটিও দেখতে পাওয়া যাচ্ছে না।

তার পরিবর্তে মোটা রকম কয়লা দিয়ে কেউ লিখে দিয়েছে—দুর্ভাসা gone।

দরজা খুলে নতুন মাস্টার বেরিয়ে এলেন। পিছনে সুরেশ। বেশ নখর হুটপুট চেহারা, পান চিবুচ্ছেন আর হুকো টানছেন। এবং ঘন-ঘন ফু ফু করে করে কিছু, বোধ করি পানের কুটি, জিভের ডগা থেকে ঝেড়ে ফেলবার চেষ্টা করছেন। বেরিয়ে এসেই পচ্ করে পানের পিক ফেললেন, একবার ফু-ফু-ফু করে নিয়ে বার কয়েক হুকোয় টান দিলেন। দীহু তাঁকে প্রণাম করলে। মাস্টার দেওয়ালের লেখাটা অর্থাৎ 'দুর্ভাসা gone' পড়ে খি-খি শব্দে হাসতে লাগলেন। হাসতে হাসতে বললেন—কী বললেন সুরেশবাবু, দীহু দুর্ভাসা নাম দিয়েছিল ? এঁ্যা, দীনবন্ধুর পেটে পেটে এত ?

আবার মাস্টার পরিবর্তন হয়।

এবার পোস্টাপিসের পরিবর্তনের মধ্যে সামনে একটি সুরকিঢালা রাস্তা এবং বাউণ্ডারীর চারিপাশে ফেন্সিং দেখা যায়। বাকি সব তাই আছে।

কম্পাউণ্ডের মধ্যে একখানি টপরওয়াল গাড়ি নামানো। গরু দুটো ঘাস খেয়ে বেড়াচ্ছে।

পুয়োনো হুটপুট পান-থেকো তামাক-থেকো মাস্টার চলে যাচ্ছেন। বারান্দায় টিনের ট্রাক, দড়ি দিয়ে বাঁধা পুরানো চামড়ার স্কটকেস, প্যাকিং বাক্স, বিছানার বাগ্জিল নামানো। সেগুলির বাঁধন পরীক্ষা করে দেখছে পিণ্ডনের। পিণ্ডন এখন দুজন। ভবেশ এবং হরিহর। দীহু জিনিসগুলি গাড়িতে তুলছে। গাড়িখানা দীহুরই। বারান্দায় দাঁড়িয়ে আছেন নতুন পোস্টমাস্টার নিত্যানন্দবাবু। আর দাঁড়িয়ে আছে নিত্যানন্দবাবুর পনেরো-ষোল বছরের ছেলেটি। হৃন্দর দেখতে, ভালোবাসার মতো ছেলে।

পুরানো মাস্টারের হাতে হুকোটি আছে। পচ্ করে পিচ ফেলে বার দুই ফু-ফু করে বললেন—চলি ভাই নিত্যানন্দবাবু, good-bye. কোনো ভাবনা করবেন না। জায়গা ভালো। ফু-ফু-ফু। ওর নাম কী—এরা লোক ভালো। ভবেশ হরিহর good man সব। ভবেশ শুধু দুয়ের গ্রামের চিঠি এর ওর হাতে দিয়ে দেয়—বলে, দিয়ে দিয়ে। মধ্যে মধ্যে কমপ্লেন হয়। ফু-ফু। আর হরিহর বাসায় গেলে ফিরতে দেরি করে। Newly married কিনা। দ্বিতীয় পক্ষ।

হরিহর বললে—কী যে বলেন বাবু!

পুরানো মাস্টার গ্রাছ না করেই বলে গেলেন—আর দীহু, দীনবন্ধুর জয়জয়কার হোক। ওর ঋণে পড়তেই হবে। আমার তো শোধই হবে না।

দীহু এসে তাঁর পায়ের ধুলো নিয়ে বললে—আজ্ঞে না বাবা, উ কথা বলতে নাই, আমার অপরাধ হবে।

—হয় তো হবে দীনবন্ধু, সে তোর হবে। কিন্তু আমি না বললে অপরাধ আমার হবে। উহ-উহ ভবেশ, ভেঙে যাবে বড় সাধের ছঁকো আমার, ওভাবে নয়;—ওটাকে বরং বিছানার মধ্যে দাও বাবা! তারপর আবার নিত্যানন্দবাবুর দিকে ফিরে বললেন—তবে একটি বিষয়ে সাবধান। সে বড় ভয়ঙ্কর ব্যাপার। বুঝেছেন! খুব সামলে থাকবেন!

সকলেই অবাক হয়ে গেল কথাটা শুনে। দীহু শঙ্কিত বিষয়ে তাঁর মুখের দিকে তাকিয়ে রইল।

নিত্যানন্দবাবু বললেন—You mean this runner—this chap?

—Yes—this chap, এই দীনবন্ধু, ফু-ফু-ফু! খুব সামলে থাকবেন নইলে একটি মোক্ষম নাম দিয়ে দেবে আপনার। look, দেখুন—এই দেওয়ালে। ফু-ফু-ফু!

নিত্যানন্দ দেওয়ালের দিকে তাকালেন—দেখলেন সেখানে উপরে লেখা—

হুঁসসা gone—তারিখ 30th April 1934. তার নিচে লেখা—পাঁচুঠাকুর going—1938 15th September.

পুরানো মাস্টার ব্যাখ্যা করে দিলেন—হুঁসসা মূনি হলেন আমার আগের যিনি, শিবেনবাবু। আর পাঁচুঠাকুর মানে ভুতে-পাঁওয়া-মাছুষ হলাম—ফু-ফু-ফু—আমি। এ-সব নাম দীহুর দেওয়া। আপনাকেও একটি দেবে—ফু-ফু-ফু! মানে—

হঠাৎ ছেলেটির দিকে তাকিয়ে বললেন—যাও তো বাবা খিলিকয়েক পান নিয়ে এস তো। আর কড়া জর্দা থাকে তো খানিকটা। হ্যাঁ।

ছেলেটি চলে যেতেই মাস্টার বললেন—আমার পুত্র পরিবার নাই, কিন্তু আপনার ছেলে, সে তো ধরুন—আমারও সন্তান-তুল্যা। ফু-ফু-ফু! ওর সামনে বলব কেমন করে যে মদ খাই আমি। সন্ধ্যাবেলা কাজ-টাঙ্গ সেরে বুঝলেন—কর্ম অস্ত্রে সন্ধ্যাবেলা আমি মশাই কারণ একটু পান করি। ফু ফু—একটু মানে বেশ। এখানে আবার ওই সুরেশটা জুটেছিল। মধ্যে মধ্যে—ফু-ফু—বে-এক্তার হয়ে বমি-টমি করে সে নরকে পড়ে থাকতাম। সকালবেলা এ নিজেই ঘেমা হত বিছানা দেখে। কী করব, নিজেই কাঁচতাম। কাকে বলব? তা দীহু একদিন দেখে ফেলে। ফু-ফু-ফু! সেই দিন থেকে ও আমাকে একদিনও আর ওসব নাড়তে দেয় নি। কাচত আর বলত—পাঁচু-ঠাকুর আমার দুধ তুলেছেন। ফু ফু-ফু—খুব সাবধান, আপনারও একটা নাম দেবে।

বলেই তাঁর মার্কামারা থি-থি-থি হাসতে লাগলেন।

সে-হাসির ছোঁয়াচ লাগল সকলকে। মায় দীহু পর্যন্ত মুখ নামিয়ে খুখ-খুখ শব্দে হাসতে লাগল।

মাস্টার জের টেনে বললেন—বলে কী, পাচুঠাকুর আমার ছুধ তুলেছেন !

বলেই আবার হাসি—অর্থাৎ আমি পেঁচায় পাওয়া কচি ছেলে ।

এই মুহূর্তটিতেই পোস্টাণিসের ভিত্তর থেকে ক্লক ঘড়ি বেজে উঠল—চং চং চং চং ।

মাস্টার চমকে উঠলেন—এ কি চারটে ? হ্যা চারটেই তো ! ওরে বাপ রে, দশটার যে ট্রেন রে বাবা । ও দীহু, ছেলে তোর এল কই ? ফু-ফু-ফু—স্টেশনে ভাপাতে হবে রে বাবা ।

নিত্যানন্দবাবু বললেন—রাস্তাও যে অনেকটা । দশ মাইলের উপর । আর তো দেরি করা উচিত নয় ।

ভবেশ পিওন বললে—তোরও যেমন কাজ দীহু, ছেলে গাড়ি নিয়ে যাবে তাকে রেখে তুই গাড়ি আনলি ।

দীহু চঞ্চল এবং অপ্রতিভ হয়ে উঠল । বললে—এল না গো কিছুতেই, বললে—তুমি গাড়ি নিয়ে যাও ; আমার কাজ আছে খানিক—

হরিহর বললে—কাজ তো বেটার টেরি কাটা আর হৈ-হুল্লোড় করা । কাজ আছে ! দেখ দেখ এগিয়ে দেখ ।

দীহু সদর রাস্তার দিকে এগিয়ে গেল দেখবার জন্তে ; যেতে-যেতেই বললে—কী করি বলেন ? সময়টা যে আমাদের ভাঁজো পরবের কিনা । প'শ থেকে পরব আরম্ভ । সে আবার পরবের মাতব্বর ! তারপর যেন নিজেকেই বললে—কানে কিলিয়ে বলে দিলাম । বললে—আমি গেয়েছি বলে— । ঠিক টায়েরে যাব আমি—

সে এসে রাস্তার উপর দাঁড়িয়ে উদ্গ্রীব হয়ে ঘাড় উচু করে সামনের দিকে চেয়ে রইল । সামনে তার বাজারের রাস্তাটা । লোকজন চলছে, বিচিত্র নিঃশব্দ বাজারের সে-ছবি । কিন্তু তার মধ্যে কোথাও নিতাই নেই ।

এদিক থেকে হরিহর বাঙ্গ করে বললে—ঠিক টায়েরে যাব ; বেটার ট্যাকে যেন ঘড়ি ঝুলছে দশটা ।

ইতিমধ্যে নিত্যানন্দবাবুর ছেলে পান এবং দোস্তা নিয়ে এসে দাঁড়াল । পুরানো মাস্টার সেগুলি ভিবেতে পুরতে লাগলেন, একটা পান একটু দোস্তা মুখে নিয়ে পচ্ করে পিক্ ফেলে বললেন—আঃ, এ যে খাস মতিহার !

দীহু বলে উঠল—ওঃই,—ওঃই এসে যেয়েছে । দূরে বাজারের মধ্যে একখানা সাইকেল দেখতে পেয়েছে সে । নিতাই আসছে সাইকেল চড়ে ।

নিশ্চিন্ত হয়ে সে ফিরে এসে গাড়ির চারিদিক দেখে নিয়ে বললে—আর কিছু পড়ে-টড়ে নাই তো বাবু ?

বলতে বলতেই সদর রাস্তায় সাইকেলে চড়ে এসে হাজির হল দীহুর ছেলে নিতাই । আঠারো-উনিশ বছরের সজঘুবক নিতাইচরণ । মাথায় খুব বাহারের শোঁধিন টেরি । গায়ে একটা বাহারের গেঞ্জি । গলায় একটা তক্তা । কজিতে একটা কারের বেড় । পরনে

টাইট করে মালকোঁচা বেঁধে কাপড়। কানে একটা পোড়া সিগারেট। সাইকেল চালিয়ে এল সে এবং তার পিছনে চড়ে এল আর একটা সঙ্গী। সাইকেল থেকে নেমেই সাইকেলটা তার সঙ্গীর হাতে দিয়ে বললে—নাই বারোটা আঙ হতে আমি নিচ্ছক ফিরব। বুল্লি! তু সব ঠিক করে আকিস। অভৌন কাগজের মালা যেন ভালো করে গাঁথবি। উ পাড়ার চেয়ে ভালো হ'চাই। হ্যা! সঙ্গী ঘাড় নেড়ে সম্মতি জানিয়ে সাইকেলে চড়ে চলে গেল।

দীহু তিরস্কারের সুরেই বললে—তোর আক্কেলটা কেমন বল দিই নি? চারটে বেজে গেল। আমরা ভেবে সারা।

নিতাই উপেক্ষাভরে বললে—চারটে বাজল তো কী হল! কাজ থাকলে করব কী? আক্কেল আক্কেল। আমার নাই!

তারপর খোলা গোরু দুটোর গলার দড়ি দু হাতে ধরে গাড়ির দিকে টেনে আনতে আনতে আপন মনে গজর-গজর করতে লাগল—কোন সময়ে কোন তাল তার ঠিক নাই। প'ত্ত থেকে ভাঁজো পরব। আজ যা বোলপুর গাড়ি নিয়ে।

দীহু বললে—লে-লে, গাড়ি তোলা। মেজাজ খারাপ করিস না।

নিতাই একটা গোরুকে পিঠে হাতের গুঁতো দিয়ে বললে—বেকুব বেহন্দা গোরু কোথা-কার! ইদিকে। ইদিকে। ঔই—ঔই—। আবার দিলে গুঁতো। টেনে নিয়ে এল সে গোরু দুটোকে, গাড়িতে বাঁধলে—তারপর বললে—ল্যান—চড়ে বসেন।

পুরানো মাস্টার পচ্ করে পিচ ফেলে গাড়িতে পা দিয়ে বললেন—মিলিটারি মেজাজটা একটু ঠাণ্ডা কর বাবা নিতাই! ভয় লাগছে আমার।

নিতাই হেসে ফেলে বললে—ল্যান—ল্যান চড়েন। মেজাজ খারাপ করে দেয় বাবা। জ্বাখেন ক্যান—।

মাস্টার চড়ে বসে বললেন—চলি নিত্যানন্দবাবু, নমস্কার। ভবেশ হরিহর—

নিত্যানন্দবাবু বললেন—নমস্কার!

ভবেশ হরিহর হেঁট হয়ে নমস্কার করলে। দীহুও করলে।

নিতাই গাড়িতে উঠে গোরু দুটোর পেটে দুই পায়ের বুড়ো আঙুলের গুঁতো এবং পিঠে আঙুলের টিপুনি দিয়ে—নাকে ঘড়র এবং জিভে ক্যা-ক্যা শব্দ করে গাড়িটাকে চালিয়ে দিলে।

মাস্টার নিত্যানন্দবাবু বললেন—এইটিই তোমার ছেলে দীনবন্ধু?

দীহু বললেন—আজ্ঞে হ্যা।

—ওই একটিই ছেলে বুল্লি!

দীহু অত্যন্ত লজ্জিত হয়ে বললে—আজ্ঞেন তাই বটে। কটা ছেলে মরে ছেলেটা হয়েছিল—মায়ের আদরে খানিক বেয়াড়া হয়ে ষেয়েছে। তার ওপরে এখানে এয়েছেল একজন ট্যান্ডিওলা—তার কাছে মোটর ধ'মোছা করতে লেগে অমুনি হল। বলে মোটর চালা শিখব। আর ওই বদ মেজাজ—

হরিহর বলে উঠল—শুধু ছেলের দোষ দিলে কী হবে? মায়ের দোষ দিলেই বা হবে ক্যানো? তুমি আদর কম দাও নেকি? ছেলে বললে সাইকেল লেবে—তাই দিয়ে দিলে—

—সি আজ্ঞে পুনো সাইকেল—। তিরিশ টাকা নিয়ে দিলেন ওপরস্তার বাবু—

—খুব সস্তায় দিয়েছে ওভারসিয়ারবাবু! ওটা ফেলে দিলে কেউ নিত না। নতুনে পঁচাত্তর টাকা দাম। চড়েছে আট বছর—। বুয়েচেন বাবু, দীক্ষুর স্বভাবই ওই। ছেলে বলতে অজ্ঞান। এই বয়সে একটা মেয়ে হয়েছে। তার নাম রেখেছে সন্মানী! ওঃ, তার আবার কত! ব্যঙ্গ করে হলেও মিষ্টভাবেরই বললে সে কথাটা। ঠিক এই মুহূর্তটিতেই সদর রাস্তায় হস্তদস্ত হয়ে এল সুরেশ বাঁদুজ্ঞে। থমকে দাঁড়িয়ে সে কম্পাউণ্ডের দিকে তাকিয়ে বললে—এই ঘাঃ। চলে গেল মাস্টার?

বলেই ছুটতে লাগল—মাস্টার! মাস্টার! মাস্টার হে!

ভবেশ বললে—বাঁদুজ্ঞে বোলপুর পর্যন্ত যাবে তুলে দিতে।

নিভ্যানন্দবাবু বললেন—এই বুঝি সুরেশ বাঁদুজ্ঞে?

ভবেশ বললে—আজ্ঞে হ্যাঁ।

একজন রানার ডাক নিয়ে এসে ঢুকল।

হরিহর বললে—রামনগরের ডাক এসে গেল—।

মাস্টার পোস্টাণ্ডিসের ঘরের দিকে ঘুরলেন।

দীক্ষু রাস্তার দিকে পা বাড়াল।

হরিহর এবং ভবেশের কথায় মনে সে আঘাত পেয়েছিল। নিতাইয়ের কথায়-বার্তায় ভক্তজনদের কাছে সে অপ্রস্তুতও হয়েছে। এই দুইয়ের প্রতিক্রিয়ায় রাগ হয়েছে তার সহুর উপর। ফেরার সময় পদক্ষেপের ভঙ্গিতেই সে রাগ তার একটু পরিস্ফুট হয়ে উঠল। কিয়ছিল সে তাদের পাড়ার পথ ধরে।

রাঢ় বাংলার অচ্ছুত পল্লী।

মাটির দেওয়াল—খড়ের চাল—বাঁশের খুঁটি-দেওয়া পরচালা বা বারান্দাওয়ালো ছোট ছোট ঘর। উঠান রাঙা মাটি দিয়ে নিকানো। চারিপাশে কোনো পাঁচিলের ঘেরা নেই। তারই মাঝখান দিয়ে আঁকা-বাঁকা পথ।

পথের ওপর উলঙ্গ ছেলেরা ঘুরছে, খেলছে। পতিত জামগায় ছাগল চরছে।

বাড়ির উঠানে মুরগী চরছে। একপাশে গোরু বাঁধা রয়েছে। কোনো বাড়ির উঠানে কোনো মেয়ে কোনো মেয়ের উকুন বাচছে। কোনো বাড়িতে চালায় ঢেঁকিশালে মেয়েরা ধান কুটছে।

পথের ধারে পুকুরে হাঁস চরছে। পথের পাশে একটু দূরে একটি উৎসবের আয়োজন দেখা যায়। একটি গাছতলায় ভাঁজের বেদী বাঁধা রয়েছে।

গাছের তলায় মাটির একটি বেদী। বেদীটিকে ঘিরে চারিপাশে চারটি খুঁটি। বড়ীন কাগজ মোড়া।

সামনেটা চমৎকার করে নিকানো। সেখানে তরুণ-তরুণীরা ভিড় করে রয়েছে।
একটি তরুণ ঢোল বাজাচ্ছে। একজন বাঁশের বাঁশি বাজাচ্ছে।
কোনোদিকেই দীহুর ফুর মন আকৃষ্ট হল না। সে সটান এসে উঠল বাড়ির সম্মুখে।
দীহুর বাড়িতে এখন একখানি কোঠাঘর হয়েছে। পাশে সেই গোয়াল-ঘরটি। একপাশে
ছুটি গাই বাধা।

গাছতলায় দীহুর ছ-সাত বছরের মেয়ে সম্মানী খেলা করছে।

সে কাদার ভাল দিয়ে ভাত-ভরকারি রান্না করছে। স্ত্রী সহ দাওয়ায় বসে রয়েছে,
তার সামনে উঠানে দাঁড়িয়ে আছে একটি বিলাসিনী তরুণী। তাকে দেখে দীহু থমকে
দাঁড়াল। তারপর বললে—মেয়েটি ক্যা রে সহু ?

সহু মেয়েটিকে বললে—রেতে এসে আবার খেয়ে যাবে। এখন ওই আখহরিদের
বাড়িতে থাক গা !

দীহু আবার বললে—কে বটে মেয়েটা—? কথা কানে যায় না না কি ?

মেয়েটি ঝাপ্টা মেয়ে পাশ ফিরে তাকিয়ে বলল—আমি ভাঁজো নাচতে এয়েচি। নিতাই
আমার বন্ধু নোক। সে আমাকে নিয়ে এয়েচে। তুমি কে ?

—ভাঁজো নাচতে এয়েছ ?

—হ্যাঁ। সিউড়ি থেকে। তুমি কে ? এমন কথা ক্যানো ?

সহু বললে—যাও মা, তুমি যাও। উ হল নিতাইয়ের বাবা।

—অ। তা এমন লাটসায়ের মতো মেজাজ ক্যানো ?

বলেই সে যেন হেলেহুলে গা ছলিয়ে নাচতে নাচতে চলে গেল।

দীহু বললে—তুই—সহু—তুই এর জগে দায়ী।

—কী, বলছ কী ? হল কী তোমার ?

—কিছু বলি নাই। তোমার ছেলে এলে বলিস ই সব চলবে না। আমার সহু হবে না।

বলেই আবার বলল—তারও সহু হবে না সহু। যা ধরমের সহু হয় না তা কারুর সহু
হয় না। বলিস তাকে।

ছোট মেয়েটা খেলা ছেড়ে মা-বাপের কথাস্তর শুনছিল। এখন তার বাপের কথা শেষ
হতেই সে ছুটে বাপকে জড়িয়ে ধরে বললে—

—বাবা আমি ধরমপুজো দেখতে যাব।

—ধরমপুজো এখন লয় মা। সে সেই বোশেখ মাসে। এখন পথ ছাড়। যাই।

—না। তুই যে বললি। ধরম-ধরম-ধরম। আমি যাব।

—ই ধরম সে ধরমঠাকুর লয় মা। ই ধরম বড়া কঠিন মা—বড়া ভীষণ। ছাড় পথ ছাড়।
চান করে এসে খেয়ে ছুটেতে হবে। ডাকের দেবি হয়ে যাবে। ছাড়—সরকার বাহাদুরের ডাক !

সরকার বাহাদুরের ডাক নিয়ে দীহু চলে যায় ভাত্র মানের রাত্রিতে। রাত্রিটি অন্ধকার

হলেও কিন্তু বর্ষমুখর নয়। স্বদীপুয়ের বটতলা। বহুদূরে শোনা যায় ভাঁজো-পরবের
টোলের শব্দ।

আজ চারিদিকের গ্রামেই এই ভাঁজো-পরবের উৎসব লেগেছে। বন পার হয়ে প্রান্তরের
মধ্যে পথে এসে পড়ল দীহু,—সেখানেও স্তনল ভাঁজো-পরবের টোল-কাঁসির শব্দ। এবার
গ্রাম কাছে। বাজনার শব্দ স্পষ্ট। দীহু কিন্তু চলেছে তার নিদিষ্ট গতিতে। পথে শুদিক
থেকে আসছিল একদল পথিক। একজন প্রশ্ন করলে—কে ?

দীহু উত্তর দিলে—ডাক। সরকার বাহাদুরের ডাক।

বাজনা বাজতে লাগল।

নবগ্রামেও বাজনা বাজছে। ভাঁজো-পরবের আসরটি জমে উঠেছে।

সেখানে ভাঁজো-তলায় একটি বাঁশের খুঁটি পুঁতে তাতে ঝুলিয়ে দিয়েছে একটা হেজাক
বাতি।

আলোকোজ্জ্বল হয়ে উঠেছে স্থানটি।

ভাঁজোর বেদী সাজানো সম্পূর্ণ হয়েছে। প্রচুর শালুক এবং পদ্মফুল ও নানান ফুলে
সাজিয়েছে।

চারিদিকে আমের শাখা এবং কাগজের ফুল দিয়ে বেড় দিয়েছে।

মেয়েপুরুষ ভিড় করে বসেছে। মেয়েরা মাথার খোঁপায় ফুল পরেছে। গলায় মালা পরেছে।

ছুটি মেয়েতে গলা-ধরাধরি করে হামছে। পুরুষেরা রঙীন গেঞ্জি পরেছে—মাথায় রঙীন
গামছা বেঁধেছে। কেউ কেউ কোমরেও বেঁধেছে। কানে ফুল পরেছে। গলায় মালা।

নিতাই মাথায় জড়িয়েছে শালুক-ভাঁটির মালা। তার সঙ্গে অল্প ফুলের মালা। কানে
ফুল। গলায় মালা। সে বাজাচ্ছে বাঁশি। একজন বাজাচ্ছে টোল।

নাচছে বাসিনী—অর্থাৎ শহর থেকে আসা সেই রঙ্গিনী মেয়েটি। সেও সেজেছে ষতখানি
পারে। তার কোমর পর্যন্ত ফুলের মালা ছুলিয়েছে সে।

কতকগুলি মেয়ে বসে একসঙ্গে ধুয়ো গাইছে।

আমার ভাঁজোর গলায় দোলে পঞ্চফুলের মালা—

কপালে সিঁহুর-টিপের ছায়ায় ভুবন আলা—

ও-আমার ভাঁজো সুন্দরী !

তারি ধামতেই সব ধামল। বাজনা বাঁশি নাচ সব।

এবার গান ধরলে নিতাই—

আমার মনের রঙের ছটা তোমায় ছিটে দিলে না।

পদ্মপাতায় কাঁদিলাম হয়—সে জল পাতা নিলে না।

টলোমলো টলোমলো—

হায় সখি সে পড়ে গেলো—

ও হয় চোখের জলের মুক্তোছটা মাটির বুকে ঝলে না।

মাটি হলে গলে মন—মানিক হলে গলে না।

আমার মনের রঙের ছটা—

শেষ লাইনে এসেই বাজনা বেজে উঠল দ্রুত ভালে।

সঙ্গে সঙ্গে বাসিনী ওই নাচুনী মেয়েটি বেদীটিকে বেড়ে নাচতে শুরু করে দিলে।

মেয়েরা ধরে দিলে ধুয়ো। শেষ হতেই বাজনার সময় সঙ্গে আবার সব শুরু।

এবার ওই বাসিনী ধরলে গান—

যে রঙ তোমার মিশে গেল

নীল ঘমনার জলে হে—

সে রঙ গিয়ে লেগেছে যে

লাল শালুকের ফুলে হে।

সেই শালুকে মন মানিয়ো—

সকল দুখো পাসরিয়ো—

খালি মনের সিঁদুর-কোঁটা—

তাও দিও ফেলে হে—

নিত্য নতুন ফুটবে শালুক—

বাসি ঝরে গেলে হে ॥

শেষ কলিতে এসে আবার বাজনা বাজল—বাঁশি বাজল; মেয়েটি দ্রুতভালে ঘুড়ুরের শব্দে মুখর করে তুললে তাঁজো-তলা।

এর মধ্যে একসময় ভোরের পাখিদের ডাক বেজে উঠল—কলস্বরে।

সকলে তাকাল উপরের দিকে।

দেখা গেল আলোটা নিশ্চয় হয়ে এসেছে। রাত্রির অন্ধকার ছাপিয়ে ভোরের আলোর আভাস জাগছে। উর্ধ্ব-আকাশে আলোর ছটা বেজেছে। আবার বেজে উঠল পাখির ডাক। একটা গাছের মাথা থেকে পাখি পাখা মেলে বেরিয়ে পড়ল। আর একটা গাছ থেকে কাক এসে বসল পথের উপর।

পোস্টাপিসের সামনের যে সড়কটা সেই সড়কটার উপর। সামনে একটা বাঁক। সেই বাঁকের ওপারে শোনা গেল ঝুন-ঝুন শব্দ। বাঁকে মোড় ফিরে দেখা দিল দীহু ডাকহরকরা। কাঁধে ডাক নিয়ে দীহু নবগ্রাম ফিরছে।

ঝুন ঝুন ঝুন ঝুন শব্দ তুলে দীহু এসে পোস্টাপিসের কম্পাউণ্ডে ঢুকবার মুখে বিস্মিত হয়ে দাঁড়িয়ে গেল। পোস্টাপিসের পাশে একটা ঝোপের আড়ালে পোস্টমাস্টার নিত্যানন্দ বাবুর প্রিয়দর্শন ছেলেটি বৈঠক দিচ্ছে।

প্রিয়দর্শন ছেলেটির স্বগঠিত সুন্দর দেহখানি সত্ত ব্যায়ামচর্চায় সুন্দরতর হয়ে উঠেছে।

কিশোর ছেলেটির পরিপুষ্ট পেশীগুলি থেকে একটি পৌরুষব্যঞ্জক মহিমা বিচ্ছুরিত

হচ্ছে যেন ।

দীহু ডাক কাঁধে করেই এসে সেখানে দাঁড়াল । একপাশে দুটি মৃগুর নামানো ছিল—
লে দুটি নেড়ে দেখলে ।

ছেলেটি—ছেলেটির নাম অমর—বৈঠকের মধ্যেই তাকিয়ে দেখলে দীহুকে । একটি
শ্মিত হাসিতে তার মুখ ভরে গেল চকিতের জন্ত । তারপর আবার গম্ভীর হল সে । ব্যারাম
শেষ করে এসে দীহুর কাছে দাঁড়াল ।

দীহু বললে—আপুনি রোগ করেন বাবু ?

হেসে ঘাড় নেড়ে ছেলেটি মায় দিয়ে জানালে—হ্যাঁ ।

দীহু বললে—ই খুব ভালো । খুব ভালো । এমন বাধবে শরীর !

অমর বললে—আমাকে একটু আড়াল দেখে—কেউ দেখতে না পায় এমন একটা জায়গা
দেখে—একটা আখড়ার মতো করে দেবে দীহু ?

দীহু খুব খুশী হয়ে বললে—দোব । তার আর কী ? ওই পিছন দিকে—খিড়কীর
পুকুরের উপর বটগাছের তলায়—দোব করে ! আজই দোব ।

—উ-হ । আরও একটু আড়াল চাই । বাবা যেন দেখতে না পান ।

—ক্যানে বাবু ? বাবু ই সব ভালোবাসেন না বুঝি ?

—না । আজকাল ভ্রলোকের ছেলে এ-সব করলে পুলিশে বড় হাজামা করে কিনা ।
ভাই বাবা চান না । তুমি একটা ভালো জায়গা দেখে—

ঠিক এই কথাটির পরই বাড়ির ভিতর থেকে নিত্যানন্দবাবুর ডাক শোনা গেল।—
ভবেশ, উঠেছ ? ভবেশ ! ভবেশ !

ভবেশ মাড়া দিল—আজ্ঞে !

অমর মৃগুর দুটোকে নিয়ে দ্রুত চলে গেল বাড়িটাকে বেড় দিয়ে । যাবার সময় বলে
গেল—বাবাকে বোলো না । কেমন ?

মাস্টার বললেন বাড়ির ভিতরে—হরিহর আসে নি ? ডাক ? ডাক আসে নি ?

দীহু ফিরল । সেও একটু চকিত হয়েছে । সে এসে ডাকঘরের বারান্দার উপর ডাকটা
নামিয়ে ডাকলে—বাবু ?

এদিকে সদর রাস্তা থেকে কম্পাউণ্ডে এসে ঢুকল স্বরেশ বাডুজ্জ ।

বাডুজ্জ বললে—হ্যাঁ রে দীহু, শুনে এলি কিছু বোলপুরে ? যুদ্ধ লেগেছে আবার ?
হিটলার লাগিয়ে দিয়েছে ?

পোস্টাপিসের দরজা খুলে বের হলেন নিত্যানন্দবাবু।—স্বরেশবাবু ! এত সকালে ?

—যুদ্ধ ! যুদ্ধ লেগেছে শুনছি ! সারারাত কাল ঘুমুই নি ।

—কাগজ ? হাসলেন নিত্যানন্দবাবু ।

দীহু ডাক নিয়ে ঘরে ঢুকল ।

দীহু ফিরল তাদের পাড়ার পথে। তখন বেশ একটু বেলা হয়েছে। সাতটা বেজে গেছে। পাড়াটা আজ নিঝুম। ভোর পর্যন্ত তাঁজো গান করে সকলে শুয়েছে—যুম তাঙে নি। পথে ছড়ানো ফুলগুলি পড়ে আছে।

অদূরে তাঁজো-তলা।

সেখানটাও জনশূন্য। দীহু একবার তাকিয়ে দেখলে। এখনও হেজাকটা জ্বলছে।

তাঁজোর বেদীর সাজসজ্জা ভাঙা বাসরের মতো বিশৃঙ্খল।

হঠাৎ তার নজরে পড়ল দুখানা পা। গাছের আড়াল থেকে বেরিয়ে রয়েছে। দীহু সস্তর্পণে এগিয়ে গেল। গাছের তলায় দাঁড়িয়ে দেখলে গাছের ওপাশে যার পা বেরিয়ে আছে সে নিতাই-ই বটে। নিতাই একা নয়, আরও একজন রয়েছে! পরক্ষণেই স্তনতে পেলো—নারীকণ্ঠে কেউ বলছে—

—বলেছি তো। গানেই তো জবাব দিয়েছি হে।

বলেই অতি মৃদু স্বরে গেয়ে দিল—নিতি নতুন ফোটে শালুক বাসি ঝরে গেলে হে। বলেই খিলখিল করে হেসে উঠল।

সে বাসিনী। বাসিনী এবং নিতাই গাছতলায় গত রাত্রির সেই সাজেই গাছের শিকড়ে মাথা দিয়ে পাশাপাশি শুয়ে আছে।

বাসিনী আকাশের দিকে চেয়ে আছে।

নিতাই কহুইয়ের উপর ভর দিয়ে তার মুখের দিকে চেয়ে কথা বলছে।

নিতাই বলল—না। নিত্য নতুন শালুক আমার চাই না। আমি তোকে চাই।

—লারব ভাই!

—ক্যানে?

—তোমাদের যা ঘর-দুয়োর—থাকবার ছিঁরি—ই কষ্টে থাকতে আমি লারব।

—আমি পরাণ-পণ করে খাটব বাসিনী!

—কী? ওই তো বাবা করে ডাক-হরকরাগিরি—তুমি কি করবে চৈকিদারি? না মুটেগিরি?

বাসিনীর হাতটা ধরে নিতাই বললে—আমি মোটর চালানো শিখেছি—লাইসেন্স করাব—

ভেরাইবার হব আমি—

—বেশ তখন যেয়ো আমার কাছে।

দীহু আন্তে আন্তে সেখান থেকে সরে চলে গেল।

বাড়ি গিয়ে দেখলে সতু এবং মেয়ে সন্মানী তখনও ঘুমুচ্ছে।

সে মাথায় হাত দিয়ে দাঁড়িয়ে বসল।

কয়েক মুহূর্ত বসে থেকে নিজের কপালে দুটো চাপড় মেয়ে বললে—এই! এই! এই! তারপর আবার কপালে হাত দিয়ে ঝিমোতে লাগল।

আবার মুখ তুলে ঘুমন্ত সতুর দিকে ক্রুদ্ধ দৃষ্টিতে তাকিয়ে রুট কণ্ঠে ডাকলে—সুনছিন? এই! এই!

সহ পাশ ফিরে শুয়ে নিজাজড়িত কণ্ঠে বললে—ঘরের ভেতরে সব ঠিক করে একেছি, নিয়ে খাও ক্যানো।

—খাও ক্যানো! পিণ্ডি খাবার লেগেই আমি হা-হা করছি বটে।

—তবে কী? আমি এখন উঠতে পারব। সহর শেষ কথাগুলি জড়িয়ে প্রায় স্তব্ধ হয়ে গেল।

দীহু নিষ্ঠুর ক্রোধে ঘুরে চুলের মুঠি ধরতে গেল; গিয়েও হঠাৎ ক্ষান্ত হল। একটা দীর্ঘনিশ্বাস ফেলে বললে—তোকে দোষ দিয়ে মেরে-ধরেই লাভ কী? যার যা মতি; যার যা নেকন!

বলে ঘরে ঢুকে ঢেকে-রাখা মদের ভাঁড় থেকে খানিকটা মদ খেয়ে, খালার রাখা মুড়ি মুখে ফেলে চিবুতে চিবুতেই গামছায় সেগুলি ঢেলে নিয়ে মাথাল মাথায় দিয়ে কান্ডে হাতে বেরিয়ে এল। গোকুলি শুধু মুখে দাঁড়িয়ে ছিল, তাদের গায়ে হাত বুলিয়ে দিয়ে বললে—চললাম তোদের লেগে ঘাস আনতে। শুধুমুখে দাঁড়িয়ে আছিস! কী করব বল—তোদের কপাল আর আমার কক্ষল।

চলে গেল সে মাঠে। সেখান থেকে বোঝা বেঁধে ঘাস কেটে নিয়ে ফিরবার সময় মাঠের ধারের আমবাগানে একটি গাছতলায় বোঝা ফেলে সে জিরতে বসল। গামছাটা দিয়ে মুখ মুছে ঘুরিয়ে বাতাস করতে লাগল। অনেক পুরনো আমবাগান। ছায়া সেখানে নিস্তরঙ্গ। দু-চারটি পাখির ডাক শোনা যাচ্ছে। দু-চারটি পাতা খসে পড়ছে। তা ছাড়া একটানা উঠছে ঝিঝির ডাক। মধ্য মধ্য কাঠবিড়ালীরা ছুটোছুটি করছে।

দীহু গাছে ঠেস দিয়ে উপরের দিকে তাকিয়ে রইল। আপন মনেই বললে—চলে যাব আমি বিবাহী হয়ে—মরুক গা সব—আমি আর এমন করে—

হঠাৎ বাগানের ওদিক প্রান্ত থেকে বাইসিক্লের ঘণ্টার ঝুন-ঝুন শব্দ শুনে চকিত হয়ে স্তব্ধ হয়ে গেল।

চারিদিকে বিস্মিত দৃষ্টি নিক্ষেপ করলে—কে? এ আমবাগানে সাইকেল নিয়ে—কে?

হঠাৎ তার নজরে পড়ল—দূরে একটি গাছের গায়ে পারের ভর দিয়ে চেপে বসে রয়েছে পোস্টমাস্টারবাবুর ছেলে অমর। তার সাইকেলের হ্যাণ্ডেল ধরে দাঁড়িয়ে আর একটি সমবয়সী ছেলে। দীহু বিস্ময়ে দাঁড়িয়ে উঠল।

ওদিকে হ্যাণ্ডেল-ধরা ছেলেটি আবার ঘণ্টাটা বাজিয়ে দিয়ে হ্যাণ্ডেল ছেড়ে দিয়ে চলে গেল; অমর গাছের তলায় তলায় মাথা গুঁড়ি করে সাইকেল চালিয়ে এদিক দিয়ে এগিয়ে আসবার পথে দীহুকে দেখে আবার একটা গাছে পা দিয়ে দাঁড়িয়ে গেল। হেসে বললে—দীহু!

—আজ্ঞে হ্যাঁ। ঘাস কাটতে এসেছিলাম গোকুল জে। কিন্তু আপনি এখানে বাবু! বিস্ময়ের তার আর অবধি ছিল না। কারণ এই বাগানটাকে ভয়ের জায়গা বলে সকলে এড়িয়ে চলে।

অমর হেসে বললে—শুনলাম নাকি এই বাগানে তোমাদের ভূত আছে? দিনের বেলাতেও কেউ আসে না! তাই দেখতে এসেছিলাম। কিন্তু তুমি এই সারারাত ডাক বসে এসে এখন আবার কী করতে এসেছ?

দীক্ষু বললে—কী করব বলেন? গোরু কটা আছে, অবোলা জীব। ভগবতী! ভাদ্র মাস। খড়ু নাই। কী থাকবে?

—ও। ওই ঘাস কেটেছ বুঝি? ওঃ অনেক কেটেছ!

—আপুনি কিন্তু ই বাগানের সেই গুঁদের কথা নিয়ে হাসি তোমাশা করবেন না বাবু। ঠাইটা সত্যিই বড় খারাপ। আমরা এই বাইরে বাইরে যাই আসি।

—কেন? ভূত মেরে ফেলে? কিন্তু ভূত যে আমি মানি না দীক্ষু। আচ্ছা চলি। বলেই সে সাইকেল চালিয়ে খানিকটা গিয়ে আবার ফিরল, দীক্ষু তখনও হতবাক হয়ে দাঁড়িয়ে আছে। সে ফিরে এসে বললে—তুমি যেন বাবাকে এ-কথা বোলো না দীক্ষু। কেমন? ভারি রাগ করবেন তিনি।

—কিন্তু তিনি যদি শুধোন বাবু? যদি শুধোন—হাঁরে দীক্ষু, তোর সঙ্গে ওই গলায়-দড়ের আমবাগানে আমার ছেলের সঙ্গে দেখা হয়েছিল? তাহলে?

অমর তার মুখের দিকে তাকিয়ে একটু হেসে বললে—মিথ্যে কথা বলতে পারবে না? আচ্ছা, বাবা না জিজ্ঞাসা করলে তুমি বোলো না। কেমন? তাতে তো মিথ্যে বলা হবে না।

—আজ্ঞে বেশ। তা বলব না।

অমর বললে—তা হলেই হবে। একটু চুপ করে থেকে বললে—জান দীক্ষু, খুব ছেলে-বেলায় আমার মা মরে যান। বাবাই আমাকে মানুষ করেছেন। তাইতেই আমার জন্মে ভারি ভয়। একটুতেই দুঃখ পান।

দীক্ষু বেদনা অসুভব করলে। সঙ্গে সঙ্গে ভারি ভালো লাগল তার এই ছেলেটির বাপের প্রতি ভালোবাসা। সে তাড়াতাড়ি বললে—না—না—বাবু, আমি নিজে থেকে কখনো বলব না। আর—আর বাবু যদি শুধোনও তবে চুপ করে থাকব। বুয়েচেন! পেড়াপীড়ি করলে বলব—কবে বলেন দিকি? কোন্ বাগান বলেন তো? এক রকম করে এড়িয়ে যাব। আর বলব—না—না বাবু, আপনি দুঃখ পান সেই কাজ দাঁদাবাবু কখনও করবেন না। সে ছেলেই নয়।

—আচ্ছা—আচ্ছা। আমি চলি।

বলে অমর চলে গেল।

দীক্ষু তার গমনপথের দিকে কয়েক মুহূর্ত তাকিয়ে থেকে একটা দীর্ঘনিশ্বাস ফেলে ঘাসের বোঝাটা তুলতে উত্তম হল। অমর যেতে যেতে পিছন ফিরে দেখে আবার ফিরল। নামল সাইকেল থেকে; বললে—তুলে দেব?

বলেই সে ধরলে বোঝাটার একটা প্রান্ত এবং অবলীলাক্রমে তুলে দিলে।

বিস্মিত হয়ে দীক্ষু বললে—আপনার তো খুব গায়ের জোর দাদাবাবু!

—খুব ? হেসে উঠল অমর । তারপর সে আবার সাইকেল চড়ে চলে গেল ।

বাড়ি ফিরেই দীহু রাগে ঘুগায় যেন পাথর হয়ে গেল ।

বাড়ির উঠানে দাঁড়িয়ে সেই রঙ্গিনী মেয়েটা বাসিনী প্রায় তুফান তুলেছে । সহু প্রায় হতবাক হয়ে বসে আছে । পাড়াপড়শীরা জমেছে ।

বাসিনী বলছে—তোমাদের ছেলে এনেছে আমাকে । পাঁচ টাকা নগদ দেবার কথা । সে না দিলে তোমাদিকে দিতে হবে । আর চড় মেয়েছে আমাকে । তার দরুন দশ টাকা দিতে হবে আমাকে । নইলে আমি থানাতে যাব । ডায়রী করে কোটে গিয়ে নালিশ করব । আমাকে চড় ।

সহু বললে—বেশ সি আস্থক । তুমি বস ।

বাসিনী বললে—বসব ? না । টাকা দাও আমার । আমি চলে যাব এখুনি ।

দীহু এতক্ষণে মাথার বোঝাটা ফেলে সামনে এগিয়ে এল ।—কী, হয়েছে কী ? তুমি চৈচাও ক্যানে গো বাছা ?

দীহুর মেয়ে সম্মানী ছুটে এসে ভয়ানকভাবে বললে—থানায় যাব বলছে বাবা !

—যাক থানায় । থানায় কোটে লাটসাহেবের কাছে যেখানে যাবে যাক । চলে যাও তুমি । আমার বাড়িতে দাঁড়িয়ে চেলায়ো না ।

—রাস্তায় রাস্তায় চেলাতে চেলাতে যাব আমি । নালিশ করে জেলে দোব । ডাকহর-করাকে চামচিকে সরকারী চাকরে বলেছি—তাতেই আমার বাপ-সোহাগে ছেলের মেলাজ সপ্তমে চড়ে গেল । আমার গালে ঠাস করে চড় !—আচ্ছা—

বলেই সে হনহন করে বেরিয়ে যাবার জন্তু ফিরল ।

দীহু তাড়াতাড়ি এগিয়ে সামনে দাঁড়িয়ে বললে—দাঁড়াও ।

মেয়েটা ঘুরল—কী ? সেও যেন ফনা তুলে দাঁড়াল ।

—তুমি ক্যানে তা বললে ? ডাকহরকরা চামচিকে সরকারী চাকরে ?

—তোমার ছেলের আমাকে বিয়ে করবার সাধ ক্যানে ? আমি বললাম—আমাকে পুষবে ক্যামনে ? তা বলে—ডেরাইবারীর লাইসেন লেবে, মটর চালাবে । আমি বললাম—লাইসেন করতে টাকা লাগবে বেশ দরুন । ষোগাড় কর । তা বলে বাবার কাছে আদায় করব । তাতেই ঠাট্টা করে বলেছিলাম ; তা আমার গালে ঠাস করে চড় ? আমি নালিশ করব ।

দীহু বললে—নিয়ে যাও তোমার টাকা । দাঁড়াও ; এনে দিচ্ছি আমি ।

বলেই সে হনহন করে বেরিয়ে গেল বাড়ি থেকে ।

এসে হাজির হল সে গ্রামের প্রধান ব্যক্তি—তার পূর্ব মালিকের বাড়িতে । যিনি তাকে লাগিয়েছিলেন ডাকহরকরার কাজে ।

সেখানে তখন জমাট মজলিস ।

প্রধান ব্যক্তি তামাক খাচ্ছেন ; সুরেশ বাঁদুজ্জ্ব যুদ্ধের সংবাদ পড়ছে । আরও দু-

তিনজন বসে আছে।

সুরেশ বলছে—এ যা লাগল—তা বুঝাচ্ছ না তোমরা!

একজন বললে—তুমি পারছ?

—নিশ্চয়; কুকক্ষেত্র! এবার কোঁরব কুল—মানে আমাদের এঁরা—বুয়েছ—হঁ হঁ—
হিটলার ফাঁদ দেখিয়ে ছাড়বে। দেখ না কী লিখছে—বারুদ সূপে অগ্নিসংযোগ! একেবারে
বিস্ফোরণ। দেখ না কী হয়! ধাঁ ধাঁ করে চলে আসবে বাবা—কুইক মার্চ, হেঁটে নয়—
এবার যান্ত্রিক বাহিনী। গড়গড় করে।

দীহু এসে প্রণাম করে দাঁড়াল।

কর্তা বললেন—ধানের দর আজই নাকি আট আনা চড়ে গেল?

—আট আনা? দশ আনা। সাড়ে দশ আনা। লাফিয়ে লাফিয়ে চড়েছে। একজন
বললেন।

অন্যজন বললেন—যে যেমন পারছে। বুঝছেন না! কোমর বেঁধে বাঁধাই করতে লেগেছে।

দীহু বললে—বাবু!

কর্তা এবার তার দিকে তাকিয়ে বললেন—দীহু! কী রে? এমন সময়? এখন তো
মাইনের সময় নয়? গাড়ি ভাড়ার টাকা জমিয়েছিস বুঝি?

অন্য সকলকে এর পর বললেন—দীহু আমাদের ভারি সঞ্চয়ী। মাইনের টাকাটি
পোর্টোপিসে পেলেই ষাবার পথে অঙ্কেক টাকা আমার কাছে জমা দিয়ে যায়।

সুরেশ বললে—এইবার আরও জমবে। বুয়েছেন না—মজা তো চাকরদের। মাইনে
বাড়বে এবার, তার উপর যে ইনকেলাপের ঠেলা।

একজন বললে—ইনকেলাপ? যুদ্ধের সময় ট্যা ফো করলে বন্দুক চালিয়ে ঠাণ্ডা করে
দেবে! ইনকেলাপ!

কর্তা বললেন—তোমরা খাম হে। লোকটা দাঁড়িয়ে আছে—কি বলছে শুনতে দাও।

দীহু বললে—আজ্ঞে বাবু, কটা টাকার প্রয়োজন আছে। পনেরটা টাকা লোব।
ভারি দরকার।

—নিয়ে যা। সরকার, দীহুর জমা টাকা থেকে পনেরোটা টাকা দাও তো!

বাড়ি এসে টাকা পনেরোটা বাসিনীর হাতে দিলে।

বাসিনী তখন গাছতলায় বসে ছিল স্তব্ধ হয়ে। কোঁতুহলী প্রতিবেশিনী প্রতিবেশীরা
তখন অধিকাংশই চলে গেছে।

টাকাটা দিয়ে বললে—যাও!

বাসিনী টাকাটা নিয়ে একবার ঘুরে তাকিয়ে সকলকে দেখে নিয়ে তার অভ্যস্ত চলনে
হেলে-হুলে চলে গেল।

দীহু সহুকে বললে—সি কোথা? সি শুয়োয়ের বাচ্চা?

—জানি না। কোথায় গিয়েছে—আমাকে বলে গিয়েছে ?

—যা, উয়োর মজী-দিগে বল গা, ডেকে দেবে। বল গা আমি ডাকছি।

—সি আসবে যখন মন। তুমি চানটান কর ; ঠাঙামাঙা হও। মাথা গরম কোরো না—লায়েক ছেলের ওপর। উ আমার ভারি রবিমানী ?

—রবিমানী ! শুয়োরের বাচ্চা কোথাকার ! শুয়োরের বাচ্চার আবার রবিমান ! (গোয়ারতুমি) গঁরতুমি—শুয়োরের বাচ্চার থাকে গঁরতুমি ! এক নম্বরের গঁর কাঁহাকা !
 অ্যা—মেয়েটাকে চড় মেয়ে দিয়েছে ?

ছোট মেয়েটা এতক্ষণ শুনছিল কথা। সে এবার এসে বাপের কাঁধে হাত দিয়ে ডাকলে—
 —এই বাবা !

দীহু গ্রাহ না করে মতুকে বললে—ডাক ডাক, বলব না কিছু ; ডাক। শুনছিল।

মেয়েটা উস্তর না পেয়ে আবার ডাকলে—এই ! এবার হাত দিয়ে খোঁচা দিলে।

দীহু বললে—দিব্যি করে বলছি, আমি কিছু বলব না। ডাক। বাবাকে চামচিকে বলায় বেটার আগ ! বলিহারি যে বেটা শুয়োরের বাচ্চা ! ডাক। তার কণ্ঠস্বরে খুশির সুর উপচে পড়ল। মতু আশ্চর্য হয়ে বেরিয়ে গেল ঘর থেকে।

মেয়েটা এবার বিড়ালীর মতো পিঠে খামচে ফিরে ডাকলে—এই বাবা ! শুনতে পেচিস না কি ?

দীহু বললে—অ-হ-হ। খামচাম ক্যানে—? অ্যা !

মেয়েটা দ্বির দৃষ্টিতে চেয়ে রইল বাপের পানে।

দীহু বললে—তু কাঠবিড়ালি না কি ? নখের ধার দেখ !

মেয়েটা বললে—দাদাকে শুয়োরের বাচ্চা বলছিল ক্যানে ?

—বলবে না ? তোর দাদা নিশ্চয় শুয়োরের বাচ্চা !

—দাদা শুয়োরের বাচ্চা তো—তু কী ? তুই তো দাদার বাবা ?

—কী বললি ? মকোঁতুকে সবিস্ময়ে মেয়ের মুখের দিকে তাকিয়ে দীহু বললে—কি বললি ? অ্যা ! বলে হা-হা শব্দে উচ্চ হাসিতে যেন ভেঙে পড়ল।

ঠিক এই সময়টাতেই নিতাই মতু অবস্থাতেই এসে বাপের পায়ে হাত দিয়ে বার বার প্রণাম করে বললে—পেনাম, পেনাম। তুমি আমার বাবা। তোমাকে পেনাম। আর কখনও এমন কাজ করব না।

—ওঠ, ওঠ। পেনাম করতে হবে না, ওঠ।

নিতাই বললে—উ তোমাকে চামচিকে বললে ক্যানে ? আমি মেয়ে দেলাম চড়।

—আমি তার টাকা দিয়ে দিয়েছি। খুশী হয়ে দিয়েছি। কিন্তু খবরদার—আর উসব মেয়ের ছাঁ (ছারা) মাড়াবি না। ও সব মেয়ে পাপ। সাক্ষাৎ পাপ। ছুনিয়ায় সব সয়, পাপ সয় না। পাপ বাপকে ছেড়ে কথা কয় না।

—দিব্যি করছি। ভগমানের দিব্যি, মা-কালীর দিব্যি।

দীহু ছেলেকে ধরে দাওয়ার বসিয়ে প্রায় জোর করে শুইয়ে দিলে বললে—শো। এখন ঘুমো। সারা দিন ঘুমো। সতু, দে দিইনি একখানা পাখা। বলে মাথার চুলে হাত বুলিয়ে দিতে লাগল। সতু পাখা এনে দিতেই পাখা দিয়ে বাতাস করতে করতে বললে—খুব ভালো মেয়ে দেখে বিয়ে দোব তোর। লক্ষ্মীর মতো মেয়ে। মদ-টদ ছাড়। মন পাতিয়ে কাজকর্ম কর—

নিতাই বললে—কালীর দিব্যি, ভগমানের দিব্যি—

দীহু পাখাখানা রেখে দুই হাত জোড় করে প্রণাম জানালে। সন্ধানী পরিত্যক্ত পাখা-খানা নিয়ে বাতাস দিতে লাগল।

দীহু তার চিবুকে হাত দিয়ে মুখে ঠেকিয়ে কাঠবিড়ালির ডাক অনুকরণ করে ডেকে উঠল।

—চিক-চিক-চিক-চিক!

সঙ্গে-সঙ্গে মেয়ের গায়ে সন্নেহে খামচে দিলে।

মেয়েটা অভিযোগের সুরে বললে—ঐ-ই অ-মা—

দীহু বললে—হঁ—আমি এখন কাঠবিড়ালির বাবা! বড় কাঠবিড়ালি যে! বলেই আবার ডাকলে—চিক-চিক-চিক-চিক! হঁ-হঁ!

মেয়েটা বললে—যাঃ।

দীহু বললে—ভয়রের বাচ্চা আচ্ছা হয়। বদমাশ মেয়েটাকে ভাগায়া হয়। মা-কালীকে দিব্যি কিয়া হয়। জয় মা-কালী! দে সতু ত্যাল দে, চান করে আসি।

সুরে গাইতে গাইতে সে বেরিয়ে গেল—মনো চাহে যাও হে তুমি—আমি যাইব না; কেলি কদমতলায় বৃন্দে গো!

সেই রাতেই সে ডাক নিয়ে গিয়ে বোলপুরে রেল-প্লাটফর্মে মেলব্যাগগুলি নামিয়ে একটা আলোর পামের নিচে এসে বসল, ওই গানটাই গাইতে গাইতে এল গুনগুনিয়ে—

• মনো চাহে যাও হে তুমি—আমি যাইব না,

কেলি কদমতলায় বৃন্দে গো!

মানিক পেলে তুমিই নিবে আমি চাইব না—

কালো মানিক কালার—বৃন্দে ধো!

সতী অল্প রানারটি আগে থেকেই এসে বসে ছিল। আপন মনে খোলামকুচি দিয়ে দাগ টেনে ঘর আঁকছিল—সে মুখ তুলে হেসে বললে—আজ ভারি খুশী দীহু ভাই! গান গাইছ লাগছে?

—সি আমলের ভাঁজো গান মনে পড়ে যেল দাদা। ওঃ কী গানই ছেল। সেই উবেলা থেকে গো!

—তা বটে। তা হবে নাকি একদান বাঘবন্দী? ঘর আমি এঁকে একেছি।

—তা বস! তার আগে তাই একটা কথা আছে তোমার সঙ্গে কিস্তক।
 সঙ্গী খোলামকুচির গুটি সাজাতে সাজাতে বললে—বল! কথা কী বল!
 —একটি ভালো কস্তে দেখে দিতে হবে। তা—লো কস্তে। বুয়েচ। বেটাটার আমি
 বিয়ে দোব!
 —কস্তে? তা তোমার রবাব কি? মেলাই কস্তে!
 —মেলাই তো বটে। কিস্ত সো-ন্দ-র কস্তে চাই। আমার বেটার আবার নাক-খানিক
 উচু! বুয়েচ!
 —সো—ন্দো—র কস্তে! তোমার বেটার নাক-খানিক উচু! ভালো করে ভেবে
 দেখতে হয়! সো-ন্দ-র কস্তে!
 —হ্যা—উজ্জোতে নাচতে-মাচতে পারে। বেশ রহলা-কহলা—বুয়েছ মানে—চোখোল-
 মুখোল মেয়ে চাই; বেটার উচু নাকে দড়ি বেঁধে ঘুরতে পারা চাই। তা-পরেতে একটা-
 দুটো বেটাবেটি হলে তখন আমি নিশ্চিন্তি; তখন ঘোড়ার মুখে কাঁটা লাগাম!
 —হঁ। ব—সে বসে তখন মজা দেখ ক্যানে!
 দীহু বললে—শুধু মজা দেখা? তা দিগে উক্কে দিয়ে মজা দেখব! হঁ! হঁ! লাও—
 এই চাললাম আমি। আমার ছাগল! চালো।
 —এই এক কাট!

মুসাফেরখানায় তখন স্টল-ওয়াল হাঁকছে—চা গ্রোম।
 একটা ফেরিওয়াল হাঁকছে—পান বিড়ি।
 যাত্রীরা শুয়ে আছে।
 ওদিকে ঘণ্টা পড়ে গেল—চনো-চনো-চনো-চনো।
 মেলটেন আসছে।
 প্রাটফর্মের উপর ওই ঘণ্টাধ্বনির মধ্যে ইঞ্জিনের মার্চলাইট পড়েছে।
 দীহু এবং অল্প রানার দুজনেই খেলা ছেড়ে উঠে দাঁড়িয়েছে।
 অল্প রানারটি হাত তুলে আড়ামোড়া ছেড়ে বললে, উঠো মুসাফের বাঁধো গাঁঠেবি—
 চলো এখন—পাঁচ কোশ পথ ——ঝুন-ঝুন-ঝুন-ঝুন—

ঝুন-ঝুন-ঝুন-ঝুন—ঘণ্টার শব্দ তুলে দীহু ভোরবেলা এসে চুকল নবগ্রামের ভিতর।
 একটা কুকুর উঠল ঘেউ ঘেউ করে।
 দীহু বললে—বা মলো। রোজ দেখেও চেনো না? ওরে বাবা, সরকারী ডাক!
 ভাগো বেকুব কাঁহাকা!
 সামনেই একটা চায়ের দোকানের উনোনটা রাস্তার উপর ধোঁয়াছে।
 একজন পুলিশ কর্মচারী বাইসিক্র চড়ে তাকে অতিক্রম করে চলে গেল।

একটু পরেই ইস্কুল। পাশে বোডিং।
 সেখানে দুজন কনেস্টবল দাঁড়িয়ে।
 দীহু বিস্মিত হয়ে মুহূর্তের অন্তে দাঁড়াল। এত ভোরে এখানে পুলিশ! আবার চলতে লাগল।
 একটু এগিয়ে আবার পিছন ফিরে তাকাল। আবার চলল।
 পোস্টাপিসের সামনে এসে তার বিশ্বয় উঠল চরমে।
 পোস্টাপিসের সামনে কজন কনেস্টবল। কোয়ার্টারের দরজাতেও একজন।
 বারান্দায় নিত্যানন্দবাবু দুজন অফিসারের সঙ্গে কথা বলছেন।
 পিণ্ডন ভবেশ দাঁড়িয়ে আছে চূপ করে।
 সদর রাস্তায় ভয়াৰ্ত্ত মুখে ওদিকে দাঁড়িয়ে আছে স্বরেশ বাঁড়ুজ্জ।
 স্বরেশ একটু এগিয়ে এসে—মুহূর্তে বললে—অ দীহু, মাস্টারের ছেলেকে ধরতে এসেছে
 পুলিশে যে।

দীহুও মুহূর্তে সবিস্ময়ে বললে—অমরবাবুকে ?

—হ্যাঁ রে। সাংঘাতিক ছেলে। বোমা পিস্তল—স্বদেশী!

—না বাবু। মিছে কথা।

—মিছে কথা নয় রে ; নইলে সে পালাবে কেন ?

—পালিয়েছে ?

—হ্যাঁ। হ্যাঁ। পাখি যেতেই ফুরত ধা।

ওদের কথায় ছেদ পড়ল বুটের শব্দে। বুটের শব্দ উঠতেই ওরা চূপ করল। ওদের
 সামনে দিয়ে কনেস্টবলেরা চলে গেল। পিছনে অফিসারেরা।

একজন অফিসার ধমকে দাঁড়ালো।

—বোলপুর থেকে ডাক আনছ ?

—আজ্ঞে হ্যাঁ। শুককণ্ঠে দীহু উত্তর দিলে।

—মাস্টারবাবুর ছেলেকে পথে দেখেছ ? বাইসিক্লে চড়ে—

—আজ্ঞে না হুজুর।

—হঁ। যাও, ডাক নিয়ে ভেতরে যাও।

চলে গেলেন তিনি। দীহু ডাক নিয়ে ভিতরে গিয়ে বারান্দায় ডাক নামালে। মাস্টার
 তখন ঘরের ভিতর মাথা নিচু করে ঢুকছেন।

পিণ্ডন বললে—ঘরে—বাইরে আর ডাক নামাবি না।

দীহু মুহূর্তে বললে—অমরবাবুকে ওরা—

পিণ্ডন বললে—হ্যাঁ, চেষ্টা না।

বাড়ি গিয়েও দীহু চূপ করে ছিল। স্তব্ধ হয়ে।

মনটা তার খাবাপ হয়ে গেছে। অমরবাবুর মতন ছেলে—

স্বী সত্বে গোকুললিকে খাবায় দিচ্ছিল। সম্মানী একটা বাছুরকে দড়ি ধরে টানছিল।

গায়ে হাত বুলোচ্ছিল। দীর্ঘ বসতেই সম্মানী 'ছবি চিঠি ছবি চিঠি'—বলে ছুটে এসে বাপের হাত থেকে দুখানা রঙীন খাম টেনে নিয়ে স্তম্ভে বললে—কী সৌন্দর্য স্বাস, দেখ মা!

সহু মুখ ফিরিয়ে স্বামীকে এইভাবে স্তম্ভ দেখে বললে—এমন করে বসলা যি গো? কী হল?

দীর্ঘ উত্তর দিলে না।

সহু বললে—জর-টর হইছে না কি গো?

মেয়েটা বললে—এই বাবা আ কাড়্ ক্যানে! বাবা!

দীর্ঘ বললে—চ্যাচাস না রে চ্যাচাস না। পরানটো আমার ছাড়া-ছাড়া করছে। চ্যাচাস না।

ঠিক এই সময়েই বাড়ি ঢুকল নিতাই। আজ তার চেহারা দিব্য ফিটফাট। বাপকে দেখে বলে—আইচ ফিরে? কাণ্ড শুনেছ? তোমার মাস্টারবাবুর ছেলের?

—শুনেছি! তাই বলছিলাম—পরানটো আমার ছাড়া-ছাড়া করছে।

—ওই গলায়-দড়ের আমবাগানটো একেবারে তছনছ করছে পুলিশে। মাটি খুঁড়ছে। বলে বোমা-বন্দুক হুকোনো আছে।

দীর্ঘ চমকে উঠল। মনে পড়ে গেল তার আমবাগানে অমরের ঘোরাঘুরির কথা। ছেলের মুখের দিকে একেবার চকিতভাবে তাকিয়ে সে মাথা নিচু করলে।

সহু বললে—তা তু যে গেলি ঘাস কেটে আনতে, ঘাস কই?—

নিতাই বললে—উ আমি পারব না। বাবা—যে ভাগুরে গরম আর স্ফুস্ফুডি! আর জ্বোক কী? এই বড় বড়!

দীর্ঘ বললে—দে, আমার কেদে দে সহু। আর মুড়ির গামছা।

নিতাই বললে—যেতে হবে না। সি আমি বলে দিয়েছি, অতন দিয়ে খাবে।

সহু বললে—অতন দিয়ে খাবে, পয়সা লেবে না?

দীর্ঘ উঠে ঘরের মধ্যে চলে গেল। মদের ভাঁড়, কাস্তে, গামছা-বাধা মুড়ি নিয়ে বেরিয়ে এল।

নিতাই তখন বলছে—সি টাকা আমি দোব।

—তু দিবি?

—ই তো কি? দোব কি—একটো টাকা দিয়ে দিয়েছি আমি।

—টাকা তু কোথা পেলি?

—আজারা মানিক কোথা পায়?

সহু বললে—টাকা উ কার কাছে ধার করেছে। শুধোও তুমি ওকে। সেই ভোরে উঠে কোথা যেয়েছিল। যখন ফিরল তখন—ওর কোঁচড়ে টাকা ছিল।

দীর্ঘ বললে—নিতাই! শাসনের সুরেই সে বললে।

নিতাই বললে—অই, তুমি চোখ আড়াতে লাগলে দেখি। বেশ করেছি—আমি ধার

করেছি। আমি ওজকার করে শোধ দোব।

—ই। ভাঁজোর সেই মেয়েটাকে যেমন ওজকার করে দিয়েছিলি টাকা—তেমনি করে দ্বিবি!

—দোব! দোব! দোব! মটর ডেরাইবারির লাইসেন্স লি—তারপর দিই কি না দেখো। লাইসেন্স করতে আমার শ দুই-আড়াই টাকা লাগবে—তুমি দাও। দেখো আমি কত ওজকার করি!

—টাকা আমার নাই নিতাই। মটর ডেরাইবারির বাসনা তু ছাড়।

—সি আমি ছাড়ব না। টাকা তুমি দাও চাই না-ই দাও। বলতে বলতেই সে বেরিয়ে চলে গেল।

সহু ব্যাকুলভাবে ডাকলে—নেতাই! অ—নেতাই!

সম্মানী ছুটে খানিকটা গিয়ে ডাকলে—দাদা—!

দীহু সহুকে গম্ভীর স্বরে বাধা দিয়ে বললে—খবরদার ডাকবি না! খবরদার! যেখানে মন চায় থাক উ।

সহু বললে—তা উ যদি ডেরাইবার হয়—তো টাকা দাও ক্যানে তুমি। একটো ছেলে—

—একটো ছেলের জন্তে সহু—মাসে মাসে দশ টাকা বারো টাকা করে বাবুর কাছে জমিয়ে বছরে বছরে দশ কাঠা পাঁচ কাঠা করে পাঁচ বিঘের ওপর জমি করেছি। কোঠাঘর করেছি—ছেলে-বউ শোবে। ডেরাইবার হলে সে জমি আমার ঠায় শুকিয়ে পড়ে থাকবে—চাষ হবে না। লইলে বেচে খেয়ে দেবে উ। ডেরাইবার আমি দেখেছি। ওতে শুধু ধরম লয় সহু, জাতস্বদ্ধ যাবে। আর টাকাও আমার নাই। জমি কিনে পঞ্চাশ টাকা ছিল—তা থেকে পনের টাকা এনে সেই রক্মিনীকে দিয়েছি। টাকা আমার নাই। থাকলেও—

কথাটার উপরেই উঁচু গলায় কথা বলে প্রবেশ করল ভবেশ পিওন।

—দীহু, অ দীহু!

—পেওনবাব! হঠাৎ—? বাবুর ছেলে?

পিওন ভবেশ চিঠির তাড়া-হাতে ব্যাগ-কাঁধে ডাক বিলি করতে বেরিয়েছে। পথে দীহুর বাড়িতে এসেছে। বললে—সে তো পালিয়েছে। ধরা পড়ে না পড়ে, তার কপাল। এখন মুশকিল হয়েছে দীহু, মাস্টার বড় মুষড়ে গিয়েছেন।

—আহা—তা আর যাবেন না?

—আজ হাটের দিন ছিল—হাট হয় নাই। আমার বিটু আছে ভিন গায়ে। হরিহরের জর। তু বাবা তোর ঘরে লাউ-টাউ কি কুমড়ে-টুমড়ো থাকে তো নিয়ে যা। আর মাছ পো-খানেক। আর তুই বাবা আজ ওখানেই থাকিস। বুকেছিস? সুরেশ বাঁদুজ্ঞে আছে, তুইও থাকিস।

—আজ্ঞে বেশ! এখুনি চললম আমি

দীক্ষু পোস্টাপিসে এল একটি লাউ, কিছু বেগুন, কিছু লাউয়ের শাক এবং মাছের খাড়ুই হাতে করে। বেলা প্রায় বারোটা।

বাইয়ের বারান্দায় নিত্যানন্দবাবু এবং স্বরেশ বসে আছে। স্বরেশের হাতে কাগজ।

মাস্টার বলছেন—ও ছেলের আশা আমি ছেড়ে দিয়েছি, বুঝেছেন বাঁদুজ্ঞে।

স্বরেশ বললে—না—না—। ও কী বলছেন? এখন তো এসব ঘরে-ঘরে গো। রায়বাহাদুরের ছেলে বন্দেমাতুরম্ বলে চৌচিয়ে গলা কাটাচ্ছে! পালিয়েছে, আবার দু দিন পরে ফিরবে। তখন ধরে-পড়ে—

—উহঁ! এ-ছেলেদের জাত আলাদা বাঁদুজ্ঞে। আমার ছেলে বলে বলছি না—

ঠিক এই মুহূর্তেই দীক্ষু জিনিসগুলি নিয়ে দাঁড়াল।

মাস্টার কথায় ছেদ টেনে বললেন—এ-সব আবার কী আনলি রে? ভবেশ বলে গেল বুঝি? কেন আনলি বাবা? দরকার ছিল না। কে রাঁধবে বল? আমার আর খেতে ইচ্ছে নাই।

বাঁদুজ্ঞে বললে—আমি রাঁধব মাস্টার, আমি রাঁধব। ষা—ষা দীক্ষু, বাগার ভেতর রাখ গিয়ে। আর উনোন-টুনোনগুলো দে দেখি ঠিক করে। বেটারা উনোনস্থক খুঁড়ে দিয়ে গিয়েছে।

দীক্ষু চলে যাচ্ছিল।

মাস্টার পুরানো কথার জের টেনে বললেন—ও-ছেলে গুলি খেয়ে মরবে, নয় কাউকে গুলি করে ফাঁসিকাঠে ঝুলবে, নয়তো বামা-টোমা করতে গিয়ে নিজের হাতে মরবে। নয়তো—

একটু থেকে বললেন—ধরা পড়ে ভাকাতি ষড়যন্ত্র রাজদ্রোহ অপরাধে আন্দামান যাবে। মরবার সময় ছেলের হাতের অলও আমি পাব না বাঁদুজ্ঞে, আগুনও না!

খেতে বসে মাস্টার সেই কথার জের টেনে বললেন—বুঝেছ বাঁদুজ্ঞে, সংসারে যে-জিনিসের যে-অঙ্কের যত মূল্য তারই যত্নশী তত বেশী।

বাইরে থেকে ডাক শোনা গেল—মাস্টারবাবু! মাস্টারবাবু!

মাস্টার বললেন—দেখ তো দীক্ষু, কে? বল আমি আসছি।

দীক্ষু বারান্দার একপাশে বসে ছিল চুপ করে। শুনছিল কথা। বাঁদুজ্ঞে মাস্টারকে পরিবেশন করে খাওয়াচ্ছিল। তরকারির থালা এবং একখানা হাতা হাতে সামনে বসে ছিল। উঠানে একটা কুকুর বসে ছিল উচ্ছিষ্টের আশায়। দুটো কাক বসে ছিল অদূরে।

দীক্ষু উঠে চলে গেল।

বাঁদুজ্ঞে বললে—আর একখানা মাছ দিই। ওই ভাত কটা ভাঙুন।

মাস্টার বললে—গলা দিয়ে যাচ্ছে না বাঁদুজ্ঞে! বলেই পাতের মাছখানা কুকুরটার দিকে ছুঁড়ে দিলেন। বললেন—নে, খা।

দীক্ষু ফিরে এসে বললে—কজনাই দাঁড়িয়ে আছে, মনিঅটার করবে। ধানের মহাজন

লন্দী মশায় হুঙ্ অয়েচেন । ভেনার আবার ইনসিওর আছে ।

মাস্টার উঠে পড়লেন ।

বাড়ুঙ্কে ই-ই করে উঠল ।—উঠবেন না । অফল—অফল দিই ।

মাস্টার উঠে বললেন—লোকের কাজ আমার দুঃখু মানবে না বাড়ুঙ্কে । তার ওপর ছেলেটা যা করে গেল—তাতে সামান্ত খোঁচাতেই আমার চাকরি চলে যাবে ভাই !

আঁচাতে আঁচাতে বললেন—তুই ঘেন ভাত নিয়ে যাস দীহু । আর সকাল সকাল আসিস বাবা । ভবেশ কখন ফিরবে, কে জানে, হরিহরের জর । ডাক বাঁধা—চালান—সব আজ আমার এক হাতে !

গামছায় ভাতের খালা বেঁধে নিয়ে দীহু মাস্টারের বাসা থেকে বেরিয়ে এল । তখন পোস্টাপিসের বারান্দায় পাঁচ-সাত জন লোক জমে রয়েছে ।

কেউ মনিঅর্ডার করছে । কেউ করবে রেজেষ্ট্রি ।

ঘরের ভিতর মাস্টার টাকা বাজাচ্ছেন । মনিঅর্ডারের টাকা বাজিয়ে নিচ্ছেন । শব্দ উঠছে ।

ওদের মধ্যেই রয়েছে চাল-ধানের মহাজন নন্দী মশায় ।

তিনি একথানা ইনসিওর-করা থামের শীলমোহর ভালো করে দেখছেন ।

ওদিকে বাজারের মধ্যে কোথাও হচ্ছে বাউলের গান । গানটি শোনা যাচ্ছে, বাউলকে দেখা যাচ্ছে না ।

বাউল গাইছে :

“মনরে আমার হায় সুনলি না বারণ ।

সোনার হরিণ ধরতে গেলি—ঘরে হল সীতা হরণ

হায় সুনলি না বারণ ।

জীবন-স্বতোয় বুনিস যে ফাঁদ সেই ফাঁদতেই হয় মরণ ।

আপন রসের স্বতোয় বোনা ফাঁদেই হয় মরণ ।”

সেই মুহূর্তে উঠল আর-একটা শব্দ । আকাশে এরোপ্লেনের শব্দ ।

শশবে একথানা প্লেন উড়ে গেল ।

দীহু সবিস্ময়ে আকাশের দিকে তাকিয়ে রইল ।

সদর রাস্তা ধরে সজোরে ভাঙা সাইকেল চালিয়ে চলে গেল নিতাই ।

সে আশ্চর্য করতে করতেই গেল—চল—তু কত জোর যাবি । চ—ল ।

দীহু ডাকলে—অই—অই—নেতাই ! অই !

নিতাই তখন বেবিয়ে চলে গেছে ।

বাড়িতে এসে দীহু স্ত্রীকে বললে—নেতাই এলে বলিস, জমিতে জল আছে কিনা দেখতে । বাবু আমার সাইকেল চড়ে উড়োজাহাজের সঙ্গে পাল্লা দিয়ে ছুটছে !

সহু বললে—উড়োজাহাজের সঙ্গে পাল্লা ?

—হ্যাঁ। সি একেবারে বোঁ বোঁ করে চক্ষের নিমেষে চলে গেল।

সহু বললে—উড়োজাহাজের সঙ্গে পাল্লা দিয়ে? এখুনি বিটোঁ খেল।

—হ্যাঁ—হ্যাঁ।

—হেই মা গো!

—ভাকে তু বলিস,—জমির জল না দেখে এমন করে সাইকেল হাঁকিয়ে বেড়ালে আমার সঙ্গে ভালো হবে না—বলে দেলাম।

—সি উ সব দেখতে পারবে না, সে তুমি আগই আর ওষই! সি চাকরি পেয়েছে।

—চাকরি?

—হ্যাঁ, ওই মহাজনদের গদিত্তে-মদিত্তে না কোথা বটে বাপু। তাগিদে-টাগিদে ফরমাশ-টরমাশ করবে—মাসে বারো টাকা মাইনে।

—বারো টাকা মাইনে? মাসে যি তার মদ লাগে দশ টাকা। দু টাকাত্তে প্যাটের ভাত, চুলের ত্যাল, ওই বাহিরে গোঞ্জ-ফেরাক—হু টাকায় হবে? বলে দিস—আমি আর একটি পয়সাও দোব না, খেতে দিত্তেও লারব।

বলেই সে চলে গেল তার বস্ত্রম পেটি নিয়ে, জামাটা কাঁধে ফেলে।

তখন সূর্য পাটে বসেছে।

নিজ্জদের পাড়ার প্রান্তে বেনেপুকুরের পাড়ের উপর দিয়়ে ষে-পথটা সেই পথ দিয়়ে চলছিল। পূর্ব পাড়ে উঠলেই পশ্চিম পাড়ের ওপারে অব্যরিত মাঠ। পশ্চিম দিগন্তে সূর্য তখন অস্তোন্মুখ। লাল আলো পড়েছে মাঠে। মাঠের পথ ধরে আলোর পটভূমিকে পিছনে রেখে বাউল চলেছে তার হাতের একতারা বাজিয়ে আপন মনেই ওই গানটার শেষ লাইন গাইতে গাইতে—

রসের স্ততোর ফাঁদ পাতিলি—

নিজ্জেই নিজ্জে ধরা দিলি—

ও তোর রসের নাচন কোদন—শেষ হল হায় কাঁদন।

ও মন সুনলি না ব্যরণ।

এখন ফাঁদ কেটে হ প্রজাপতি নইলে তো আর নাই বাঁচন।

কাঁদিস না মন অকারণ।

দীহু দাঁড়িয়ে সুনলে। বাউল দূরে চলে গিয়ে আমবাগানের মধ্যে অদৃশ্য হয়ে গেল।

সূর্য তখন সম্পূর্ণ ডুবে গেছে। পাখি কলরব করে উঠল।

সূর্য ডোবে, আবায় ওঠে।

সূর্য উঠছে। পাখি কলরব করছে।

দীহু ভাক নিয়ে পোস্টা পিস কম্পাউণ্ডে ঢোকে।

কম্পাউণ্ডের ফুলগাছে ফুল ফুটেছে। প্রজাপতি উড়ে বেড়াচ্ছে। ফুলে বসে মধু খাচ্ছে।

ভবেশ পিওন ভিতর থেকে দরজা খুললে ।
 স্বরেশ বাঁড়ুজ্জ এল বাইরে থেকে । আরও দু-একজন ডাক দেখার লোক এল ।
 সাইকেল চড়ে এল নিতাই । দীহু তখন ভিতরে ।
 নিতাই নেমেই দরজার মুখে এসে দাঁড়াল— ।
 নিতাই ? কী রে ? বাড়ির সব—
 নিতাই বললে—ভালো আছে । আমি পেওনবাবুকে ডাকছি । ওই লতুন মাড়োয়ারী
 বাবুর এনসেয়োর আছে কিনা শুধোব, বাবু পাঠালে ।
 দীহু সঙ্গে সঙ্গে পিছন ফিরলে ।
 ঘরের ভিতর পিওন ভবেশ তখন ডাক কাটছে ।
 মাস্টার নিত্যানন্দবাবু বাসার ভিতর থেকে ঘরে ঢুকছেন ।
 দীহু বললে—একটুকুন তাড়াতাড়ি করেন বাবু । আমাকে মাঠে যেতে হবে । আউশ-
 ধান খোড়ের সময়, জল না থাকলে সর্বনাশ হবে ।

দীহু মাঠের মধ্যে ঘুরে বেড়ায় কোদাল হাতে—আলের উপর পড়ে রয়েছে ঘাসের
 বোঝা—আর গুনগুন করে—আহা—

বসের স্তরের ফাঁদ পাতালি

নিজেই নিজে ধরা দিলি—

হায়—হায় তাই বটে । বলে একটা জল বের হওয়া গর্তে দু কোদাল মাটি কেটে দিয়ে
 পা দিয়ে চেপে দিতে লাগল । আর বলতে লাগল—কাঁকড়ির জ্বালাতে অস্থির রে বাবা !
 অ্যাঁই—অ্যাঁই—অ্যাঁই ! লাথির সঙ্গে সঙ্গে অ্যাঁই—অ্যাঁই শব্দগুলি তার মুখ থেকে বের
 হল তালে তালে ।

আকাশে ছায়া নেমে এল । সেখানে মেঘ জমেছে ।

মাঠ থেকে ফেরার পথে—বেনেপুকুরের পাড়ে গাছতলায় একটি মেয়ে বসে ছিল—,
 ঘাসের বোঝা মাথায় দীহু তাকে দেখে চমকে উঠল । এ যে সে—সেই রাকিনী বাসিনী !

মেয়েটা গাছে ঠেস দিয়ে বসে বাঁ হাতে কপালের একগুচ্ছ চুল হাতে নিয়ে পাক দিচ্ছে ;
 চোখের দৃষ্টি তার সেই চুলের গুচ্ছটির দিকে ; এবং মুহু মুহু হাসছে ।

দীহু হনহন করে চলতে শুরু করলে । রান হয়ে গেছে দিনের আলো । আকাশে
 মেঘ ঘন হয়েছে ।

বিহ্ব্যং চমকে উঠল । মুহু গর্জন হল মেঘের ।

বাড়িতে এসে কোদালখানা রেখে ঘাসের বোঝাটা শশঙ্কে ফেলে চারিদিকে তাকিয়ে
 দেখলে যদি নিতাইকে দেখতে পায় ।

মেঘাচ্ছন্নতার মধ্যে সড় সেদিন উঠানে বসে কাটারি দিয়ে একটা শুকনো ডালকে কেটে

জালানী তৈরি করছিল।

সন্ধানী কোমরে হাত দিয়ে নেচে গাইছিল—নিত্য নতুন ফোটে শালুক,—বালি ঝরে গেলে হে!

দীহু এসে তার কাঁধ ধরে ঝাঁকি দিয়ে বললে—কেটে কেটে ফেলাব।

মেয়েটা ভ্যা করে কেঁদে ফেললে।

সহু অবাক হয়ে তার দিকে চেয়ে রইল। তারপর বললে—ওই, তুমি স্ক্যাপলা না কি?

—হ্যাঁ আমি কেঁপেছি। সি কোথা?

—ক্যা?

—তোর বেটা?

বলেই হনহন করে বেরিয়ে গেল।

সে গেল মাড়োয়ারীর গদীতে।

লোকজন, ধানবোঝাই গাড়িতে চারিদিক ভিতি। ঢালা ধান পড়ে আছে, চারিদিকে লোকজন ব্যস্ত হয়ে ধান ঢাকছে তালপাতার চাটাই দিয়ে। বৃষ্টি আসবে।

বারান্দায় গদীতে বসে আছে মাড়োয়ারী। পাশে কর্মচারী লিখেছে।

মাড়োয়ারী ইন্সিগুর-খামে শীল করছে।

দীহু এসে ডাকলে—নেতাই?

ঐকজন কুলীকে জিজ্ঞাসা করলে—নিতাই! নিতাই কোথা মলৌদ?

—নেতাই? সি আজ ছুটি নিয়ে যেল ষি! এই তো যেল। (বলেই হাসলে)

—তু হাসলি ক্যানে মলৌদ?

—হাসলাম এমনি। তবে তাকে খুঁজো না। পাবে না।

—পাবো না?

—হ্যাঁ। তাই সে বলে যেল আমাদের।

—হঁ! আবার দীহু হনহন করে চলল।

এল সেই পুকুরপাড়ে গাছতলায়।

কিছু কোথায় বাসিনী? কোথায় নেতাই?

চারদিকে চেয়ে দেখলে সে। কই?

হঠাৎ খিলাখিল হাসির শব্দে সে চমকে উঠল—সে হাসি বাসিনীর।

খানিকটা দূরে আর একটা ছায়াঘন গাছতলা। সেই গাছতলা থেকে বাসিনী হাসতে হাসতে ছুটে বেরিয়ে এল। তার পিছনে পিছনে তাকে ধরতে ছুটে এল নিতাই।

দীহু উচ্চ কণ্ঠে ডাক দিয়ে উঠল—নেতাই!

নেতাই খমকে দাঁড়াল। পিছন ফিরে তাকাল।

দীহু আবার ডাকলে—নেতাই !

এবার ওদিক থেকে ছুটে এসে বাসিনী নিতাইয়ের হাত ধরে টানলে, বললে—খোৎ—
এস ।

দীহু চিংকার করে উঠল—আজ থেকে আমি জানব আমি নিব্বংশ, জানব তু ময়েছিস !
বলেই সে পিছন ফিরল—পিছনে ভেসে এল বাসিনীর খিলখিল হাসি ।

ইতিমধ্যে নামল বর্ষণ । পুকুরের জলে চড়বড় শব্দে জলের ধারা পড়তে লাগল ।
বাড়ি এসে দাঁড়ায় বসল কয়েক মুহূর্তের জন্ত । বর্ষণ হচ্ছে । তার সর্বাঙ্গ ভিজে গেছে ।
মেয়েটা বললে—বাবা !

দীহু বললে—খেলা করগা যা । জ্বালাস না ।
বলেই সে উঠল । কণ্ঠস্বরে তার একসঙ্গে ফোভ এবং হতাশার স্বর ।
সহ সন্তয়ে বললে—কোথা যাবা ?
দীহু উত্তর দিলে না । সেই বর্ষণের মধ্যেই চলে গেল ।

মালিকের বাড়িতে এল সে । তখনও রিমিঝিমি বর্ষণ হচ্ছে ।
মালিক তখন একলা বসে আছেন । সামনে কাগজ পড়ে আছে ।
কাগজের হেড লাইনে লেখা—“ধানার মালখানা ভাঙিয়া বন্দুক লুট ।”
দীহু মালিকের পায়ে ধরে বললে—জমি আমার চাই না বাবু, জমির সাধ আমার মিটেছে ।
জমি নিয়ে আমাকে টাকা ছান । তিন শো টাকা !

—জমি বেচে দিবি ?
—ছেলে মটর চালাবার লাইসেন করবে । কোম্পানীকে লাগবে । ফি লাগবে ।
—বেশ—তাই নিস । যা জমা করেছিলি তাই নিস, জমি আমি নেব ।

বাড়ি এসে সহুকে বললে—তাকে বলিস, লাইসেনের টাকা আমি দোব । কিন্তু
বাসিনীকে ছাড়তে হবে । বলিস, লইলে আমি গলায় দড়ি দিয়ে ঝুলব । বুঝেছিস, বলিস !
আকাশ তখনও মেঘাচ্ছন্ন । মধ্যে মধ্যে বিদ্যুৎ চমকচ্ছে । মুহূ মেঘগর্জন হচ্ছে ।
তার সঙ্গে নেমে আসছে সন্ধ্যার অন্ধকার ।

সেই অন্ধকারের মধ্যে চলে দীহু ডাক নিয়ে ।
অন্ধকারের মধ্যে চলে শুধু লণ্ঠন ।
আর ঝুনঝুন শব্দ । মধ্যে মধ্যে বিদ্যুৎ চমকায় । সেই আলোতে চলন্ত দীহুর পিছনটা
দেখা যায় ।

ক্রমে আরম্ভ হয় বন । সঙ্গে সঙ্গে প্রথম আরম্ভের দৃশ্যটি ফুটে ওঠে ।
ভাস্কারের গাড়ি চলে যায় ।

অঙ্ককারের মধ্যে ঘন অঙ্ককারে গড়া মূর্তির মতো একটা মূর্তি পাশ থেকে এসে দীক্ষুর সামনে দাঁড়াল।

মাথায় পাগড়ি, মুখে ফেটা বাঁধা। সে এক-দুর্বোধ্য মূর্তির মতো। হাতের একটা লোহার ডাঙা উত্তত করে—চাপা গলায় বললে—রোথকে।

দীক্ষু চিংকার করে উঠল—থবরদার—।

সে বললটাকে কাঁধ থেকে নামিয়ে ধরে দাঁড়াতে চেষ্টা করলে।

হাসপাতালে বিছানায় শায়িত বিহ্বল দীক্ষুকে নাড়া দিয়ে নার্স বললে—

—কী হয়েছে? কী হয়েছে তোমার?

দীক্ষু আবার বললে, সরকার বাহাদুরের ডাক!

নার্স দিলে মুখে-চোখে জলের ছিটে।

দীক্ষুর সন্ধিৎ ফিবল—সে বললে—অ্যা? অ্যা!

—কী হল? চিংকার করছিলে কেন?

দীক্ষু বললে—না। চিংকার করি নাই। ওই কথাগুলো মনে করছেলাম—তাই—

অপ্রতিভের মতো হাসলে।

বুটের শব্দ তুলে প্রবেশ করলেন—এস-পি। ইনস্পেক্টর। কনেস্টবল।

চুকবার মুখেই এস পি কথা-কটি শুনেছিলেন। তিনি বললেন—মনে করতে চেষ্টা করছিলে? Good! তোমার সাহস আছে। একটু চেষ্টা করলেই মনে পড়বে সব।

তারপর চারিদিকে চেয়ে দেখে বললেন—জানলাটা খুলে দাও তো। অঙ্ককার হয়ে গেছে বড্ড।

কনেস্টবল জানালা খুলে দিতেই আলো হয়ে উঠল ঘর।

দীক্ষু চমকে উঠল। সাহেবকে বললে—সেলাম হুজুর!

নঙ্ করে সাহেব বললেন—এখুনি তুমি বলছিলে মনে করছিলে সব—মনে পড়েছে?

—আজ্ঞে হ্যাঁ। অভিজ্ঞতের মতো সে বললে।

—কী হয়েছিল? ডাক্তারবাবু বলেছিলেন কয়েক মিনিটের ব্যাপার—

—আজ্ঞে হ্যাঁ।

—কী হয়েছিল? কোথা থেকে এস তারা? ডাক্তারের গাড়ির আলোতে রাস্তার উপর কাউকে দেখতে পাও নি?

—আজ্ঞে না।

—তা হলে বনের ভিতর থেকে এসেছিল?

—আজ্ঞে হ্যাঁ। ওই বটতলার ওইখানে—

—হঁ। হুঁ দীপুরের বটতলা!

—আজ্ঞে হ্যাঁ।

—কত জন ? ক-জন ছিল তারা ? ডাক্তার বলছিলেন, একজনকে তিনি দেখতে পেয়েছিলেন—

—আজ্ঞে হ্যাঁ ।

—আজ্ঞে হ্যাঁ কী ? ক-জন ছিল ?

—আজ্ঞে ?

—ক-জন ছিল—মনে করে দেখ ।

—আজ্ঞে অঙ্ককার, সি লাফ দিয়ে এসে ছামুনে—

—কে সে ?

—আমি হাঁকিয়ে উঠলাম খবরদার বলে—

সে শুরু হয়ে গেল । চোখ দিয়ে গড়িয়ে এল দুটি জলের ধারা—

—কৈদো না, কৈদো না, কান্নার কিছু নাই । নিজে বেঁচেছ, ডাক বাঁচিয়েছ । সাহসী লোক তুমি, কৈদো না ।

দীহু ভাড়াভাড়ি চোখ মুছে বললে—আজ্ঞে না ।

—এখন বল, সে লোকটা কে ? অঙ্ককার হলেও খানিকটা নিশ্চয় চেনা যায় ।

দীহু শুরু হয়ে উপরের দিকে তাকিয়ে রইল ।

—বল । দীহু ! ধমকের সুরে ডাকলেন এস-পি ।

দীহু চমকে উঠল ।

—বল ।, তুমি তাকে চেন । চিনতে পেরেছ ! অঙ্ককারেও তুমি তাকে চিনেছ । বল ।

তার খুব কাছে এসে বললেন—পোস্টমাস্টারের ছেলে ?

দীহু চমকে বলে উঠল—হুজুর—

—তার হাতে যেটা ছিল—সেটা লোহার ডাণ্ডা নয়, রিভলভার পিস্তল । তারই নলটা তোমার ডাণ্ডার মতো মনে হয়েছে !

দীহু কৈদে উঠল—আজ্ঞে না । আজ্ঞে না । আজ্ঞে না হুজুর ।

—তবে কে বল । অঙ্ককার হলেও তুমি তাকে চিনেছ—

—সি—সি—হুজুর—সি—।

তার মনস্কন্দের সামনে আবার ভেসে উঠল—

অঙ্ককার বনভূমে কঠিন সংগ্রামের ছবি ।

সে বলম খুলতে চেষ্টা করছে । বলছে—সরকার বাহাদুরের ডাক—। ক্রুদ্ধ তার কণ্ঠস্বর ।

আক্রমণকারী আবার চাপা গলায় বললে—মাড়োয়ারীর দু-হাজার টাকার ইনসেণ্ডর আছে । আমি লোব—।

—কে ? দীহুর কণ্ঠস্বর যেন বসে গেল ।

উত্তর হল—আমি ! দাও !

—না—না—না। চিৎকার করে উঠল।

এবং সঙ্গে সঙ্গে উপুড় হয়ে পড়ল ডাকের উপর। আক্রমণকারী ঝাঁপিয়ে পড়ে ডাকের ব্যাগ টেনে ছিনিয়ে নিতে চেষ্টা করলে।

আবার সে চিৎকার করে উঠল, আরও জোরে—না—!

ওদিক থেকে এসে পড়ল মোটরের হেডলাইট।

পড়ল আক্রমণকারীর পিছন দিকে। বটের ঝুলে পড়া ডালের ছায়া পড়ল তার উপর। সে হাতের ডাঙাটা তুললে হিংস্র আক্রোশে। পড়ল সে ডাঙা। মোটরের আলো এগিয়ে এল। আক্রমণকারী ঝাঁপ দিয়ে পড়ল বনের মধ্যে।

দীহু একটা চিৎকার করলে—ন-আ-আ—।

ওই চিৎকারের সঙ্গে স্বর রেখেই—এস-পি বললেন—না! তুমি মাস্টারের ছেলেকে বাঁচাতে চেষ্টা করছ। বল—সে মাস্টারের ছেলে!

—না। না।

—হ্যাঁ। আমরা তার প্রমাণ পেয়েছি।

—না হুজুর—মিছে আমি বলতে পারব না—সে—সে আমার—আমার ছেলে!

—তোমার ছেলে—?

দীহুর মনশ্চকুর সম্মুখে নিতাইয়ের ফেটা ও পাগড়ি-বাঁধা মুখ ভেসে বড় হয়ে স্পষ্ট হয়ে উঠল যেন।

সেই দিকে তাকিয়ে দীহু বললে—সে নেতাই!

চারিদিকে বেজে উঠল মেঘের গর্জন।

দ্বিতীয় পর্ব

-ঘরের ভিতরটা দীহু ওই কথাটি বলার সঙ্গে সঙ্গে প্রথম বিদ্যুতালোকের ঝলকে ভরে গেল।

মেঘের গম্ভীর গর্জনে সব যেন ধরধর করে কেঁপে উঠল।

ঘরের জানালাগুলি ঝড়ের বেগে আছাড় খেয়ে বন্ধ হয়ে গেল। আলোয় ভরা ঘরখানা অন্ধকার হয়ে গেল। আই-বি ইনস্পেক্টর এবং কনস্টবল প্রায় ছুটে গিয়ে জানালা দরজা বন্ধ করে দিলে।

এস-পি দীর্ঘ এবং ব্যস্ত পদক্ষেপে বের হয়ে গেলেন।

বারান্দা অভিক্রম করে চললেন তিনি। বাইরে মেঘাচ্ছন্ন দুর্ধোগময়ী প্রকৃতির অন্তরালে সূর্যাস্তের পরের অন্ধকার নামছে। বাইরে দীহুর চিৎকারে কয়েকজন নাগ কম্পাউণ্ডার বেরিয়ে এসে বিস্মিত দৃষ্টিতে ঘরটার দিকে চেয়ে রয়েছে।

দুজন নার্স পরস্পরের দিকে বিস্ফারিত দৃষ্টিতে চেয়ে ছিল।

এস-পি চলে যেতেই একজন বললে—ডাকাত ওর ছেলে ?

—হ্যাঁ।

—স্বীকার করলে ?

—চুপ !

কারণ এবার ঘর থেকে বের হয়ে এলেন ইনস্পেক্টর।

ইনস্পেক্টর চলে যেতেই প্রথম মেয়েটি বললে—এরা সন্দেহ করেছিল রেভুলুশনারীদের কাণ্ড বলে। তা, ও বললে, না, সে আমার ছেলে !

অপর মেয়েটি বললে—মা গো !

ওদিকে বৃষ্টি নামল।

এস-পি হাসপাতালের এদিকের বারান্দা থেকে অপর দিকে এসে দাঁড়ালেন। সেখানে দাঁড়িয়েছিল পোশাকপরা সদাপ্রস্তুত অফিসার ক-জন।

বললেন—আপনি নবগ্রামে চলে যান। অ্যারেস্ট নিতাই দাস—দীর্ঘর ছেলে। Start immediately. It is already late—

বর্ষণ-মুখর মেঘাচ্ছন্ন সন্ধ্যার অন্ধকারের মধ্যে সামনের বাস্তায় আলো জ্বলে উঠল। বিদ্যুৎ চমকাল, মেঘ ডাকল।

এই বর্ষণমুখরতার মধ্যে দাঁওয়ার উপর একটি হ্যারিকেন জ্বলে উদাস নেত্রে দেওয়ালে ঠেস দিয়ে বসে আছে সহ। তার চোখের কোণ থেকে ঝরে-পড়া ছুটি জলের ধারার উপর আলোর ছটা পড়ে চিক্চিক্ করছে।

বাইরে থেকে কেউ ডাকলে—নিতাই ! নিতাই !

সহ উঠে দাঁড়াল—কে গো !

—আমি। পিওন।

ভবেশ এসে দাঁড়াল—মাথায় ছাতা, হাতে লঠন।

—কী বাবু ? সি কেমন আছে ? খবর কিছু আর আইচে ?

—এসেছে খবর। ভালো আছে। জ্ঞান হয়েছে। নিতাইকে দেখতে চেয়েছে। আমাদের সাথেব বোলপুরে তার করেছেন। নিতাইকে পাঠাতে বলেছেন। কাল সকালেই যেতে হবে। সে কোথা ?

—সে তো বাড়িতে নেই বাবু ! সেই কাল দোপর বেলাতে কোথা চলে যেয়েচে। আজও তো ফেরে নাই।

তখন সেই দীর্ঘর ডাকবওয়া পথ ধরে—বনের মধ্য দিয়ে চলে আসছে পুলিশের গাড়ি। গাড়িতে কনেষ্টবল বোঝাই। সামনে ড্রাইভারের পাশে দুজন অফিসার। হেডলাইটের

আলো অঙ্কারকে ভেদ করে সন্ধানী দৃষ্টি হেনে চলে আসছে। অক্ষিসাররা স্তব্ধ, তাদেরও স্থির দৃষ্টি সামনের আলোর দিকে নিবদ্ধ।

একটা রেল-স্টেশনে—ট্রেনের শেডের নিচে একেবারে একপ্রান্তে একটি লোহার খামের গায়ে ঠেস দিয়ে দাঁড়িয়ে এক মূর্তি। মাথা থেকে কোমর পর্যন্ত একখানা কাপড় শীতের দিনের ব্যাপারের মতো ঢাকা। খানিকটা পিছনে শেডের মাঝখানে ছোট একটি স্টলে ক জন লোক চা খাচ্ছে, বিড়ি টানছে। পিছনে অনেক দূরে ট্রেনের সার্চলাইট।

স্টেশনটির নাম রাজবাঁধ। প্ল্যাটফর্মের গায়ে কাগজে নামটা ফুটে রয়েছে।

ট্রেন এসে দাঁড়াল। স্বল্প কয়েকজন লোকের সঙ্গে লোকটিও এগিয়ে এল।

সার্চলাইটের আলোয় এবার চেনা গেল লোকটি নিতাই। সার্চলাইট সমেত ইঞ্জিন আগে চলে যেতেই সে এগিয়ে এল ট্রেনের দিকে। পিছনে প্ল্যাটফর্ম যেখানে অঙ্কার সেই দিকে। অঙ্কারের মধ্যেই সে উঠল ট্রেনে।

ট্রেনের গার্ড বাঁশি বাজাল।

ট্রেন ছইসিল দিল।

এদিকে হাসপাতালে গভীর রাত্রে স্তব্ধ দীহু নিম্পলক দৃষ্টিতে ছাদের দিকে চেয়ে শুয়ে রয়েছে।

বাইরে বর্ষার ব্যাঙের ডাক উঠছে। ঘরে আলোর চারিদিকে পোকা উড়ছে। দরজার গোড়ায় টুলের উপর একজন কনস্টবল ঠেস দিয়ে ঘুমুচ্ছে।

একজন নার্স বারান্দার ওপাশ থেকে জুতোর একটি একক শব্দ তুলে এসে ঘরে ঢুকল।

এসে দাঁড়াল—দীহুর পাশে।

দীহু তবু তেমনি স্থির, সেই নিম্পলক দৃষ্টি এতটুকু ফিরল না। সে যেন পাথর হয়ে গেছে।

নার্স সবিস্ময়ে প্রশ্ন করলে—এ কী? তুমি—তুমি ঘুমোও নি?

দীহুর কণ্ঠস্বর থেকে বের হয়ে এল—উ—হু।

—ঘুমের ওষুদ দিলাম—তবু ঘুম আসছে না?

—উহু।

নার্স একটু জল ভিজিয়ে তুলে দিয়ে কপালটা ভিজিয়ে দিলে; মাথায় একটু দিয়ে দিলে। তারপর বললে—একটু জল খাও।

—উ—হু।

—তা হলে চোখ বোজো, ঘুমতে চেষ্টা কর। চোখ বন্ধ কর।

দীহু চোখ বন্ধ করলে।

নার্স চলে গেল। পাখাটা বাড়িয়ে দিয়ে গেল।

দীহুর চোখ আবার খুলে গেল। এবার নিঃশব্দে জলের দুটি খারা গড়িয়ে এল চোখ থেকে।

দূরে কোথায় ঘড়িতে টাওয়ার ক্লকে - চং চং চং শব্দে তিনটে বেজে গেল। একটা কুকুর ডেকে উঠল কোথায়। একটা প্যাচা ডাকল। খানিকক্ষণ ঝিঝির শব্দ হল। সাপে ব্যাঙ ধরার শব্দ উঠতে লাগল। তার মধ্যেই ওই ব্যাঙের ক্লাস্ত কাতর শব্দই রূপান্তরিত হয়ে বাজল চং চং চং চং—অর্থাৎ চারটে। বাইরে আকাশ ফরসা।

সকাল হলো। ভোর বেলা—

দীঘল বাড়িতে তখন পুলিশ এসেছে। ঘিরেছে। দূরে দূরে পাড়ার লোকেরা দাঁড়িয়ে আছে। উকি মারছে।

সহু পাথরের মতো দাঁড়িয়ে আছে দাওয়ান। একজন দারোগা প্রশ্ন করলেন—নিতাই সেই পবিত্র বেরিয়ে আর ফেরে নি ?

সহু ঘাড় নেড়ে মুহূর্তে বললে—না মশায়।

—কোথায় গিয়েছে ? বল।

—জানি না মশায়।

—কে জানে ? তোমার স্বামী ?

—আজ্ঞে না। সেও জানে না। উ বাসিনী বলে একটা মেয়ের সঙ্গে কোথা যেয়েছে।

—বাসিনী !

—আজ্ঞে হ্যাঁ।

—কে বাসিনী ?

—জানি না মশায়। শহর থেকে নেতাই তাকে ভাঁজো নাচতে এনেছিল। তার লেগে গরু বাবার সঁতে ঝগড়া; আমি কত বলেছি—তা সি শোনে না। তার বাবা সি দিন মেয়েটার সঁতে দেখে তাকে বলেছিল—আজ থেকে আমি জানব আমি লিব্বংশ। তবু মানে নাই—সেই মেয়েটার সঁতেই চলে যেয়েছে।

—হঁ !

ওদিকে ঘরের ভিতর থেকে বেরিয়ে এলেন আর একজন অফিসার। বললেন—নাথিং ফাউণ্ড। নো ট্রেন। চল।

ওদিকে নিতাই চলেছে সেই ট্রেনে।

গ্র্যাণ্ড কর্ড লাইনের একটা ট্রেন। হঠাৎ ট্রেনটা সিগন্যাল না পেরে ডিস্ট্যান্ট সিগন্যালের বাইরে দাঁড়িয়ে গেল।

প্যাসেঞ্জাররা মুখ বের করে দেখছে। নিতাইও দেখছিল।

আয়গাটার চেহারার সঙ্গে বাংলাদেশের সাদৃশ্য নেই। পাহাড় দেখা যাচ্ছে। দূরে বন-বেথা।

নিতাই হঠাৎ উঠল এবং দরজার কাছে এসে দাঁড়াল। হু-চার জন লোক নিচে নেমে দেখছে। কেউ দাঁতন ভাঙছে। সেও নামল। খানিকটা মাঠের দিকে গেল। একবার ফিরে দেখল ট্রেনটার দিকে।

তারপর—রেলের সীমানার তারের বেড়া ভিড়িয়ে ওপারে বেরিয়ে হনহন করে চলতে লাগল।

পিছনে হঠাৎ সিটি বাজল। সে আবার পিছন ফিরলে। দেখলে সিগন্যাল পড়েছে। পাড়ি হস করে ধোঁয়া ছেড়ে নড়ল। চলল।

সে আবার পিছন ফিরে চলল। দ্রুত বেগে! তারপর ছুটতে লাগল। ট্রেনটা চলে গেল।

সে ছুটল। কাঁধে সেই ব্যাগটা, যে-ব্যাগটা কাঁধে নিয়ে বাসিনীর সঙ্গে তাকে দেখা গিয়েছিল।

সকালবেলায় ঠিক প্রায় সেই সময়েই—দীহুর বেডের সামনে—পোস্টাল সুপারিন্টেন্ডেন্ট দাঁড়িয়ে সবিস্ময়ে তাকে বলছিলেন—বলেছ সে তোমার ছেলে ?

দীহু সেই বিস্ময়িত দৃষ্টিতেই তাকিয়ে ছিল। সে উত্তর দিল না।

তিনি আবার ডাকলেন—দীহু! দীহু!

—অ্যা!

—তুমি বলেছ—ডাকাত তোমার ছেলে ?

সম্মতিসূচক ঘাড় নাড়লে দীহু।

—তুমি ঠিক চিনতে পেরেছিলে? সঙ্গে সঙ্গেই দীহু সম্মতিসূচক ঘাড় নাড়লে।

সুপার তাঁর কথাসূত্রে একসঙ্গেই বলে গেলেন—অঙ্ককারে ভুল হয় নি তো ?

দীহু ঘাড় নাড়লে—না।

সুপার ঘাড় নিচু করে দাঁড়িয়ে বোধ করি সবিস্ময়ে দীহুর কথাই ভাবছিলেন।

দীহু মুহু স্বরে ধীরে ধীরে বললে—মিছে কী করে বলব ?

ঘাড় নাড়তে লাগল শুয়ে শুয়ে—ধীরে ধীরে—‘না’ ‘না’-এর ভঙ্গিতে ঘাড় নাড়ল সে।

সুপার তার গায়ে হাত রাখলেন—তোমার যে জ্বর হয়েছে দীহু। দীহু একটু বিবগ্ন হাসল।

—এ যে বেশ টেম্পারেচার! ডাক্তারবাবু!

তিনি বেরিয়ে গেলেন ব্যস্ত ভাবে।

ওদিকে সূর্যাস্ত হচ্ছে—আরণ্যভূমির প্রান্ত দেশ। সেখানে একটা গাছতলায় উপুড় হয়ে ধুলোর ওপর শুয়ে আছে নিতাই। সর্বাঙ্গে ধুলো। মাথায় সেই ব্যাগটা। হঠাৎ সে মুখ তুললে। অন্তর্মান সূর্যের আলো তার মুখের উপর পড়ল। তার চোখ থেকে জলের ধারা গড়াচ্ছে।

আবার সে মুখ গুঁজলে—মনশ্চক্রে দেখলে সেই অঙ্ককার রাত্রের বাপের ডাক-ব্যাগ আঁকড়ে-ধরা ছবি!

সে আবার ধড়মড় করে উঠে বসল। তারপর উঠল। চলতে লাগল।

দূরে কোথায় বয়লায়ের সিটির শব্দ হল।

সে চমকে উঠে দাঁড়াল।

এদিকে টাওয়ার ক্রকে ঢং-ঢং-ঢং-ঢং-ঢং! পাঁচটা।

ধানার দারোগা, এস-পি, ইনস্পেক্টরের সামনে বাসিনী বসে আছে।

সে বলছে—আমি জানি না মশায়—সে কোথা! আপনাদের পায়ে হাত দিয়ে বলতে পারি। ভগবানের দ্বিব্য করে বলতে পারি।

সে কথাগুলি বলছে—বিনয়ের সঙ্গেই বটে কিন্তু সপ্রতিভতা আছে তার মধ্যে।

—ভগবানের দ্বিব্য করে ?

—কালী দুর্গা হরি যার দ্বিব্য করতে—

—চোপ রও হারামজাদী—

চমকে উঠে বাসিনী ধেমে গেল।

—কালী দুর্গা হরি—! ব্যঙ্গ করে বললেন এস-পি।—তুই জানিস।

—আমি জানি না। আমি জানি না। হজুর আমি জানি না। সে আমার কাছে আসত; আসত—দুটাকা একটাকা দিত। আমার সঙ্গে ভালোবাসা হয়েছিল। আমাকে বিয়ে করতে চেয়েছিল। আমি চাই নাই। বলেছিলাম—ওই ওদের ঘরে থাকতে আমি লাবব—

—হ্যাঁ—তাকে চড় মেরেছিল। তুই ওর বাবাকে গাল দিয়েছিলি।

—হ্যাঁ। সত্যি কথা। কিন্তু তার পরেতে আবার সিদ্দিন আমার কাছে এসে পাঁচটাকা নগদ দিয়ে ভাব করে গিয়েছিল। বিয়ে করতে চেয়েছিল। বলেছিল টাকার যোগাড় করছে—লাইসেন লেবে মটর ডেরাইবারির। আমি সিদ্দিন না বলেছিলাম। কিন্তু রাতে ভেবে দেখলাম।—চুপ করে গেল সে।

—কী বল!—এই। বল।

—হজুর আমার সম্ভান হবে। উরিরই সম্ভান। তাই সোকালে আমি নিজেই গিয়েছিলাম তার কাছে। তার বাবা আমাকে দেখতে লারে; তাই গাঁয়ের ধারে গাছতলায় বসে কথা পাকা করে নিয়েছিলাম। সে আমাকে কথা দিয়েছিল—বিয়ে করে সে আমাকে নিয়ে দূর-দেশে চলে যাবে কোন শহর বাজারে। বলেছিল—টাকার যোগাড় তার হয়েছে; কাল সকালেই টাকা নিয়ে সে আমার কাছে আসবে। আমাকে তৈরী হয়ে থাকতে বলেছিল। গাছতলা থেকে বেরিয়ে আমি চলে আসছি—। একটুকুন জল খাব হজুর।

—জল দাও।

কনেস্টবল জল দিল একটা অ্যালুমিনিয়ামের গ্লাসে।

জল খেয়ে বাসিনী আবার বললে—যখন চলে আসছি—যখন উয়ার বাবা দেখতে পেয়েছিল, একটা পুকুরের পাড় থেকে হজুর সি ডেকেছিল। আমার ভয় হয়েছিল—বাবার কাছে গেলেই উয়ার মন পালটাবে। বাবাকে ভারি ভালোবাসত। তাই আমি তার হাত ধরে টেনে নিয়ে এসেছিলাম আমার বাড়ি পর্যন্ত। সাবে পর্যন্ত আটকিয়ে রেখে ছেড়ে

দিয়েছিলাম। ওর বাবা মাঝের সময় ডাক নিয়ে যায়। আর বলেছেলাম, ভোরে আমি তৈরী থাকব। সে যেন টাকার ঘোগাড় করে নিশ্চয় আসে। কিন্তু নি আসে নাই। আমি আর কিছু জানি না হজুর। কিছু জানি না। আমার কুকিতে সন্তান আছে হজুর, তার দিবি।

—চল, ওকে হাসপাতালে নিয়ে চল। দীহুর সামনে।

হাসপাতালে দীহুর প্রবল জ্বর।

সে প্রলাপ বকছে।

নার্স মাথায় আইসব্যাগ ধরে বসে আছে।

দীহু চিৎকার করলে—থবরদার!

তার হাত-পা শক্ত হয়ে উঠল। উঠে বসতে চাইল।

নার্স চেপে ধরলে।

কয়েক মুহূর্ত পর বলে উঠল—না—না—না! নেতাই—না।

আবার কয়েক মুহূর্ত পর বললে—না—না—না। মাস্টারবাবুর ছেলে নয়। সি আমার ছেলে। সি নিতাই। মিছে কথা বলতে পারব না। পারব না।

হঠাৎ দেখা গেল দরজার মুখে দাঁড়িয়ে এস-পি।

তার পিছনে অফিসারেরা এবং বাসিন্দা।

এস-পি ঘরে ঢুকে প্রশ্ন করলেন—ডিলিরিয়াম? ভুল বকছে? নার্স বললে—ই্যা সার।

—টেম্পারেচার কত হয়েছে?

—একশো দুই।

দীহু বলে উঠল—নেতাই রে! ও নেতাই! নেতাই!

এস-পি নিজেই পাখাটা বাড়াবার চেষ্টা করলেন।

দীহু হতাশ কণ্ঠে বললে—যাঃ, নেতাই হারিয়ে গেল।

তারপরেই বললে—ও বাবা কী অণ্ডকার!

এস-পি বেরিয়ে গেলেন।

ঘন অন্ধকার অরণ্যের মধ্য দিয়ে—

শিল্যুট মূর্তির মতো একটি মূর্তি চলেছে। দূর আকাশের গায়ে চিমনির মুখে আগুন।

লক্ষ্য তার সেই দিকে।

পরদিন সকালে এস-পি অফিসে ইনস্পেক্টরকে বললেন—মেয়েটাকে ছেড়েই দাও। একটু স্তব্ধতার পর বললেন—ও এর বেশী কিছু জানে না। ছেড়ে দাও। বলে দাও কোথাও যেন না যায়। কীপ ওয়াচ! ইনস্পেক্টর চলে গেলেন। এস-পি ঘণ্টা বাজালেন। আর্দালীকে বললেন—নিরঞ্জনবাবু!

আই-বি নিরঞ্জনবাবু এসে দাঁড়াবা-মাত্র বললেন—এইটে—সারকুলেশনের অস্ত্রে আজই পঠান, টু অল বেলগুয়ে স্টেশনস্—পোস্ট অফিসেস—আদার পাবলিক প্লেসেস ; ফটোগ্রাফ থাকলে ভালো হত কিন্তু উপায় নেই।

কাগজটা হাতে দিলেন।

আই-বি বললে—Postal department-এর চিঠিটার—? বলতে চাইলে, কী জবাব দেব—বা কী করব ?

এস-পি বললেন—সারটেনলি। দীহু মাস্ট বি রিওয়ার্ডেড। আমরাও কিছু রিওয়ার্ড দিতে চাই পুলিশ থেকে। লোকটা—

তঁার মনশ্চক্ষে রোগশয্যায় শায়িত দীহুর সেই ছবিটুকু ভেসে উঠল—না। মিছে কথা আমি বলতে পারব না। মাস্টারবাবুর ছেলে লয়। সে—সে আমার, আমার ছেলে।

এস-পি বাইরে এসে দাঁড়ালেন।

সামনে লনে অজস্র ঘাসের ফুল ফুটেছে।

নবগ্রাম পোস্টাপিসে নিতাইয়ের বিবরণ সম্বলিত সারকুলারটি টাঙানো রয়েছে নোটিশ বোর্ডে।

সেটি পড়ছে—স্বরেশ বাঁড়ুজ্জ।

বিজ্ঞপ্তি

৫০০ টাকা পুরস্কার

ফেব্রার আসামী নিতাইচরণ দাস—বয়স কুড়ি বাইশ, লম্বায় প্রায় পাঁচ ফুট চার ইঞ্চি। রঙ কালো—সবল স্বাস্থ্য—গলায় হারে বাঁধা রূপোর ভুক্তি।

নিত্যানন্দবাবু বেরিয়ে এসে বললেন—পড়ছেন ?

—হ্যাঁ।

বলেই ঘুরে দাঁড়ালেন। তারপর বললেন—এমন বাপের ছেলে, ছোড়াটা এ কী করলে বলুন দেখি !

নিত্যানন্দ বললেন—আমার দিকে চেয়ে দেখুন না। আমার মতো ভীতু, সরকারী গোলাম—আমার ছেলে—

—সায়েব না দীহুকে অমরের নাম করতে বলেছিল ?

চাপা গলায় বললে স্বরেশ।

—হঁ। কিন্তু সে তা করে নি।

—দীহুকে না কি রিওয়ার্ড দেবে ?

—হ্যাঁ। আমাদের ডিপার্টমেন্ট থেকে আড়াই শো টাকা। আর পুলিশও বোধ হয় দেবে।

একজন পিওন ডাক হাতে—রেজিস্ট্রি ব্যাগ কাঁধে বেরিয়ে গেল।

নিভ্যানন্দ বললেন—দীক্ষুর বাড়ির একবার খোঁজ নিও ভবেশ।

স্ববেশ আবার ঘুরে দাঁড়িয়ে সেই নোটশটা পড়তে লাগল—“৫০০ টাকা পুরস্কার।”

ওদিকে দীক্ষু হাসপাতাল থেকে বেরিয়ে এল। তার মাথাটা কামানো। সেখানে একটা কতচিহ্ন।

তার সঙ্গে একজন সাব-ইনস্পেক্টর অব পুলিশ।

একটা রুচদর্শনা জমাদারনী একটা বেড প্যান পরিষ্কার করে নিয়ে ফিরছিল।

সে বললে—যাচ্ছে? হাসপাতালসে ছুটি?

দীক্ষু স্নান হেসে বললে—হ্যাঁ।

—তোহুয়া বেটা? বেটাকে পতা মিলল? না মিলল?

বলতে বলতেই দীক্ষু তাকে অতিক্রম করে চলে গেল।

মেয়েটা বলতে বলতে গেল—না মিলেনে—উ বেঁচেনে। তু আচ্ছা বাপ।

সাব-ইনস্পেক্টর ধমক দিলেন—এই! যাও আপনা কামমে যাও।

দীক্ষুকে নিয়ে এল জেলার ডিষ্ট্রিক্ট ম্যাজিস্ট্রেট অফিসে।

পোস্টাল-সুপার, পুলিশ-সুপারও উপস্থিত সেখানে।

ডি-এম তাকে একটি খলি হাতে দিয়ে বললেন—সরকার বাহাদুর তোমাকে এই আড়াই শো টাকা পুরস্কার দিয়েছেন। আর এই পঞ্চাশ টাকা দিচ্ছেন—পুলিস থেকে। তোমার সাহসের জন্তু, কর্তব্যপরায়ণতার জন্তু : সবচেয়ে বড় কথা তুমি তোমার নিজের ছেলেকে বাঁচাবার জন্তুও সত্য গোপন কর নি, মিথ্যা অস্ত্রের নাম কর নি, এই দুর্লভ সত্তার জন্তু তোমাকে দিচ্ছেন। ধর।

দীক্ষু কলের পুতুলের মতোই নিলে। হেঁট হয়ে নমস্কার করলে।

এস-পি বললেন—হ্যাঁ। সাহস থাকলে এবং দেহে শক্তি থাকলে ডাকাতের সঙ্গে লড়াই করতে পারে। হয়তো লড়াই করে রুখতেও পারে। লড়াইয়ের মধ্যে মরতেও পারে। কিন্তু—

পোস্টাল-সুপার বললেন—তোমার জন্তু এক মাসের ছুটি শ্রাংশন করেছি।

দীক্ষু বললে—ছুটি?

—হ্যাঁ। বিশ্রাম নাও।

—বি-সু সেরাম!

—হ্যাঁ। শরীরটা সারা দরকার।

—আজ্ঞে বেশ।

দীক্ষু গ্রামে ফিরল।

ঠিক প্রবেশমুখেই ধমকে দাঁড়াল।

সামনেই লদর রাস্তাটা দেখা যাচ্ছে। ছ পাশে দোকানদানী। লোকের ভিড়।
দূরে দেখা যাচ্ছে—একটা দোকানের সামনে বাউল গান করছে—

কুল আর কলঙ্ক নিয়ে, কি করি হায়, বলবে কে সে ?
কুলে আমার, সোনার শেষে, কলঙ্ক কালো ভালোবেসে।
শ্রাম কালো এ নয়ন কালো কলঙ্ক মোর, কালো কেশে।
কালো আমার চোখের তারা কি করি হায় বলবে কে সে ?

কুল রাখি, না, শ্রাম রাখি হায়

কুল রাখিলে শ্রাম যে হারায়—

শ্রামের প্রেমে, কুল ভেসে যায়, অকুল পাথর, ডুবি শেষে।

পা-থারে—

(ও-অকুল পাথর—তল নাই তার ডুবি শেষে—)

কি করি হায়, বলবে কে সে ?

কুলের সোনার কোটায় আমার, প্রাণ-ভ্রমরার বাস ;

কালিদেহের শ্রাম-কমলের, মধুই শুধু আশ ;

কুল গিয়েছে শ্রাম গিয়েছে

সোনার রাখা লু-টা-ই-ছে—

তবু রাখা কলঙ্কিনী, নাম রটিল দেশে।

গানের মধ্যেই সামনে রাখা ভিক্ষাপাত্র ভিক্ষা পড়ে গেল।

গান শেষ করেই সে—বোল হরি বোল, বোল হরিবোল—বলতে বলতেই পাত্রটি তুলে
নিয়ে চলতে লাগল। হাতে তার একতারাটি টুং টুং শব্দে বেজেই চলল।

দীহুর বাড়িতে তখন দীহু এসে স্তব্ধ মুক হয়ে বসে আছে মাথায় হাত দিয়ে। প্রথম
ঝড়টা কেটে গেছে। সহু মাটির উপর উপুড় হয়ে পড়ে আছে। ফুঁপিয়ে ফুঁপিয়ে কাঁদছে।

পাড়া-প্রতিবেশীরা দাঁড়িয়ে আছে। তাদের মধ্য থেকেই কথা বলছে। কথা নয় বাণ।
শব্দভেদী বাণের মতো কথাগুলি এসে তাকে বিদ্ধ করছে। নিষ্কপকারীকে দেখা যাচ্ছে না।

নারী এবং পুরুষের কণ্ঠ ছুইই আছে।

—বলিহারি বাবা বটে বাবা। বাহাদুর বাবা।

—জিভ দিয়ে বেরুলো তো ছেলের নাম ?

—পাথর লো পাথর। বাবা লয় পাথর।

—ধানিক লোক। পাথর লয়—ধানিক।

—যুক্তিরি! দীনবন্ধু লয়, উনি আমাদের যুক্তিরি—

—লগদ তিন শো টাকা পেলে যুক্তিরি সবাই হয়।

—এইবার ধরিয়ে দিয়ে আরো পাঁচশো পাবে।

এবার ঘরের একটা কোণের পাশ দিয়ে প্রবেশ করল এক বৃদ্ধা। সে বললে—ই সব তোমরা কী বলছ? বলি ধরম তো আছে, না নাই? দেবতা না হয় পাথরের, কিন্তুক ধরম তো সত্যি, না কী। দীহু তো অন্টার অধরম করে নাই! লোকটাকে বিঁধছ ক্যানে এমন করে?

—অ-মা গ্ অ! এ যে সেই বন থেকে এলেন মাসী, বুনপো তোকে ভালোবাসি। সেই বিস্তাঙ্ক! বুনপোর পরে হাঁড়ি-ফাটা ভাতের মতো ভালোবাসা একেবারে ছতবন্ধার হয়ে গেল! চাপা হাসির গুঞ্জন উঠল।

বুড়ী বললে—বলি তা হলে মুখ খুলব নাকি? হাতে হাঁড়ি ভাঙব নাকি? বলি ওলো— অ লেবারণের বউ! বুড়ো হলেও কান আমার খুব খর লো! একে ঘুম হয় না, বুড়ো মাহুষের ঘুম কম। আত দুপুরে গলি দিয়ে পা মটমটিয়ে লেবারণ কোথা যায় লো? আবার শেব আতে—

দীহু এতক্ষণে বললে—চূপ কর পিসী! পাঁচ জনার মুখ, দু হাত দিয়ে কী করে বন্ধ করবা বল! ওই দেখ মহু কাঁদছে। তার মায়ের পরাণ, কী বলব তাকে? টাকাও তো আমি পেয়েছি পিসী। নিয়েছি। আবার সি যদি কোনো দিন ফিরে আসে তবে—? তখন কী করব আমি? ঝরঝর করে কেঁদে ফেলে বললে—সি যেন আর ফিরে না আসে পিসী, কখনো না আসে—।

সেই সময়েই নিতাই হাজারিবাগ অঞ্চলে একটা ছোট শহরে একটা মোটর মেরামতের কারখানায় একটা লরির পাশে বসে বিড়ি খাচ্ছিল। তার গায়ে তেলকালি লাগা একটা গেঞ্জি। পরনে একটা তেমনি হাফপ্যান্ট। লরিটা মেরামত হচ্ছে। দূরে দেখা যাচ্ছে বড় একটা কারখানার চিমনী।

নিতাইয়ের মুখে বয়সের অস্বাভাবিক দাড়িগোফ বেঁধেছে। মাথার চুলগুলো ঝাঁকড়া হয়েছে। একটা গাছতলায় মালিকদের দুজনে বসে কাগজ পড়ছেন।

“৫০০ টাকা পুরস্কার! ফেরারী আসামী নিতাইচরণ দাস, বয়স বাইশ-তেইশ। লম্বায় পাঁচ ফুট চার ইঞ্চি। রঙ কালো—সবল স্বাস্থ্য—।”

অল্প জন বাধা দিয়ে বললেন—খবর ছেড়ে বিজ্ঞাপন পড়তে লাগলে। খবর পড়।

নিতাই ওদের দিকে মুখ তুলে তাকালে। তারপর ঘুরে বসল।

ভিতর থেকে কেউ ডাকলে—এই নতুন ছোকরা! কী নাম? এই!

—আজ্ঞে গৌর।

—একটু এগিয়ে দেখ—সাইলেন্সার পাইপটা মেরামত করতে গিয়েছে, আসছে কি না দেখ তো।

নিতাই বললে—বাই! যাবার সময় গাছের ডালে ঝোলানো জামাটা নিয়ে কাঁধে ফেললে।

সে বেয়িয়ে এল রাস্তার উপর।

খানিকটা এসে রাস্তা থেকে নেমে সে প্রাস্তরে নেমে পড়ল।

কিছু দূর এসে সে পেলো একটা শাল জঙ্গল। তার ভিতর ঢুকে সে একটা গাছতলায় বসে পড়ল। ক্লান্ত হয়ে ঠেস দিয়ে বসে চোখ বুজল। ঘেন এলিয়ে পড়েছে। কয়েক মুহূর্ত পরে সে আবার সোজা হয়ে বসল। কোমর থেকে বের করলে একটা গেঁজলে। সেটা খুলে একে একে বের করলে একখানা দশটাকার নোট, একখানা পাঁচ টাকার, খান তিনেক একটাকার ; খুচরো কিছু রেঞ্জকি। তার সঙ্গে বের হল একটা কারে-বাঁধা রূপোর তক্তা। তক্তাটা তুলে দেখলে। সেটাতে নাম লেখা 'নিতাই'। একটা পাথরের উপর রেখে সেটাকে অস্ত্র একটা পাথর দিয়ে ভেঙে ফেললে। তারপর একে একে আবার সব পুরলে। কোমরে বাঁধলে। আবার চোখ বুজে গাছটার গুঁড়িতে ঠেস দিয়ে বসল। চোখ দিয়ে জল গড়াল। সেই অবস্থাতেই জামাটার পকেট খুঁজে বের করলে খবরের কাগজে মোড়া কিছু।

একটা আধ-খাওয়া পাঁউরুটি।

ক্লান্তভাবে খেতে লাগল।

খেতে খেতেই উঠল, চলল।

কিছু দূর এসেই একটা ছোট জোড়—অর্থাৎ পাহাড়িয়া নালা। এক পাশে শীর্ণ জলধারা বয়ে যাচ্ছে। সেখানে জল খেয়ে নিয়ে আবার চলল।

কোথায় যাবে ?

সামনে পাথুরে প্রাস্তর। পায়ে-চলা পথের রেখা চলে গেছে। কোথায় মুখ কে জানে ? থমকে দাঁড়াল।

হঠাৎ চোখে পড়ল এক পাশে অর্থাৎ ডাইনে বা বাঁয়ে আকাশের গায়ে কুণ্ডলীকৃত ধোঁয়া লম্বা হয়ে বিস্তৃত হয়ে রয়েছে।

রেলের ধোঁয়ার মতো।

রেলের ধোঁয়াই বটে। দূরাস্তে ট্রেনের ছইসিল শোনা গেল।

দিক পরিবর্তন করে সে সেই মুখে চলল।

আকাশে তখন সন্ধ্যা নামছে। পাখিরা নীড়ে ফিরছে। কলকল শব্দ উঠছে।

সে শব্দ শুনে একবার আকাশের দিকে তাকাল। একটা গাছে পাখিরা বসল।

সে দেখলে। একটা দীর্ঘনিশ্বাস ফেলে আবার চলল।

অন্ধকারে এতক্ষণে নজর হল—একটা সবুজ আলো। সিগন্যালের আলো।

সে চলতে লাগল। চলবে সে। বাঁচবে।

• দীর্ঘ আপনার বাড়িতে গোকুর কাছে বসে তাদের গায়ে হাত বুলুচ্ছে।

সহু সেই শুয়ে আছে। পা থেকে মুখ পর্যন্ত ঢেকে ; প্রায় মৃতের মতো পড়ে আছে সে। নিস্পন্দ, নীরব।

দীহু হঠাৎ যেন বললে—শুনছিস ? ওঠ !

সহু ষাড় নাড়লে—না—না—না।

—না নয়। ওঠ ! কী করবি ? বাঁচতে হবে তো !

এবার সহু বললে—না—। বাঁচতে সাধ আমার নাই। সে সাধ আমার মিটেছে।
পথে ঘাটে লোকে টিটকিরি দেয়—বলে যুক্তিস্তিরের পরিবার। শুধু যুক্তিস্তির নয়, লগদ
তিনশো টাকার যুক্তিস্তির—

তার কথার আবেগের মুখে বাধা পড়ল।

—দীহু—দীহু ! দীহু রয়েছিস ? বলে কাগজ হাতে ঘরে ঢুকল সুরেশ বাঁড়ুজ্জ।

সহু ঘোমটা টেনে দিয়ে ঘরে ঢুকে গেল।

সুরেশ বাঁড়ুজ্জ বললে—খবরের কাগজে তোর কথা বেরিয়েছে দীহু। ছবি শুদ্ধ। এই দেখ্।

দীহুর হাতে সে কাগজখানা দিলে।

সুরেশ বলছিল—আমি পাঠিয়েছিলাম ! ওরে, অগ্র দেশ হলে—

দীহু কাগজের ছবিটার দিকে তাকিয়ে দেখে—আস্তে আস্তে ছিঁড়ে ফেলে দিলে।

লম্বা ফালি করে—একটা ছোটো তিনটে ফালি করে দিলে।

সুরেশ বাঁড়ুজ্জ শুরু হয়ে দেখছিল।

ছেঁড়া হয়ে গেলে—ধরা-গলায় অপরাধীর মতো বললে—দীহু, আমি বুঝতে পারি নাই।
আমাকে তুই—। তুই কিছু মনে করিস না—

এরই মধ্যে দীহু ধীরে ধীরে উঠল—এবং চলে গেল বেরিয়ে ! কথা শুনবার জন্মে বা
উত্তর দেবার জন্মে অপেক্ষা করে রইল না।

সুরেশ বাঁড়ুজ্জ চলে গেল মাথা নিচু করে।

শূণ্য অঙ্গনটায় ছুটে এসে ঢুকল একটা বা ছোটো ছাগল ছানা, কয়েকটা হাঁস মুরগী। এই
সময়ে এসে ঢুকল সেই পিসীবুড়ী, তার কাঁখে একটা মাটির কলসী।

—অ বউ ! আন্না চড়িয়েছিস না কি ? কই ? কোথা গেলিসব ? আমার দেরি
হয়ে গেল। ওই নোটন খানদারের সঙ্গে লেগেছেলাম। বললাম, তু চোরকে বলিস চুরি
করতে গেরস্তকে বলিস সত্তর হতে ; তু বুঝবি না। এ তু বুঝবি না।

কলসীটা নামিয়ে দাঁড়ায় উঠল সে।

—কই গেলি কোতা ? অ—হ—হ—কোথাও কিছু নাই—কাঠ-মাঠ—

সহু বেরিয়ে এল।

—তোমাকে আর কষ্ট করতে হবে না পিসী। আমি নিজেই চড়াছি আন্না।

—কষ্ট ? আমার ? সবু। বেশী বকিস না। তু বোস ! ষোগাড়টা করে দে শুধু।

দীহু ফিরে এসে তার বস্ত্রম পোশাক নিয়ে বেরিয়ে যায়।

পিসী বলে—ও দীহু ওসব নিয়ে কোথা চা্লি ?

—কাজে ! ছুটি বাতিল করে দেলাম ।—ঘণ্টা বাজাতে বাজাতে সে চলে গেল ।
 সে চলবার সঙ্গে সঙ্গে বাজতে লাগল বুন-বুন বুন-বুন শব্দ ।
 বুন-বুন শব্দ রাজির অঙ্ককারে বাজতে থাকে অরণ্যপথে ।
 ওদিক থেকে আসে মোটরগাড়ি ।—প্লেটের নম্বর—1942.
 বারেকের অঙ্ক বুন-বুন শব্দ ধামে ।
 দীহুকে দেখা যায় না । তার কণ্ঠস্বর শোনা যায়, চাপা গলায় ডাকে—নেতাই !
 একটা রাজিচর প্যাচা ডেকে ওঠে । ক্যাচ—ক্যাচ ।
 আবার ওঠে বুন-বুন বুন-বুন শব্দ ।
 আবার আসে মোটর—এবার প্লেটে লেখা—1943
 আবার শব্দ ধামে ।
 আবার ডাকে দীহু—নেতাই !
 এবার ডেকে ওঠে শেয়াল । অথবা সেই পেঁচাই ডেকে ওঠে ।
 আবার শব্দ ওঠে বুন-বুন—বুন-বুন ।
 আবার গাড়ি আসে—
 পর পর পেরিয়ে যায় 1944—1945.
 দীহুর ডাক শোনা যায় ছবার—নেতাই ! নেতাই !
 কুকুর ডাকতে থাকে ঘেউ—ঘেউ—ঘেউ— ।
 বোলপুরের আলো দেখা যায় ।
 তারপর আসে বোলপুর স্টেশন ।

বোলপুর প্রাটফর্মে বাসিনীকে দেখা যায়—একটি চার-পাঁচ বছরের শিশুকে নিয়ে ঘুরছে ।
 ছেলেটা ঘুমন্ত । প্যাসেঞ্জারদের কাছে ভিক্ষে করে বেড়াচ্ছে । ভিক্ষে করলেও তার স্বভাবের
 ইঞ্জিতটুকু স্পষ্ট । সাজ-পোশাকের জীর্ণতার মধ্যেও ।

হঠাৎ এসে বাসিনী ধমকে দাঁড়াল ।

ল্যাম্প-পোস্টের নিচে দুজন রানার বাঘবন্দী খেলছে । তার একটু দূরে আকাশের দিকে
 চেয়ে বসে আছে দীহু । দীহুর মুখে চোখে চুলে কয়েক বৎসরের ক্লাস্তির চিহ্ন ।

বাসিনীকে দেখে একজন রানার বললে—ও বাঁবারে !

অপর একজন বললে—ক্যা—রে ?

—আমাদের যুক্তিস্থিরকে দেখছে লাগছে ? কী কাণ্ড ?

বাসিনী এগিয়ে গিয়ে রুচ কণ্ঠস্বরে বললে—রাকস ! তু রাকস ! তু রাকস !

দীহু চমকে উঠল । স্থির দৃষ্টিতে চেয়ে দেখে উঠে দাঁড়াল ।—রাকুনী, ডাইনী,—তু সেই
 বাসিনী !

—হ্যারে ছেলে-থেকো রাকস—আমি সেই—

—খবরদার !

—কেয়া হুয়া ? কেনেস্টবল এগিয়ে এল। সঙ্গে সঙ্গে লোকজন।

বাসিনী এবার ছুটে পালিয়ে গেল।

দীহু স্তর হয়ে দাঁড়িয়ে রইল।

লোকে প্রসন্ন করতে গেল। কিন্তু সে সমস্ত ঢেকে বাজল টন-ন-ন ঘণ্টা। প্রাটকর্ম
মার্চলাইটের আলোয় আলো হয়ে উঠল।

দীহুর বাড়িতে শেষ রাত্রে অন্ধকার ঘরে কণা সহ ঘুমের ঘোরে চিন্তার করে উঠল—
নে-তা-ই !

পাশেই শুয়ে ছিল বুড়ী পিসী।

সে জেগে উঠল—ডাকলে—বউ !

আবার ডেকে উঠল সহ—নেতাই ! এবার চাপা গলায়।

পিসী আবার ডাকলে—বউ !

—দেখ তো পিসী, ছয়োটটা খোল তো। দেখ তো। মনে হল সি ডাকলে !

সে কল্পিয়ে ভর দিয়ে উঠতে চেষ্টা করলে।

—উঠিস না। তু উঠিস না। আমি দেখছি।

পিসী ভাড়াভাড়া উঠে ডিবে জেলে দরজা খুলে বেরিয়ে এল।

তখন ভোর হচ্ছে। পাখি ডাকছে মধ্যে মধ্যে।

উঠান জনশূন্য। রাত্রির আকাশও যেন খোয়ামোছা। ভোয়ের আমেজে তারাগুলিও
অদৃশ্য হয়ে গেছে। উঠানের ফুলগাছটা পুষ্পহীন রিক্ত।

শুধু একটা কুকুর শুয়ে ছিল উঠানে। সেটা সাড়া পেয়ে উঠে দাঁড়াল। লেজ নাড়তে লাগল।

ভিতর থেকে সহ প্রসন্ন করলে—পিসী ?

—কই, কেউ কোথাও নাই বউ !

সহ এবার কোনোক্রমে দরজার মুখে এসে ডাকলে—নেতাই !

পিসী বললে—তা হলে তু স্বপন দেখেছিস বউ।

সহ বললে—স্বপন ? একটা দীর্ঘনিশ্বাস ফেলে বললে—হবে।

সকালবেলায় দীহু ডাক নিয়ে ফিরে আসার পর সহর শিয়রে বসে তার সকালবেলার মৃদ্ধি
এবং অল্প একটু মদ খেতে খেতে প্রসন্ন করলে—

—কী স্বপন দেখলি সহ ?

সহ ঘরের চালের দিকে অর্থাৎ উপরের দিকে তাকিয়ে সেই স্বপ্নের স্মৃতিরই যেন রোমন্থন
করছিল। সে চূপ করেই রইল।

দীহু বললে—স্বপন হয়তো লয় সহ ! সে হয়তো এসেছিল।

সহ উত্তর দিলে না।

দীহু বললে—সেই বাসিনী মেয়েটারে কাল এতে বোলপুর ইষ্টিশানে ছাখলাম এতকাল বাদে। কোলে একটা ছেলে! আমার সন্দ হচ্ছে সহ।

সহ এবার সপ্রশ্ন দৃষ্টিতে তার দিকে ফিরে চাইলে।

দীহু বললে—সন্দ হচ্ছে সহ; সিও ওই বাসিনীর সঁতেই আছে। বন-জললে—না-হর কোথাও—

সহ বাধা দিয়ে বলে—উহ! উহ!

দীহু সবিস্ময়ে বললে—কী ?

সহ বললে—আমি দেখলাম সি একটো মস্ত নদী—শুধুই জল—তারই মধ্যে এই বড় বাড়ির মতন লা একটো। তার উপরে মস্ত খুঁটি—সি তারই ওপরে দাঁড়িয়ে আমাকে ডাকছে।—মা—! পষ্ট ‘মা’ আমার কানে এল। ঘুমটো ভেঙে গেল। আমি ‘নেতাই’ বলে চৈচিয়ে ওঠলাম। তার পরেতে মনে হল—সি হয়তো বাইরে দাঁড়িয়ে আছে।

ওই স্বপ্নের ছবিটা তার চোখের উপর ভেসে উঠল।

কুয়াশাচ্ছন্ন অন্ধকারের মধ্যে শিলুটের মতো ছবি। একটা স্টীমারের মাস্ট ধরে নিতাই দাঁড়িয়ে আছে।

মুছে গেল সে-ছবি। সহ ঘাড় নেড়ে বললে—বাসিনীর সঁতে? না-না বলে সে ঘাড় নাড়লে।

—ছেলেমানুষ—প্রথম জন-বয়সে ভুল করেছিল। কিন্তু না-না বলে আবার ঘাড় নাড়লে।

দীহুও আপন মনে ঘাড় নাড়লে। না-না-না। অর্থাৎ সে ওই বাসিনীর সঙ্গেই আছে। সে কাস্তে মাখাল নিয়ে বেরিয়ে এল।

বাইরে উঠানে পিসী গোবর মাখছিল।

সে বললে—দীহু! বোলপুর থেকে কাল একটুকুন তামাকপাতা এনে দিস বাবা।

—আনব। সে চলে গেল।

হেসে পিসী বললে—স্বপ্নের কথা শুনলি বাবা?

দীহু তখন চলে গিয়েছে।

কিন্তু পিসী বলেই গেল—স্তোর বেলার স্বপ্ন। উ মিছে হয় না। সি এবারে আসবে। আসবে।

রাত্রে বোলপুর প্রাটফর্মে বাসিনী একটা আয়গায় বসে একজন ছোকরার সঙ্গে চা খাচ্ছিল, বিড়ি খাচ্ছিল, আর হি-হি করে হাসছিল।

ছেলেটা শুয়ে ঘুমোচ্ছে।

ছোকরা বললে—হাসছ ক্যানে ?

—হাসছি ক্যানে ? মনে হচ্ছে । 'ওই কথাই সবাই বলে হে ।

—সবাই বলে ?

—হ্যা—সব্বাই । আমি কী বলি জান ?

—কী ?

বাসিনী গলা বাড়িয়ে তার মুখের কাছে মুখ এনে গুনগুন করে গেয়ে দিলে—নিত্য নতুন ফো-টে শালুক বাসি ঝরে গেলে হে ! নীল ষমুনার জলে হে ! বলে সে হেসে উঠল । কিন্তু সে হাসি মাঝপথেই থেমে গেল ।

হঠাৎ অদূরে কোন অন্ধকার স্থানে ক্রুদ্ধ জন্তুর মতো চিৎকার উঠল ।—আ—

চমকে উঠে থেমে গেল বাসিনী । চমকে উঠল লোকটাও । পিছনে প্লাটফর্ম থেকে লোকজন ছুটে এল—এই—এই—এই—এই—এই !

—কী হল ? কী হল ?

বাসিনী উঠে দাঁড়াল । অশ্রুদিকে চিৎকার উঠছিল—খুন করে ফেলাব । আ—!

আর শব্দ উঠছিল—প্রহারের ।

সে কণ্ঠ দৌহুর । সঙ্গে সঙ্গেই অশ্রু কণ্ঠের চিৎকার—বুড়ো বদমাশ । * এই—এই—এই !

আবার কেউ বললে—ছাড়—ছাড়—ছাড় !

বোলপুর পোস্টাপিসে দৌহুর মাথা হেঁট করে উপুড় হয়ে দুই হাতে মাথা ধরে বসে ছিল ।

তার কপালের এক জায়গা ফুলে উঠেছে । একটা জায়গা কেটে গেছে ।

অশ্রু একজন তরুণ বানার, তার চুল বিশৃঙ্খল—শরীরে আঘাতের চিহ্ন । সে বলছিল—ও একটা বদমাশ মেয়ে—নচ্ছার মেয়ে—ভিক্ষুর নাম করে শয়তানী করে বেড়ায় । ওই ছেলেটা ওর বেজয়া ছেলে । তিন বার ছেলে ফেলে পালিয়েছে । ওর পাশে ওই বুড়ো ঘুরঘুর করছিল—তাই হেসে আমি বলেছিলাম একটা কথা । হজুর আমার ওপর একেবারে—ক্যাপা ভালুকের মতো ঝাঁপিয়ে পড়ল—

মাস্টার বললেন—ছি—ছি—ছি । দৌহুর মতো লোককে এই কথা তুমি বলেছ ? ছি—ছি—ছি । ও অতি সজ্জন লোক ।

দৌহুর এবার বললে—হজুর ওই সব্বনানী আমার ছেলেকে তুলিয়েছিল—ওর তরই সে—কণ্ঠ তার রুদ্ধ হয়ে গেল ।

একটু থেমে বললে—আমার পরিবার আর বাঁচবে না । সে বলেছিল—ওই মেয়েটারে একবার শুদিয়ে উ যদি জানে—সি কোথা আছে । তাই—

—ছি-ছি-ছি । তুমি ক্ষমা চাও দৌহুর কাছে । ক্ষমা চাও ।

দৌহুর বলে উঠল—না, বাবু না । না—না । বাবুনা ।

উঠে সে ছুটে পালিয়ে গেল ঘেন। মাস্টার ডাকলেন—দীহু—দীহু!

নদীর ধারে সামনে খানিকটা জল।

স্বপ্নে বাঁদুজ্ঞে দাঁড়িয়ে ডাকছিল—দীহু—দীহু! দীহু!

জলের ওপাশ থেকে বেরিয়ে এল দীহু। তার মূর্তি রুক্ষ—শোকাচ্ছন্ন—কপালে সেই আঘাতের চিহ্ন। কিন্তু মুখে উদাসীন প্রশান্তি। গায়ে একটা গামছা জড়ানো।

—বাবু! আপনি! এই স্থানে ছুটে এয়েছেন?

—সুনে থাকতে পারলাম না রে! কাল থেকে বাড়ি ছিলাম না। আজ দশটার বাড়ি ফিরে শুনলাম—

—হ্যাঁ বাবু,—সহু খালাস পেয়েছে। কাল ভোরে স্বপ্ন দেখে চোঁচিয়ে উঠেছিল। আজও আবার ভোর বেলাতে নাকি তেমনি স্বপ্ন দেখে খড়মড় করে উঠে দুয়োর খুলতে যেয়েছিল নিজে—বুকে বেথা ধরে—। স্তব্ধ হয়ে গেল সে। একটা দীর্ঘনিশ্বাস ফেলে বিষণ্ণ হেসে বললে, আমি এসে মরা মুখটাই দেখলাম।

সে তাকাল এবার পাশের দিকে।

সেখানে চিতা জলছিল। কয়েকজন লোক দাঁড়িয়ে ছিল।

দীহু সেইদিকে তাকিয়ে থাকতে থাকতে বললে—মাস্টারবাবুর ছেলের চিঠি এয়েচে আজ?

—হ্যাঁ। পাটনা জেল থেকে ছাড়া পেয়েছে। গবরমেন্ট তো সব ছেড়ে দিচ্ছে।

—আজ্ঞে হ্যাঁ। বলছে সব।

—নেতাইয়ের খবরও তুই পাবি। বুঝলি। আমার মন বলছে রে! বলেই সে অপ্রতিভের মতো হয়ে গেল। বললে—মানে এইবার তো ইংরেজরা চলে যাবে শুনছি। তখন দেশ স্বাধীন হলে সব মাপ করে দেবে কিনা! নেতাইয়ের তখন আর ভয় থাকবে না।

—কে জানে মশায়!

বাঁদুজ্ঞে বললে—এবার তু—। বলেই থেমে গেল।

দীহু প্রশ্ন করলে—আজ্ঞে?

—কাজ ছেড়ে দে। পেনসন নে।

—কাজ ছেড়ে কী করব? দিন কাটলে, রাত কাটবে না যে। সে গভীর নৈরাশ্রে আকাশের দিকে তাকালে—তাকিয়ে থেকেই বললে, রেতে বাড়িতে একা জেগে থাকব গেরাম পিথিমী ঘুমবে। না সে আমি লারব! সহু সরে গেল বাবু ওই করে। একটু খামল, আবার বললে। এ—কেটে যায় বেশ—ডাক নিয়ে যাই আসি। একটু বেপরোয়া হয়েই বললে—বেশ কাজ বাবু। পিথিমীর স্থখ-দুঃখের খবর আমি—আমার কিছু নাই।

পরের দৃশ্বে দেখা গেল—দীহুর বাড়িতে দীহু উঠানে দাঁড়িয়ে আছে। পিনী বলে আছে দাঁড়ায়।

সে কাপড়ের আঁচলে চোখ মুছে।

তিনজন গোক বাছুরের পাইকার অর্থাৎ দালাল—চারটি গোকর দড়ি ধরে দাঁড়িয়ে আছে। একজন এক গোছা দশটাকার নোট গুনছে।

দীহু গোক বাছুরগুলি বিক্রি করে দিচ্ছে।

নোটগুলি দীহুর হাতে দিয়ে লোকটি বললে—গুনে নাও।

দীহু গুনলে না। হাতে ধরে রেখেই বললে—ঠিক আছে ভাই।

লোকটি সঙ্গীদের বললে—চল।

একজন হাতের লাঠি উঠিয়ে বললে—হেট—হেট।

দীহু বললে—দাঁড়াও।

লোকটি ঘুরে দাঁড়াতেই সে বললে—আজ্ঞার নাম নিয়ে কসম খেয়েছ—মনে আছে তো ?

—তোবা তোবা। তাই মনে না থাকে ? তোমার গোক কসাইয়ের হাতে দিব না। গেরস্তকে বিক্রি করব। তাও ভদ্রর ঘরে যারা নিজের হাতে গোকর সেবা করে না তাদের দিব না। গরিব চাষীর ঘরে দিব। গোক যথের ধন। খোদা কসম ! তোমার দুখ কি আর বুঝি না !

দীহু আঁচলের খুঁটে চোখ মুছে বললে—আর একটি কথা। তোমরা দাঁড়াও। আমি হুকা পেটি নিয়ে বাড়ি থেকে চলে যাই—তারপর নিয়ে য়েও।

সে ঘরের ভিত্তর ঢুকে গেল।

দাওয়ায় উপবিষ্ট পিসী এবার বললে—সব বেচে দিলি বাবা ! আমি যা হোক তা হোক করে সেবা করতাম।

—না পিসী ! সে তোমারও কষ্ট ওদেরও কষ্ট ! আর গাই ছিল সত্বর ! বলদ ছিল নেতাইয়ের—

বলতে বলতে বেরিয়ে এল—উঠানে নামল। বললে—তারাই নাই—আর—বন্ধন রেখে কী হবে ?

কথাটা শেষ হল তার বাড়ির বাইরে।

পশ্চিম দিগন্তে তখন সূর্যাস্ত হচ্ছে।

মাঠের পথে দীহু পশ্চিম মুখে হনহন করে গিয়ে—বাক ফিরে অদৃশ্য হয়ে গেল।

তখন দীহুর বাড়িখানি প্রায় জনশূন্য। পাইকারেরা গোক নিয়ে চলে গেছে। বুড়ী পিসি একা জরতীর মতো বসে আছে। স্তব্ধ। চোখে জলের ধারা। একটা কুকুর বসে আছে। অন্ধকার ঢেকে আসতে আসতে ঢেকে গেল পরিত্যক্ত বাড়িটা।

পরের দৃশ্যে বোলপুর স্টেশনেই প্রাটফর্মের সেই লাইটপোস্টের নিচে একজন ডাকহরকরা এসে গামছা দিয়ে ঠাইটা পরিষ্কার করে—বসতে গিয়ে চারিপাশ তাকিয়ে দেখে দীহুকে

না দেখে ডাকলে—দীহু দাদা! ওই! কোথা গেলে হে?

দীহু তখন ওভারব্রিজের নিচে অন্ধকারে একলা বসে আছে।

ডাকহরকরাটি তার সামনে দিয়েই চলে গেল। একটু দূরে দাঁড়িয়ে ডাকলে—দীহু দাদা!
দীহু উত্তর দিলে না।

লোকটি বললে—ভালা মাহুষ! শোকাভাপা মন নিয়ে—চাকরি করাকেও বলিহারি
যাই! আর কাজই যদি করবি—সে চলল এগিয়ে—দীহু দাদা!

দীহু উঠে পড়ল।

বেরিয়ে এল স্টেশন থেকে।

এসে ঢুকল থার্ড ক্লাস ওয়েটিং শেডে।

শেডে তখন খুব হাঁক-ডাক নাই।

যাজীরা ঘুমচ্ছে। কেউ বিড়ি খাচ্ছে। নানান ভেঙারেরা বসে আছে।

দীহু চলেছিল স্টলের দিকে।

হঠাৎ সে থমকে দাঁড়াল।

একজন কুলী শুয়ে আছে আর বাসিনীর ছেলেটা তার পা টিপছে।

দীহু স্টলের পথ ভেঙ্গে এসে দাঁড়াল কাছে।

—এই ছেলে!

ছেলেটা চমকে উঠল। তার মুখের দিকে তাকাল সবিস্ময়ে।

—উ কী হচ্ছে? আঁা?

—পা টিপছি!

—পা টিপছিস?

—হ্যাঁ—পয়সা দেবে একটো!

—পা টিপছিস? একটো পয়সা দেবে? কয়েক মুহূর্ত স্তর থেকে হঠাৎ বলে উঠল—

শূয়ারের বাচ্চা! অধম্মের চারা!

কুলীটা উঠে বসল।

সকলে সচকিত হয়ে উঠল।

কুলীটা বললে—কেয়া ছয়া? কেঁও গালি দেতা হ্যায় উন্ঝো?

দীহু ক্রম্পন না করে বললে—তোর মা কোথা?

ছেলেটা বললে—মা কোথায় চলে যেয়েছে একটো নোকের সঙ্গে। শ্রোতার্য হেসে উঠল।

দীহুর কণ্ঠস্বর সে হাসিকে ছাপিয়ে উঠল—তু মরে যা! তু মরে যা! তু মরে যা!

বলতে বলতে সে প্রায় ছুটে পালিয়ে গেল—মিশে গেল অন্ধকারের মধ্যে।

প্লাটফর্মের একপ্রান্তে তখন সঙ্গী ডাকহরকরা ডাকছিল—দীহু দাদা হে !
ডাকের শ্রায় সঙ্গে সঙ্গে ট্রেনের ঘণ্টা পড়ল।
সে ঘুরল। ট্রেনের সার্চলাইটে আলোকিত প্লাটফর্মে মাহুয়েরা জেগে চঞ্চল হয়ে উঠেছে।

সেই ট্রেন খেনেই নামল—পোস্টমাস্টারের ছেলে অমর।

ঘণ্টা বাজল—হুইসিল বাজল।

ট্রেন চলে গেল।

ডাকব্যাগের ঠেলা-গাড়ি এসে দাঁড়াল শহরের পোস্টাফিসের সামনে।

সঙ্গে পিওন এবং দ্বিতীয় ডাকহরকরা।

পিওন হেঁকে ডাকলে—দীহু! মাস্টারবাবু, দীহু ইস্টিশান থেকে—

ভিতর থেকে মাস্টার বললেন—এসেছে সে। শরীর খারাপ বলে চলে এসেছে। তার
জন্মে ভেবো না।

অন্য ডাকহরকরা ইতিমধ্যেই এগিয়ে এসেছিল। ডাকব্যাগগুলি নামাতে নামাতে একজন
বললে—সে একেবারে ক্যাপাধ্যাপার মতন এসে ধপাস করে বসে পড়ল।

আর একজন বললে—এতক্ষণে একটুকুন ঘোর কেটেছে। নবগেরামের মাস্টারবাবুর ছেলে
এয়েছে এই ট্যানের। সেই অমরবাবুর সঙ্গে কথা বলছে।

আর একজন বললে—যুক্তিস্তির এইবার স্বগো ঘাবে। আর বেশীদিন নয়।

ভিতরে ডাকঘরে খটখট শব্দে ছাপ পড়তে লাগল।

বারান্দার আর একদিকে—দীহু তখন অমরের মুখের দিকে একদৃষ্টে তাকিয়ে ছিল।

অমর হেসে বললে—এমন করে কী দেখছ দীহু? আমি কি খুব পার্টে গেছি?

দীহু বললে—আপনি অ্যানেক সোন্দর হয়েছেন বাবু।

অমর বললে—বড় হয়েছি যে অনেক। তা ছাড়া জেলে তো খুব কষ্ট ছিল না।

দীহু বললে—ধরমের দয়া বাবু! কষ্ট দেয় কে?

অমর বললে—আমি জানতাম বোলপুরে নেমেই তোমার দেখা পাব।

—কী আর করব বাবু? চিনির বলদের মতন—পিথিমীর খবর বয়ে নিয়ে যাই।

আমারই শুধু—

—আমি সব শুনেছি দীহু। বাবা আমাকে লিখেছিলেন। তুমি সৎলোক, সাধুলোক—

—না—বাবু। মিছে কথা।

—দীহু?

—ঠিক বলছি বাবু। চোরের বাবা কখনও সাধু হয় না—সাধুর বেটা কখনও চোর হয়।

হয় না বাবু, হয় না! সব মিছে কথা!

ঠিক এই সময়টিতেই পোস্টাপিসের ভিতর থেকে পোস্টমাস্টার হেঁকে বললেন—

—ওরে দীহু! ওরে—তোর নামে যে রেজেষ্টারী!

অ্যা! দীহু চিংকার করে উঠল—অ্যা, আমার?

মাস্টার একটি পার্শেল হাতে ধরে বললেন—হ্যাঁ তোরই তো। দীনবন্ধু দাস। ফাদার অব নিতাইচরণ দাস—।

—নিতাইচরণ দাস! নিতাই পাঠিয়েছে? নিতাই?

—না। বলছে—দীনবন্ধু দাস—নিতাইচরণ দাসের পিতা। পাঠাচ্ছে এক জাহাজ কোম্পানী।

—জাহাজ কোম্পানী?

—হ্যাঁ ভারত জগান কোম্পানী। বম্বে।

—কিন্তু নিতাইচরণ দাসের নাম ক্যান্নে রয়েছে?

—হয়তো নিতাইই কিছু পাঠিয়েছে; জাহাজ কোম্পানী ব্যবস্থা করে দিয়েছে।

—তা হলে—! তা হলে নিতাই—। নিতাইকে কোম্পানী ছেলেমাছুষ বলে মাপ করেছে?

—কী করে বলব বল না দেখে!

—খুলুন বাবু, খুলুন! খুলে দেখুন!

—কিন্তু এ যে তোকে তোরা পোস্টাপিস থেকে নিতে হবে। এখানে আমি কী করে খুলব!

দীহু বিস্ফারিত দৃষ্টিতে তাকিয়ে বললে, না, নিতাইকে জাহাজ কোম্পানী ধরেছে! তার বিচার হবে! শিগ্গির ডাকটা বেঁধে ছান বাবু। শিগ্গির।

ডাক খাড়ে করে দীহু ছুটছে।

তার চোখের উপর মাস্টারের হাত এবং হাতে পার্শেলটা ভেসে ছুটে চলেছে।

হঠাৎ সে থমকে দাঁড়াল।

ডাকটা আছড়ে ফেললে।

এবং একদিন নিতাই যেভাবে ডাকব্যাগের উপর ঝাঁপিয়ে পড়েছিল তেমনি ভাবেই ঝাঁপিয়ে পড়তে উত্তত হল কিন্তু সঙ্গে সঙ্গে চমকে উঠে নিজেকে সংযত করলে। তারপর বসে হাঁপাতে লাগল। মাথার উপর দিয়ে প্যাঁচা ডেকে গেল। গাছ থেকে একটা ফুল খসে পড়ল। পাখি ডেকে উঠল। দীহু চমকে উঠে ডাক খাড়ে তুলে ছুটে লাগল।

নবগ্রাম পোস্টাপিসের সামনে তখন বেশ একটা ভিড়।

অমর দাঁড়িয়ে আছে।

বাঁড়ুজ্ঞে আছে। সে বলেছে—Hero—শহীদ—long live অমরচন্দ্র! জিন্দাবাদ! ঠিক সেই সময়টিতেই দীহু ডাক নিয়ে ছুটতে ছুটতে এসে ঢুকল, বললে—বাবু—বাবু—বলতে বলতে সে ঢুকে গেল ডাকঘরের ভিতরে।
মেঝের উপর ডাক ফেলে সেও যেন ভেঙে পড়ল।

—বাবু, ডাক কাটেন। বাবু!

বিস্মিত হয়ে মাস্টার বললেন—কী রে, কী হল? এমন করছিস কেন?

—আমার এজেন্টালী। আমার নিতাই! আমার খবর আইচে!

—নিতাইয়ের খবর?

—হ্যাঁ। ডাক কাটেন। বাবু ডাক কাটেন!

বাইরে অমর চকিত হয়ে বললে—নিতাইয়ের খবর?

বাঁড়ুজ্ঞে বললে—রেজেন্সী?

একজন বললে—নিতাই ধরা পড়েছে?

—সাক্ষীর শমন নাকি? বাবাই তো একমাত্র সাক্ষী!

বাঁড়ুজ্ঞে বললে—মাপ হয়ে গিয়ে থাকতে পারে। দেশ স্বাধীন হচ্ছে। নিশ্চয় মাপ হয়েছে।

ডাকঘরের ভেতর মাস্টার তখন একখানি মেডেল হাতে নিয়ে দেখছেন।

পার্শ্বলটি খোলা।

দীহু বিস্ময়িত দৃষ্টিতে চেয়ে রয়েছে।

মাস্টার পড়ছেন—Awarded to Nitai Charan Dass—for his heroic—

বাঁড়ুজ্ঞে অমুবাদ করলে—নিতাইচরণ দাসের বীরত্বপূর্ণ—

দীহু বললে—নিতাইয়ের মেডেল! নিতাই মেডেল পেয়েছে? নিতাই তা হলে মাপ হয়ে যেয়েছে—? বাবু?

পোস্টমাস্টার মেডেলটি রেখে—চিঠিখানা বের করে খুললেন।

দীহু নিজেই মেডেলটি তুলে নিল। দেখতে দেখতে বললে—আর কী লিখেছে বলেন? বাবু?

মাস্টার চিঠিই পড়তে লাগলেন।

—বাবু! পড়েন! বলেন! বাবু! বাবু! তবে? তবে? চিৎকার করে উঠল—
ই মেডেল তবে আমার? নিতাইয়ের নাম করে দিয়েছি বলে? বাবু?

—না দীহু!

—তবে?

—এ মেডেল নিতাইয়ের। তার বীরত্বপূর্ণ আত্মোৎসর্গের জন্য—কোম্পানী তাকে

মেডেল দিয়েছে। সে নাই। তার বাবা ভুই—

—সে নাই? চিৎকার করে উঠল।

মাস্টার চিঠি পড়ে গেলেন—আপনার পুত্র নিতাইচরণ আমাদের একজন কর্তব্যপরায়ণ সাহসী লঙ্কর ছিল। যুদ্ধের সময় সে অনেক বীরত্বপূর্ণ কাজ করিয়াছে। সে সকলের প্রিয়পাত্র ছিল। সম্প্রতি আমাদের একখানি স্টীমার যুদ্ধের সময়ে পাতা কোনো একটি ভাসা মাইনের সংঘর্ষে জলমগ্ন হইয়াছে। সকল ব্যক্তিকে নিরাপদে নৌকায় তুলিয়া সে একা কাপ্তেন সাহেবের পাশে থাকিয়া বীরের মতো আত্মবিসর্জন দিয়াছে। সেই বীরত্বের পুঙ্খানুপুঙ্খ তাহার স্মৃতির উদ্দেশে উৎসর্গীকৃত এই মেডেল—আপনার নিকট পাঠানো হইল। কোম্পানি ষথাসময়ে তাহার প্রাপ্য ইনসিগুরেন্স ইত্যাদির টাকা আপনাকে পাঠাইবেন।

এতক্ষণ দীহুর চোখ দিয়ে জল ঝরছিল।

গোটা পোস্টাপিসটা স্তব্ধ।

স্বধু টেলিগ্রাফের পোস্টের গৌ গৌ শব্দ শোনা যাচ্ছিল।

হঠাৎ টেলিগ্রাফের কলটা টক্ টক্ শব্দে বেজে উঠল।

দীহুও—জয় ভগবান! বলে উঠে দাঁড়াল। তারপর বললে—বাবু—চাকরিতে আমার জবাব নিয়ে স্থান বাবু! ব্যাস।

মাস্টার মুখ ফিরিয়ে বললেন—জবাব দিচ্ছিস?

—হ্যাঁ বাবু। চাকরিতে জবাব, এস্তফা! এককাল পিণ্ডিমীর লোকের কত খবর এনেছি, আজ আমার খবর এসেছে। নেতাই চোর হয়ে হারিয়ে যেয়েছিল...সে সাধু হয়ে মরেছে, তার মেডেল এসেছে...শেষ খবর আমার; জয় ভগবান!

বলতে বলতেই সে বেরিয়ে এল।

কম্পাউণ্ডের লোকগুলিকে অতিক্রম করে রাস্তায় এসে দাঁড়াল। সঙ্গে সঙ্গে এল তার বাঁড়ুজ্জে।

সে ডাকল—দীহু! দীহু!

দীহু তার ডাক গ্রাহ্য করলে না। সে চলতে লাগল...চলতে লাগল বোলপুরের পথে—
জয় ভগবান!

বাঁড়ুজ্জে চিৎকার করে ডাকলে—দীহু ওদিকে কোথায় চললি? দীহু! দীহু!

দূর থেকে দীহু উত্তর দিলে—বোলপুর!

পথে গ্রামের প্রান্তে বাউল গান করছিল...জনতা জমেছিল...

...তোমার শেষ বিচারের আশায় বসে আছি!

দীহু তাদের পাশ কাটিয়ে চলে গেল।

এল সে বোলপুর স্টেশন ।

ওভারব্রিজের তলায় যুমস্ত ছেলেটাকে উন্নতের মতো তুলে নিলে ।

পরের দৃশ্য দেখা গেল---

সেই অরণ্যপথ ধরে নাড়িকে কাঁধে করে সে ফিরছে ।

নতুন জামাকাপড়ে সে তাকে সাজিয়েছে ।

গলায় বুলিয়ে দিয়েছে মেডেল ।

তার সামনে এগিয়ে আসছে পথ ।

ঘন অরণ্যপথ । অরণ্যপথে কচি পাতা ধরেছে ।

একথানা গ্রাম ।

তারপর নবগ্রাম ।

নবগ্রামের বাজার ।

তার পাড়া ।

বাড়ির গাছটি ফুলে ভরা ।

শুভ্রলোকে বাউলের গানটি বাজছে :

খেয়া ঘাটের পায়াপায়ে...

মাঙল দিয়ে বারে বারে...

শেষ খেয়ারই ঘাটের ধারে এলেম দেউলে দশায়...

পাওনা কিছু থাকলে এবার দাওছে রাজা মশায় ।

তোমার সেই বিচারের আশায় ।